



Ausführliche Geschichte

der

Lübeckischen

Kirchen = Reformation

in den Jahren 1529 bis 1531,

aus dem

Tagebuche eines Augenzeugen und Beför-
derers der Reformation

h e r a u s g e g e b e n

von

F. Petersen,

Dickonus an der Domkirche zu Lübeck.

Lübeck 1830.

In der von Rohdenschens Buchhandlung.

200
C 50

3025

470

Gedruckt bei H. O. Rahtgens.

V o r r e d e .

Die Herausgabe einer ausführlichen Geschichte der Lübeckischen Kirchenreformation kann am wenigsten in diesen Wochen einer Rechtfertigung bedürfen, da wir auf das Jubelfest der hiesigen Kirchenverbesserung uns vorbereiten. Nur darüber glaubt der Herausgeber sich erklären zu müssen, weshalb er, statt einer eignen Arbeit, eine Erzählung dieser denkwürdigen Begebenheiten mittheilt, welche Jahrhunderte lang in staubigen Winkeln gelegen. Er ist nämlich überzeugt, gerade durch diese Mittheilung sich ein kleines Verdienst selbst um diejenigen zu erwerben, welche dieses Büchlein nur als eine Vorbereitungsschrift für das bevorstehende Jubelfest in die Hand nehmen möchten.

Wer den rechten Festinn zu dieser Feier mitbringen will, der muß nicht nur die Begebenheiten kennen, durch welche Gott das Kleinod des Evangeliums der Vaterstadt zuführte; er muß zugleich die Begeisterung mitempfinden, mit welcher vor 300 Jahren die lebendige Predigt des göttlichen Wortes erseht und aufgenommen wurde. Und gesetzt auch, es gelänge dem Geschichtschreiber, den drei Jahrhunderte von den zu schildernden Ereignissen

trennen, ein eben so treues als lebendiges Bild von den damaligen Bewegungen und Entwicklungen auf dem Gebiete der Kirche zu entwerfen; so würde doch eine Zeit, in welcher die meisten Herzen viel gemäßiger für das Evangelium schlugen, nur zu geneigt sein, das rege, kräftige Leben des frommen Geistes, welches das entworfenen Gemälde beseelen würde, auf die Rechnung und die wohlgemeinte Absicht des Darstellers zu schreiben.

Der Herausgeber ist dabei überzeugt, daß diese Blätter auch dann noch von großem Werthe bleiben werden, wenn das Reformationsfest schon lange hinter uns liegt und jede — auch die gelungenste — Darstellung eines jetzt lebenden Verfassers nur noch wenig beachtet werden würde. Die vorliegende Schrift ist die reichhaltigste, für viele Begebenheiten der Reformationszeit die einzige geschichtliche Quelle. Sie ist, wie sich aus der Umständlichkeit, mit welcher die einzelnen Verhandlungen oft wörtlich mitgetheilt werden, aus den eingeschalteten Actenstücken, aus dem Parthei-Eifer, in welchem sie niedergeschrieben, und aus vielen einzelnen Bemerkungen ergibt, entweder gleichzeitig mit den erzählten Begebenheiten, oder ganz kurz nach denselben aufgesetzt worden. Sie enthält überdieß eine Menge einzelner Züge, welche in eine Geschichte der kirchlichen Reformation von keinem heutigen Geschichtsschreiber aufgenommen werden können, wenn er — was doch seine erste Pflicht wäre — auf den kirchlichen Standpunkt sich stellt. Und gerade das Hinweglassen dieser Seitengemälde wäre ein wahrer Verlust, da sie von dem größten geschichtlichen und vaterstädtischen Interesse

sind. Diese Darstellung versetzt uns in ein so reges bürgerliches Leben, wie unsere Phantasie es wohl in dem einstigen Rom oder Athen, aber nicht in der eignen Vaterstadt sich ausmalt; sie führt uns ein in den Anfang der Wollenweberschen Unruhen, welche den interessantesten Punkt der Lübeckischen Geschichte bilden und ohne dieses Manuscript ein ganz unauflösliches Räthsel bleiben würden.

So glaubt der Unterzeichnete sich durch die Herausgabe dieser Blätter den Dank aller Freunde der Lübeckischen Geschichte, wie auch aller derjenigen zu erwerben, welchen es Freude und Bedürfnis ist, sich einmal ganz in eine schöne Zeit des regen, kirchlichen Lebens zu versetzen und die kleine Mühe nicht scheuen, einige Bogen im niedersächsischen Dialekte zu lesen. Der Herausgeber kann allen denen, welche hieran, als an einer zu harten Schale des edlen Kernes, einigen Anstoß nehmen möchten, die Versicherung geben, daß man sich sehr leicht in die Sprache des 16^{ten} Jahrhunderts hineinliest, besonders wenn man sich die Mühe nimmt, einige Seiten laut zu lesen. Die Ausdrücke, welche heut zu Tage unverständlicher sein dürften, sind überdieß in [] erklärt.

Den Freunden der Lübeckischen Geschichte und ihrer Denkmäler muß der Herausgeber mit Bedauern gestehen, daß es ihm unmöglich war, die Herausgabe nach dem Originale vorzunehmen. Ob es sich noch einst finden wird, wagt der Herausgeber nicht zu bestimmen; suchen würde er es zuerst in den Amtsladen der 4 großen Ämter. Denn dafür möchte er bürgen, daß der Verfasser ein, zu einem der vier großen Ämter gehöriger, Ausschußbürger war. Den Ankerschmidt Borchert Brede

als den möglichen Verfasser dieser Schrift zu bezeichnen, ist bei allen Wahrscheinlichkeitsgründen, die sich dafür anführen lassen, zu gewagt, als daß der Herausgeber diese Vermuthung, die sich wiederholt ihm aufdrängte, weiter verfolgen will.

Aufmerksam wurde der Verfasser und mancher andere Freund der Lübeckischen Geschichte auf diese wichtige geschichtliche Quelle zuerst durch eine Abschrift, welche der selige Cantor Schnobel von einem alten, wie es scheint, etwas unleserlichen Manuscripte gemacht hat, und der Familie des Herausgebers gehört. Das Alter dieser (in den Notizen mit A. bezeichneten) Handschrift, welche noch von einem Augenzeugen der Reformation herrühren muß, geht aus den Zusätzen (siehe z. B. p. 48. p. 110.) und aus den beiden Notizen zu dem Verzeichnisse der (S. 39.) Ausschußbürger hervor, welche sich nur in dieser Handschrift finden. Das Original aber kann das von Schnobel benutzte Manuscript nicht gewesen sein, wie schon daraus erhellt, daß S. 1. Z. 3. v. u. die Worte: Do dusse artikel ic. bis S. 2. Z. 2. fehlen, welche doch nothwendig in den Zusammenhang gehören. Eine häufige Verwechslung der Wörter: dar, doch, dat ic. und viele andere Schreib- oder Lesefehler (z. B. S. 2. Z. 12. des leven Evangelii statt: der lehre des Evangelii, S. 3. Z. 8. dat Sacrament Christi statt: dat Sacrament na Christi Insettinghe, S. 3. Z. 10. Doctorem statt: Decretorum ic.) zeigen, daß der Verfasser dieser Handschrift nur nothdürftig mit der Sprache oder Feder umzugehen wußte. — Alle Vorzüge und Mängel (die Lücke p. 1. u. f. w.)

dieser Handschrift theilt ein Manuscript, welches zum Dreyerschen Museum gehört und auf der Registratur sich befindet, von Dreyer selbst als Fragment bezeichnet ist. Wenn man die Blätter, welche in ihrem jetzigen Zustande oft bunt durch einander geheftet sind, nach der Schnobelschen Handschrift ordnet, so zeigt sich, daß auch dieses Manuscript noch ziemlich vollständig erhalten ist. Obwohl Schnobel mit dem Domprobste Dreyer sehr vertraut war, so glaubt der Herausgeber doch nicht, daß Schnobel dieses Manuscript bei seiner Abschrift benutzt hat. Denn das läßt sich (abgesehen von der verschiedenen Orthographie, den abweichenden Absätzen, Ueberschriften) nicht denken, daß das von Schnobel vollständig gegebene Manuscript in Dreyers Händen zu dem von ihm so genannten Fragmentum geworden wäre. Ueberdies mußte Schnobel, wegen Unlesbarkeit der von ihm benutzten Handschrift, mehrere Wörter auslassen, die in der Dreyerschen ganz deutlich zu lesen sind.

Ein eben so großes Verdienst, wie durch die Abschrift eines vollständigen Exemplars dieser Schrift, hat der fleißige und genaue Cantor Schnobel durch die Bemerkung sich erworben, die auf der Rückseite des Titelblattes steht und die Nachricht enthält, daß bei einem der löblichen Aemter eine leserliche Handschrift dieses Buches sich befinde. Der Herausgeber erkennt es hier öffentlich dankbar an, daß ihm die Bitte um freundliche Mittheilung dieser (in den Anmerkungen mit B. bezeichneten) Handschrift gewährt wurde. Ohne dieselbe würde die Herausgabe unmöglich gewesen, oder doch nur höchst unvollkommen ausgefallen sein. Freilich hatte

schon Schnobel im Jahre 1780 eine gleiche Vergünstigung erhalten und die bedeutenderen Lücken ausgefüllt, die größten Fehler berichtigt. Eine sorgfältige Durchsicht der Schnobel'schen Handschrift zeigte aber, daß Schnobel dieses Exemplar wahrscheinlich zu kurze Zeit in Händen hatte, als daß er an eine ins Einzelne gehende Berichtigung seines Manuscriptes hätte denken können. Diese Handschrift B. ist bei weitem jünger. Das Amtsbuch, in welchem sie steht, ist zu Anfang des 17^{ten} Jahrhunderts angefangen, und nach dem, was diesem Manuscripte vorhergeht und nachfolgt, läßt sich schließen, daß es zwischen 1610 und 1630 geschrieben ist — vielleicht als das erste Jubelfest der Reformation herannahte — vielleicht als Ersatz des unleserlich gewordenen Originals. Auf jeden Fall ist sie nach einer sehr guten Handschrift und von einem denkenden Schreiber verfertigt, der sich freilich an die Orthographie des 16^{ten} Jahrhunderts nicht slavisch gebunden hat.

Der Herausgeber, welcher beide Handschriften sorgfältig verglichen, ist in der Orthographie (mit Ausnahme des u und v, welches so gedruckt ist, wie es ausgesprochen werden muß) der durch Schnobel erhaltenen (als der älteren) gefolgt; wo die Worte berichtigt werden mußten, hat er die Handschrift des 17^{ten} Jahrhunderts benutzt.

L ü b e c k , den 10. May 1830.

F. P.



~~~~~

Dit is dat bof, do de Luttersche lere siĸ to Lubeke  
erst gefanghen und wat vor moye de borgher  
mit dem Rade ghehadt hebben, ehr se et heb-  
ben darhen bringen konden. Of sind dit de  
namen der 64 borgher, welke hierto anno 1530  
den 7. April ut der Borgerschaft van junkern,  
renthenerern und kopluden und van aller amter  
wise erkaren sind, de et denn dahren ghebrocht  
hebben, dat et endlich mit dem Rade sinen  
fortghant ghewonnen.

---

**A**nno 1529. — Do ein Rath tho Lubeck wolde nye  
artikeln upsetten den borgeren, schatt und tinsē [Abgaben]  
tho geven und nu vast de borger etlike jahr der schat-  
tinge und tinsē vele gegeben hedden, dat idt en of schier  
verdrot, derhalven so sechte ein ehrbar Rath wise und  
mathe, wo de berameden [die festgesetzten] artikel der  
nyen tinsē und schattinghe, mit sege, der gemende moch-  
ten vorgedragen werden, leten derohalven etlike van den  
vornehmsten borgeren vor siĸ vorbaden und geven en  
vore, dat dewile dat vorgesammelde gelt nicht konde tho-  
langende thor betalinge der schult, dar de stadt inne steke,  
derohalven hedde ein ehrbar Rath to andern artikeln ge-  
dacht. Do dusse artikel densilvigen borgeren weren vor-  
gelesen, geven se dem Rade tor antwort, dat se so-  
dane artikel nicht konden inneghan ane weten und

vullbord [Einwilligung] der ghemene. Dut geschach den 24. August. \*)

Up dut antwort helt ein Rath stille, trachteden tho der sake, wo man idt best angrepe, wente [denn] de gemende was fast unwillig und wenn de gemende nicht in der thoversicht gewesen were, dat se dorch innrument der schattinge van dem Rade verlangen mochten, dat prediger, de Gades Wort reine und lutter leren, scholden gesettet werden, se hedden swarliken darto tho bringen wesen, de schattinge tho undergahn. Nu was ein ehrbar Rath der Stadt Lübeck der lehre des Evangelii aver de mate viendt, wente en ward so vel quades [falsches] von der lehre frot [weiß] gemaket van den Dom-Herrn, Monniken und Papen, da se desulvige verfolgeden, wor se konden. Wenten wowohl tho Nurenberch, Maideborch, Brunswick, Hamborch, Wismer, Sunt, Rostock, Stettin und fast in allen ummeligghenden steden, dar ok wyse und verstendige lude weren, dusse lehre nicht alleine van den undersaten, sunder van der avericheit gehandhavet: wolde dat ein Rath tho Lübeck nicht lieden, dat idt tho Lübeck scholde geprediget werden; derohalven hebben se enem boefführer ein vatt boeke laten nehmen und vordeleden de in dat capittel by dem Dome und beide kloster, dat se daraver richten scholden, welf fetteriß were effte [oder] nicht; und verstunden siß de lude by dem Dome beter up ein mule tho schrapen, effte enen framen manne sin wyff und dochter tho schanden tho maken, als dat se aver Gades Wort scholden handeln und ordelen, jedoch weren se geschicket, se repen allthomal, idt were idel [eitel] fetterrie, wy scholden idt billich vorbernen [verbrennen]. Nu weet ik, dat etlike van enen

\*) Die Worte pag. 1: Do dusse Artikel ic. bis hieher fehlen in der Handschrift A.



nicht ein blatt uthlesen van allen den boeken, de se by sik hedden und repen like lude [gleich laut] dat idt ketterie were.

Dem na leet ein E. R. desulven boeker up dem markede dorch den Bödel, Claus Rosen genomt, vorderen und versögede Gott so, dat de aske aver de hele stadt flog, wente vele lude fregen misdunken, dat men so ploglich mit der sake ummeging. Baven dit was ein prediger in dem Dome mit namen M. Andreas Wilms, Licentiatuſ Decretorum, dusse predigede van der wahrheit, dat konde dat Capittel nicht verdregen und setten en van dem predigamte. He hadde einen capellan tho Sunte Tillian, dar he of Pastor was, de muste by sunnenschin ut der Stadt. Tho unser leven frouwen was ein capellan, mit namen Her Johann Walhoff, dem ward de predigstuel vorbaden van dem rade, gelik alse M. Andreas van dem capittel, do he begunde, Gades Wort tho predigen, dit geschach an. 1528. — Idt was of ein prediger tho Oldeſlo mit namen Petrus, dussen tho hörende thogen de borger ut Lübeck na Oldeſlo, entfingen of etlike dat Sacrament na Christi Insettinghe. Ein ehrbar Rath, dorch vervorderinge [auf Anfordern] der Papen, leten hart verbeden, dat niemand na Oldeſlo scholde reisen, strafende und schattende [verurtheilten zur Geldbuße] dar of borger umme. Dit geschach an. 1529. In dusssem sommer regherede dat swet\*), wenn dat nicht were wesen, hedde ein Rath tho Lubeke etlike am Leben gestraft, de am Evangelio vor andern fürich weren.\*\*)

\*) dat swet: die Schweißsucht, eine epidemische Krankheit, welche sich im Sommer 1529 über das nördliche Deutschland verbreitete, und eine große Menge Menschen hinwegraffte.

\*\*) Dieser Satz fehlt in der Handschrift A.

An. 1529 des Sonnavends na nativitat Mariae, well was den 11. September, leet de Rath de gemene vorbaden und gaff Her Harm Balk Borgemeister den borgeren vor, dat demile dusse gude stadt in so merkliken schulden were, dat de vorige tholage nicht konde tholangen, uth der schult tho kamen, wolde siß gebohren, dat de gemene, alse truwe und gehorsame borger, vorwilligen wolde eine nye schattinge, de ein ehrbar Rath nu sinnes were vorthostellen, wente baven der stadt schuld were van Keiserliker Majestet eine Tage duffer stadt gesetzt, tho thollegen wedder den Torken. Wenn so eine tage nicht tho syner tidt utqueme, mochte Keiserlike Majestet dusse stadt in die acht und overacht \*) bringen, welke mochte tho ewigen vordarve duffer guden stadt gedeyen und up dusse vermaninge des borgemeisters worden de artikel gelesen, de ein ehrbar Rath hedde vorgestellt.

Do dusse artikel gelesen weren, begerede de gemene eine ruggesprake, well also ein E. R. vorgunde, giengen de junker und koplude (na gewanheit) nedden und de ampte baven up dat huf, dat se beyde van junkern kopluden und ampten wolden kesen [wählen], de de artikel des Rades verlengheren effte verkorten scholden, na gelegenheit der gemene, alles up behag des E. R. und koren [wählten] also 24 van junkern und kopluden und 24 ut den amten, und de namen der gekarnen overantworten se dem Rade up einem sedelken dorch etliche borger, dartho verordnet, und ein Rath vullborde und bevestede of

---

\*) overacht: die Aberacht, wiederholte, strenge und vollständige Acht, welche in gänzlicher Schutz- und Rechtlosigkeit bestand, wurde ausgesprochen, wenn der in die einfache Acht Verfallene binnen Jahr und Tag seine Schuld nicht gelöst hatte.

den fohr der erwählten borger. Do duffe borger van dem Rade confirmert, wert en van der gemene vort uperlecht utthorichten dre mercklike stücke:

De erste artikel der gemene den 48 bevalen.

Dat se vor allen Dingen den artikel van Gades Wort scholden anstellen und bearbeiten mit allem vlite by dem E. R. dat se mochten gude Predicanten kriegen, welche mochten Gades Wort rein predigen und so dem artikel van Gades Worde baven nene [keine] mate gestellt worde, dachten se der andern artikel nicht eines tho holden.

De ander artikel der gemene den 48 bevalen.

Darnecht bevol of de gemene den 48, dat se vor anderen artikeln van dem rade scholden rekenschopp nehmen van der gesammelten jise van de tunne berß 4 fl.; item van dem gelde, dat de Hensfeste hergesandt hedden tho der veide [zur Fehde; zum Kriege]; item van der upboringe [Einnahme] van Gottlandt und Bornholm\*); item se scholen de breve lesen, wo grot de stadt in achteren were gekommen; item se scholen sik of lesen laten dat register, tho Segeberg gemaket.

De drudde artikel.

Dat se geltartikel maken scholden und desulvige wulde de gemene up sik nehmen, so veren [insoferne] als se gude predicanten mochten kriegen, de en Gades Wort mochten predigen und lehren.

---

\*) König Friedrich trat 1525 die Einkünfte von Gothland auf vier Jahre den Lübeckern ab, zum Ersatz für die Kosten, welche ihnen die Unterstützung seiner Unternehmungen verursacht hatten. Bald darauf räumte er ihnen statt Gothland die Insel Bornholm auf 50 Jahre ein.

Als dusse artikel den 48 weren upgelegt, giengen beyde Rath und borger des dages tho huß. actum d. 11. September.

Darna als dusse 48 verordnete borger tho hope quemen, tho handelen over de artikelen van der gemene uperlecht, seten se up dem neiem bouete, wo idt hedt, [auf dem neuen Bau] ward eine frage gedan und rinf wyß unme gesluten, da men, na uplegende der gemene, moſte vor allen dat ryke Gades ſoken und vorvorderen den artikel, welker Gades Wort belanget, kesen derohalven tein borger uth ſik, welke den artikel van predi-canten und van der reſenſchop dem E. R. mit aller voge ſcholden vordregen, up dat, wenn se duſſer beyden artikel gut beſchet hedden, dar se de gemende mit befre-digen mochten, deſto beth [deſto beſſer] tho dem geld-artikel kamen mochten und de gemende worde of ſo veel williger werden, deſulvigen in tho rumen.

Alſe nu de 10 borger dem Rade dat ſchlut der 48 borger ut bevele der ganzen gemende hedden angedragen, wolde ein Rath ſich hierup beſpreken. Na beſprekend des Rades geven se duſſen tein borgern tor antwort up dusse frage: „eſſte [ob] se van ſich ſulveſt, eſſte [oder] ut bevel der 48, eſſte ut bevel der ganzen gemende ſulkeſ vorgedragen? wente do de gemende by en waß, hedden se ſodaneß van junkern und kopluden nicht gehort; jedoch wolde ein Rath idt in bedenken nehmen ein dach 3 eſſte 4 und alſdenne den borgeren ein gut beſcheid geven.“

Na veer dagen [den 14. September 1529] leet ein Rath de tein borger vorbaden und leten en anſeggen dorch 3 burgermeiſter und 2 kernerer: „Idt befromde [beſremde] einem E. R. nicht wenig, dat se van der tholage der vorgangenen veide ſcholden reſenſchop don, nademale de veide mit Koning Chriſtianuß gehalten,

nicht ut begehrt und vorgevent des Rades, sondern van den borgeren (de veiden wolden) hergekamen were, van welker veide die burgermeister als Herr Harmen Meyer und Herr Thomas van Wickeden den todt genannten hedden. — Idt sege ein E. R. wohl vor nuttest [für das Nüglichste] an, dat de 48 trachteden tho geld-artikel, up dat men de 25 hundert gulden by ein brochte, welk de stadt tho dem Torken tholage an Kais. Maj. schicken moeste up bestemde tidt, wente, wenn sodanes versumet wurde, mochte de stadt in acht und averacht kamen und alsdenn mochte Kais. Maj. an den Hartigen van Brunswick effte Meklenborch, effte den Bischoff von Bremen man ein Zeddelfen schripen und so hier in de stadt kamen und deden wat se wolden und dat konde ein Rath of nicht wehren." Tom latesten hengede de burgermeister dut daran: "Ein E. R. wuste sehr wohl, welke dejennen van borgeren syn, de der neien secten anhangen und desulvigen hierinne tho helpen arbeiden, ein jeder scholde der thoversicht syn, Ein Rath wolde se alle anteken laten."

Darfulvest de beyden Heren, de Kemerer, overleverden den 48 borgern etliche schriften van der Kemmerie, welk alse se dorchgesehen, worden se dem Rade wedder avergelevert, dar was man idel schult, schult. Van der rekenschopp leten de borger up ditmal anstan, wente se markeden, dat ein Rath se by de andern artikel so wit bringen wolde, daß des ersten scholde vorgeten werden. Nun was idt den borgern umme Gades Wort tho donde, derohalven ein Rath siß jo mehr und mehr understande, der sake tho wehren, begunden of den borgern gram tho werden, welk se wusten, de Gades Wort geneget weren, leten de bome in der traven fluten, dat man ut den bomen nicht scholde na Oldeslo varen, sloten etlike ampt-

lude vinsten und boden tho, schatteden gelt van etliken umme des Evangelii willen, dat se allene psalmen in ere Huse gesungen hedden.

De 48 borger, do se den artikel van der rekschopp hadden vorbringen laten, sloten se, dat se up dat nye wolden handeln mit dem Rade van Gades Wort, und geven einem E. R. vor: „dat ein Rath wolde geven dem artikel van Gades Wort gewisse mate, alsdenn wolden de 48 dem Rade laven und versiekern van wegen der ganzen gemende, dat alle pawestlike ceremonien, sammt allen papen, monneken und ninnen mit allen eren vigilien und missen scholen bliven in allen eren vullenkammende wesende, alleine dat ein Rath wolde nageven, dat allene veer predicanten, de Gades Wort predigen, der gemende mochten vergunnet werden; dar averst ein E. R. dussen artikel solke mate nicht geven wurde, dorsten se sik nicht verdriften, artikel tho maken, wodorch men tho gelde kamen mochte.“

Also nu de 48 borger sammtlik dusse menung hadden vorgedragen, gaff ein E. R. den 48 thor antwort: „effte of wohl de 48 sik und ere eren darvor in dat Stadtboeck wolden schriben laten, dar ut sulken vornehmende was anders entstunde, up dat ein E. R. weten mochte, welke dejennen weren, de hier sodane predicanten ingevordert, dar se hernamals Kaiserlicher Majestaet scholten bescheid van dehn tho siner tidt.“

Des antwort hedden sik de borger nicht vermodet, dewile se idt gut meneden; derohalven konden se sik der antwort nicht noch verwundern und konden wohl verstan, dat de leven Domheren darmede vorgeraden hedden, darumme geven se dem Rade thor antwort: „Nicht also, leben Heren, dat wy uns scholden schriben laten insonderge, sondern wat dem einem avergeit, dat schal dem andern of overgan.“

Hierna als ein E. R. den 48 borgern in erem vor-  
 slage und rade nicht wolden vullborden, segen dennoch de  
 48 dat idt nicht möglik were, dat de borger wurden  
 vullborden, geld ut tho geven, wo de artikel van Gades  
 wort nicht wurde ingerumet, derohalven se idt noch ein-  
 mal versochten vor den Rade und beden: „dat ein E. R.  
 wolde de sake wohl betrachten und slan den vorigen  
 vorschlag nicht aff, up dat idt also van dem hove-  
 de [Haupte] und avrichheit und nicht van den undersaten,  
 [Untertanen] mochte herkommen und dat ein E. R.  
 wolde doch vor sik nehmen dat Exempel tho Hamborch,  
 dar of dre effte veer im rade so lange darwedder hel-  
 den, bet dat de gemende verorsaket worden, de sake  
 anthofangen.“

Darup antworde ein Rath den 48 allduß: „dat  
 sik de 48 der predicanten halven so harde nicht bekum-  
 mern dorften. Ein E. R. wolde solke predicanten stellen,  
 dat de gemende wohl scholde tofreden seyn, wente ein  
 E. R. wuste nicht, wor duße nye lehre van dem Duvel  
 effte van Gade were, segen of noch nicht, dat dar vele  
 gudes ut queme“; deden dar noch tho spitsche worde:  
 „wo de 48, de so lange aver dußen artikel tho rade  
 gegang, weren tho vinden?“

Do nu de 10 borger, welke van den 48 weren vor  
 dem Rade geschickt, den andern dit antwort hedden inne-  
 gebracht, begrepen se thom drudden dußen anschlag, se  
 wolden nu samtlich vor dem Rade ghan und den lekten  
 angedragenen anslag, als dat exempel van Hamborch dem  
 rade noch eins vornyen und wolden demsulvigen noch an-  
 hangen, dar ein E. R. den vorlagenen artikel van Ga-  
 des Wort nene mate geven wolde, alsdann werden se  
 darhen gedungen, dat se vor der ganzen gemende mosten  
 wedder affdancken.

Up dit andragent antworde de Rath: se wolden idt veer dage in bedenck nehmen, averst idt warede veertein dage.

Under der tidt der veertein dage, leet ein Rath vorbaden ein partie etliker borger, de se meneden, dat se glif enen im pawesdome gesinnet weren, dusse fragede ein Rath: wor [ob] se den 48 bevelh gedan hedden van nyen predicanten einen artikel tho maken? Dit schah des sunnavendes vor Michaelis [den 27. September].

Up dit vorgeyent des Rades sprak duffer borger wortföhrer bundeswise, ane ruggesprake der ganzen versameling: de Junkern und koplude hedden en sodanes nicht bevalen; wat of ein E. R. vor predicanten settede, dar weren se wohl mit thofreden. Sodanes sede he ane bewilligung und heten der ganzen versameling, derohalven of vele weren in dem hupen, den dat antwort nicht hagede [behagte].

Na utgange der veertein dage, do de 48 wedder by ein quemen ward under em bewagen, wo se ein Rath menede und na eren argesten stunden, giengen derohalven samtlich vor dem Rade und seden: "se hedden si nicht by einem E. R. sodanes versehen und dar men se so menen wolde und also hinder enen hergan wolde, alsdann moften se sodanes der ganzen gemeinheit klagen, welck en sodanes uthtorichten bevalen hedden und dewile denn jo ein E. R. den 48 sodanes thomoden wolde, weren se up dat ernsthaffte begehren, dat ein E. Rath de ganze gemeinheit wolde vorbaden laten."

De Rath wolde averst nicht verwilligen de gemene tho vorbaden, jodoch up dat instendige begehre der 48 bevol ein Rath: dat ein jeder mit seiner nacie [Kompagnie] und amte scholde thoruggespreken dusses artikels halven, und was en bejegende, dem Rade wedder inne brin-



gen. Dit dede ein Rath in vertroosting, dat dar noch etliche ampter scholden syn, de in dem artikel nicht wurden vullborden.

Do ein jeder mit siner nacie thorugge sprak, ward en bevalen, dat se scholden dohn, wat en de gemene bevalen hedde. Do dut de 48 dem Rade wedder inne brochten, wes en bejegende, stelleden sik ein Rath gelike, effte se der sake wolden so nahe kamen und geven thor antwort: de 48 scholden densulvigen artikel, wo he lude, up schrift stellen.

Idt befruchteten [befürchteten] de borger wohl, dat idt en neen ernst were, wo hierna bewiislik, hierumme antworten de 48: dat se dussen artikel scholden stellen, stunde en nicht an, sondern konde ein E. R. de gemende stillen dusses artikels halven, des weren se wohl thofreden, idt hedden de 48 dusse artikel dem Rade groff genoch vorgestellet; averst Gott wolde nicht, dat idt so scholde thogan, wente mit der wise hedde de papereye in erem vullen bestande gebleven, dat wolde Gott nicht liden.

Anno 1529 am tweden dage Novembris \*) alse de 48 wedder by en quemen, berameden [beschlossen] se up dat nye, dussen vorschlag van Gades Wort dem Rade vortogevende und gingen samtlích vor dem Rade und spreken: „dat ein E. R. um leve, vrede und eindracht twiſſen dem Rade und de gemende tho beholden und dat men des artikels van Gades Wort ein gut ende mochte kriegen, de 48 borger seggen vor gut an, dat ein E. R. \*\*) M. Andreas Wilms, Hr. Johann Wal-

\*) Aus dem Verlauf der Erzählung ergibt sich, daß hier statt Novembris, Octobris stehen müſte.

\*\*) Die natürliche Wortfolge in dieser Stelle wäre: und spreken: de 48 seggen vor gut an, dat E. R. (um leve, frede und eindracht . . . kriegen) M. Andreas u.

hoff, Hr. Hillebrand und noch einen gelehrten mann, in Gades Wort wohl gegründet, enen by beslatenen do-  
ren, in gegenwardicheit der 48, vor predicanten anneh-  
men wolden, alsdenn scholden alle ceremonien in den  
kerken, na alle erem gebruke, bestan bliwen."

Up dit anbringent der 48 ein E. R. bisproke (na  
erer wise) helen, darna geven se sodann eine antwort:  
"Ehrsame leven borger, idt befremdet einem E. R. nicht  
weinig, dat gy uns sodaneß vorgeven dorfen, als van  
den predicanten, dewile dit mit den borgeren asgerichtet  
an. 28., wo of nu de borger, am jungsten vorbadet,  
dem Rade thor antwort hedden geven, alse watt ein  
E. R. vor predicanten settede, dar weren se wohl mit  
thofreden. Hierumme wolde ein E. R. solke predicanten  
stellen, dar de gemene wohl scholde mede thofreden syn  
und als se wolden vor Gott und Keiserlike Majestaet  
bekannt syn, darumme scholden de 48 wohl bedenken,  
wat se vorderen."

Antwort der 48:

"Womohl ehrsame leve Heren, dat de borger an. 28  
und of de andern borger, so nu ein E. R. jungst achter  
backes [hintern Rücken] den 48 borgern vorbaden leet,  
juven Erbaren hebben nagegeven, dat se mit den predican-  
ten thofreden syn, dar Zw. Erb. benoch [Genüge] an hefft, lat  
wy by sinem werde. Idt wet of ein E. R. wedderumme,  
dat an. 28 mehr denn hundert borger by Mester Jo-  
hann Roden, Kartheren tho unser leven frouwen we-  
ren up der wedemen und Mester Johann Rode lavede,  
up der borger ansokent, dat he gude predicanten wolde  
setten als Hern Johann Walhoff und Her Hille-  
brand, averst mit sinem: ja menede he: neen. Idt is  
of einem E. R. wohl bewußt, do de versammelinghe der  
borger vor dem Rade was, um Hern Johann Ossen-

brugge\*) los tho bidden, mit wat ernst se vorderden umme gude predicanten, averst dewile ein E. R. etlike gottlose borger vorbaden leth und schuldt dusse versameling vor uprorsck, scriede vort de gottlose rath, dat men de uprorscke scholde koppen; derohalven verblef, dat do van den predicanten nicht mehr vordert worden, worut sint [seit] der tidt entspraten: dat, wor twe tho hope ghan, mot men sik des drudden vorreders vormoden und war ut densulvigen siet der tiedt entspraten ist, geve wy Tuwer Wisheit tho bedenken. Idt ist binnen der tidt, dat men Gades Wort gar vernichten wolde, de tall derjennen, de Gades Wort begehren, wohl twe effte dre dufent starker geworden, de an. 28 der sake noch thowedder weren." Vorder geven de 48 dem Rade thor antwort: "Ein E. R. und wy mogen wohl vornehmen geldartifel tho maken, averst dar wy Gades Wort dar buten laten, befruchte wy uns, de andern artifel werden all tho schanden, unde welfes wort, worwohl Ein E. R. idt nomet des duvels wort, achte wy idt doch und bekennen idt vor Gades Wort." Darbenevenst beden se den Rath: "dat men dat wolde ansehen, dat jedermann verlang hedde tho Gades Wort und wenn idt up de lengede vorentholden worde, mochte velichte ein rumor in der stadt entstan, weif nicht gut worde syn. Dussen allen fonde men vorkamen, so eine avericheit vorgunde, Gades Wort tho predigende."

\*) Joh. Offenbrügge war von Stade hieher gekommen, hielt in Privathäusern Andachtsübungen im Geiste Luthers und war (1524) aus dieser Ursache gefänglich eingezogen. 1528 traten 400 Bürger vor den Rath und baten so nachdrücklich um seine Freilassung, daß der Rath ihr Begehren erfüllte, unter der Bedingung, daß Offenbrügge sogleich die Stadt verlasse und ihr nie wieder auf 10 Meilen im Umkreise nahe komme.

Idt hedde sik averst begeben, dat do men mank den 48 handelnde van dem artikel der predicanten, dat einer mank en Hartich van Stiten, des sin vader ein burgermeister gewesen was, stelledede sik sehr ungestum und unschicklik, da he of tom latesten upstund und gieng darvon. Do nu ein Rath sik of so hart jegen de sake settede, verdrot idt faste framen borgeren, derohalven ein fram schlicht man und nicht ungeschickt, ein schomaker mit namen Peter Malenbefe, den idt sundergen tho herten gieng, hoff an vor dem Rath, in gegenwardicheit der 48 und klagede, wo Hartich van Stiten were darvon geghan und beklagede darbeneven, dat idt Gade erbarmen mochte, dat men de borger so uphelede tho erem groten schaden und vorsumnisse; he were en amtmann, hedde van dem gemenen gude nicht vel entfangen und moeste dennoch sin amt liggen laten und daglikß darup warden [achten]; idt were wohl billiger, dat de darup wareden, de des gemenen godes gebetert worden; he hedde der botter van Gottland und Bornholm in sine kofe nicht vele gekregen.

Do duffe schomaker alle duffe sine klage hedde gedan, ward ein Rath thornich und erboden sik, eren vot by den sinen tho sluten laten, begereden of, dat de 48 duffen borger, duffer sake halven, nicht wolden in vorbiddent nehmen.

Na veler underredinge des E. R. und der 48, wennte ein Rath dachte entlik duffen borger in ere flote tho hebben, geven de 48 dem Rade thor antwort: dat de 48 borger duffen Peter Malenbefe neenerlei wise verlaten willen, sundern willen by ein leven und sterven und alles, wat em avergeit, schall uns alltomal overgahn, were et of, dat he by dage effte by nacht affhendig worde, will ein jeder sine nacies und amte thosseggen

und densulvigen mann by einem E. R. wetten. Wat hier van der bottern angetagen, darf sij ein E. R. so harde nicht annehmen, dewile of in der stadt van dem receß tho Segeberg gesecht ward.

Ult duffer antwort des schomakers, do de borger seggen, dat sij ein Rath nicht wolde lenken in dem artikel van Gades Wort, sondern sochten orsake, sij tho wrefen [rächen], wor se konden, wedder de, de darumme vorderden: leten se den artikel stillestan und bevolen id Gade, dat he wolde ein ander middel geven.

Ehr denn de 48 den folgenden artikel van der refenschop vornehmen, leet ein E. R. vragen, wor of de 48, wen de artikel rede [fertig] weren, gedachten, desulvigen dem Rade ersten ehr der gemende tho apenbaren?

Hierup antworten de 48, dat se nicht ein dem Rade antogen [anzeigen] wolden, derhalven nahm ein Rath veertein dage ere bysproche, idt wolde of ein Rath, dat ein jeder mit siner nacie thorugge spreken scholde, ehr de 48 van dem Rade refenschop nehmen und artikel maken scholden, welches, alse idt geschehen, bevel abermal eine jede nacie den sinen, dat de 48 van den kleinsten beth tho den grötesten scholden refenschop nehmen und artikel maken, alse en de ganze gemende hedde upgelecht. Idt hedde ein Rath ganz gerne gesehen, dat sij dat volk gesplittert hedde, up dat der 48 fare, amt und vornehmen gefallen hedde und vorbleven.

Des Frydags Morgens vor Simonis Judas up den 22. October, alse de 48 by en quemen, nemen se refenschop van den 24 borgern, de dat Geld dat jahr aver an. 28 böreden van den 36 borgeren, gemaket summa, dat se entfangen und wedder utgegeven hedden, na vormeldinge der boeke 26 dufent und etlike Mark Lübsch, hier noch utgenamen etlike schuld, so etlike lüde schuldig.

Darnegeft besegen de 48 borger de schultbreve van wegen des geldes, so ein E. R. in der veide hedden upgenamen und versogelt, de Summa leep sik up hundert dusent gulden, hierup lep de upgeslagene rente summa up dusent gulden. \*)

Am Sonnavende up Dominica omnium Sanctorum den 30. Octobris leverden de beyden Heren kemmerer, als Hr. Jochim Gerken und Hr. Hinrich Kerkring eine rekenschop van der kemmerie, dar of schuld was, Summa 68,341  $\text{fl}$  schuld. De 48 averst leverden de schrift in der yle den beyden kemmerern wedder mit dussen angevogenen worden, dat ein E. R. tho der schuld der kemmerie antworde und makede eine frye stadt. De 48 wolden darna trachten, dat de schuld der breve mochte affgedan werden.

Als of de 48 besched beghreden van der tholage der andern stede in der veide wedder Koning Christern, gaff ein Rath tor antwort: wat de borger darvon beghreden tho weten, mochten se in den boeken vinden, so by den listen weren.

Do nu de borger of begereden besched van der sise [Acise] dar Hr. Cord Wibbeking by geseten, mit etliken borgeren, antworde Hr. Cord Wibbeking, he hedde van anfang der sise by der listen nicht geseten, de Heren, de vor em daby geseten, als Her Johann van Kempen und Her Johan Salige hedden nene boeke davon beholden [gehalten], so moeste he idt of geschen laten, alse he idt gewunden hedde; de borger, de dar mede bygeseten, hedden wohl geschn, wor dat geld vor gekamen were.

Alldus, wo hier vorgeschreven, is de rekenschop tho-gegan, jodoch dewile den 48 nicht mehr upgelecht, wolden

---

\*) In der Handschrift A steht: summa 5 dusent gulden.

se of nicht vorder vor en spreken, wat wege [weg] were, wolde wohl wege bliven, dat men noch thofege, were grot van noden, schouweden [scheuten sich] of, dat se sik jegen Gott wedder ere avericheit verbreken [vergehen] mochten.

Van Gottland und Bornholm mogen de 2 Heren und acht borger weten, de darumme tho hope weren.

Do men aver na dem Receffe tho Segeberg vragede, gaff ein Rath thor antwort den borgern, mank andern worden; idt were mehr denn ein receß tho Segeberge gemaket, ein Rath wußte van nenen andern, sonder alse se in schriften darvan hedden nagewiset.

Als nu allduß van der reffenschopp gehandelt, hoven de 48 an, de geldartifel to maken und weren by na 6 weken darover to werke und worden in dussen artikeln nemant utgeslaten, mosten alle darto leggen, gestlich und weltlich, junker und kopmann, ryk und arm, borger und gast, nemand utgenamen, denn allene eines E. R. dener, alse Secretarius, Underscriber, Hufdener, Ridendeners und Baden, dusse dorsten van eren Rikedagen [von ihrem Eigenthum] nichts geven na lude der artifel. Am Ende des boecks schalt du de artifel vinden.

1529. 10. Dec. Frydags na dem 2. Adventsondaghe. Do nu dusse artifel rede weren und de 48 dem rade sodanes anseken, leet ein E. R. de ganze gemene vorbaden erffseten, huffseten und beedede borger up einem frydage morgen tho acht flegen d. 10. Dezemberis up dat rathuß tho erschienen.

Des volkes ward averst vele tho erschienen, ein jeder hedde vorlangen na der 48 artifel, dewile se so lange darover maket hedden, baven alle was jederman der vertrostinge, de 48 hedden by dem E. R. vormorven [erworben, durchgesetzt], dat men Gades Wort tho Lubek apenbar predigen mochte.

Do nu dat rathuß vaste vull wart, leten de 48 de gemene beyde Junker und Coplude und ainte samtlík up dat lange huß vorbaden, ein E. R. averst satt nedden in dem rathstoel und begehrede, wann sík denn de borger bespraken hedden, mochten se vor se kamen und laten de artikel lesen.

Averst devile de 48 gespöret, mit wat ernste de Rath sík wedder de sake des Evangelii gesettet hedden, drogen se forge, ein Rath mochte de gemene mit drouwen affschrecken, wenn de artikel gelesen weren und dat also de sake mochte vorbygegan werden, derohalven treden twe up de weddebänk, dusse meneden de sake van Gades Wort sunderlíken, de eine ein bruver mit namen Joachim Sandom, ein wohl berecht mann, de ander ein ankerschmidt Borchert Brede, beden gehör und ward en gerne van der gemene gegeben. Do hoff an Joachim Sandom und sede:

„Ersame, leve, gunstige, gude vrunde, Juwer Ersamen yß bewußt, wo gy den 48 borgeren bevehl gegeben hebben, up eines E. R. und juwer letsten behach geldartikel tho maken, darbeneven yß uns of van Juwen Gunstigen in bevehl gedan, nene artikel tho maken, idt were denn de erste artikel baven an gestellet van Gades Wort. Nu hebbe wy geldartikel gemaket in welken beide söt und sur íst, jedoch, wenn se gelesen werden, werden se juw nicht ovel gefallen und so dar jemand insage [Einrede, Widerspruch] inne hadde, steit demsulvigen, sin gebreck tho seggen, apen.“

„Averst, guden vrunde, dat gy der sake recht verstendiget werden, alse sík idt in der wahrheit begífft, dusse gemakede artikel sind man geldartikel und geld belangende, averst de artikel, dat wy mochten gude predicanten friegen, hefft hier nicht mogen inne gestelt werden. Wes wy



averst, junven bevehl na, vor arbeit umme Gades Wort und gude predicanten tho erlangen, by einem E. R. hebben vorgewandt, kann man juw alle nicht vertellen, wente na unsem velvoldigem vlite und handelinge, darover geholden, ist uns endliken van einem E. R. sulck ein affschied gegeben, wy scholen de geldartifel maken, ein E. R. wolde solke predicanten stellen, dar de gemene wohl scholde mede thovreden syn."

"Dat gy of scholden menen, gude vrunde, dat wy de sake scholden hebben by uns dalegelegt, ist nicht geschehen, sondern wy hebbent endlich nirgendt konen henzbringen. Darumme, guden frunde, ist juw begehrt und ernst, dat gy Gades Wort und gude predicanten begehren, dar moge gy nu umme sprechen, nu ist idt tidt."

Hierup gaff de ganze gemene thor antwort, se dachten der artifel nicht enen tho holden, effte tho hören, ehr en van dem rade gude predicanten weren verschafft.

Hierup antworde Jochim Sandom: "ersame guden vrunde, hier ward uns geropen und tor antwort gegeben, dat men artifel nicht will lesen horen, men hebbe denn gude predicanten. Up dat wy averst ein bestendig antwort weten mogen, wat wy einem E. R. mogen anbringen, so doth dit. Alle gemene, de Gades Wort, dat hillige Evangelium leef heft tho horen, de bliven alle in dissen hupen stan als männer, weck averst des parwestes regimente und den by dem dome, dem gottlosen hupen denken anthohangen, de treden ut dussen hupen." Und worwohl de meiste hupe noch dem Worte Gades viend was (wente se hedden idt nicht gehort) bleven se doch alle stande und nemand dorfte sik merken laten, denn allene ein mann, mit namen Petrus Bulder, ein snieder, ging van dem hupen und do em nemand vol-

ghede, quam he mit groten schanden wedder an den hupen.

Ehr nu de gemene eren besloet bewilligede, foren se noch 8 borger by de 48 up demede [damit] ere antwort desto truwliker wurde angedragen, wolden ok, dat dusse acht tho geliker mate mede ut und inne spreken, wes tho der sake mochte profitlich syn.

Do nu dusse 8 borger gefaren weren, giengen mit en de 48 vor dem rath binnen beslatenen doren und geven dem rade vor, dat einem E. R. wohl bewust were, wat velsoldigen vlites de 48 borger hedden vorgewandt, dat ein E. R. den artikel van Gades Worte eine mate wolde stellen, dewile de gemene endliken anders nicht to stillen were, averst ein E. Rath dorch Her Harmen Falken, Borgermeister, hedde geantwortt, de 48 scholde geldartikel maken, ein E. R. wolde predicanten stellen, dar de gemene wohl scholde mede gefredigt syn [zufrieden gestellt seyn]. So were nu de gemene darbaven, welke se dar hedde gesandt, dem E. R. anthoseggende, dat se nicht enen artikel horen wolden, ik swiege denn holden, idt weren denn gude predicanten der gemene vorgunnet und upgestellt.

Up dit anbringent der 48 und der 8 borger wisede de Rath se in de horkamer, ein E. R. wolde sik bespreken darupp. Also nu de 56 borger in de horkamer giengen, was ein mank en mit namen Johann Stoltervot; dusse reep: „idt weren Hans Ranges veer effte vyff, de so mank der gemene schrieden van den predican-ten“; des greep ein Rath enen moth. Dusse Stoltervot ward fort darina umme disse wortes willen tho rade ghefaren. (up Valentini i. e. 14. Febr. 1530.)

Also nu ein E. R. de 56 borger wedder vor sik kamen leten, gaff ein Rath en gar nene antwort, sondern

leten ploßlichen de ganze gemene vor dem rathstol kamen und als de gemene anquam, sede Hr. Harmen Balke, Borgermeister duffe worde: wie sehen doch, dat idt anders nicht werden will. Anders wart den 56 borgern nene antwort gegeben.

Do nu de gemene vor dem radeßstoele stund, hoff de borgermeister an: ersamen leven borger, duffer 56 borger andragenheit giff einẽ E. R. nenen geringen wunder, wat doch de orsake mochte seyn, dat men andere, alse [námlich] fettersche predicanten begerede, angesehen hier ja gude predicanten syn, alse de Doctor by dem Dome, Hr. Hildebrant und Hr. Pawel, welke unstráflike syn, men konde of ja wohl welke dartho verschriven, averst, dat men solke predicanten holden scholde, welke de Luthersche Lehre alse tho Hamborch predigen, effte dersulvigen secten anhängig, kann und mag ein E. R. vor Kaiserliker Majestát nicht verantworten. Idt mochte of duffe stadt in groten ungnaden des Kaisers kamen, welches tho groten schaden und nadeel unserm kopmann gereken wolde, und, goden vrunde, wennehr de luthersche lehre hier so regeren scholde und de lude, als tho Hamborch, ut der kerken predigende, so geve wy juw alle allenthalven und of juw erliken ámtern tho bedenken, wo gy mit juven knechten wolden varen, wente de knechte worden over de Heren dominieren und wurden dit int-sunderge de ampte tho nichte maken, welk alles ein E. R. juw tho bedenken giff.

Up solf ein vorgevent des radeß antworde de gemene gar nichts, sondern begereden eine rúgggesprake, welk ein E. R. vorgunde; wes averst Johan Stoltervot geredet tho unglimpe der gemene, verswegen de 56 borger, wente sedaneß weren se, umme frèdeß-willen und umme finer bede willen [seiner Bitte wegen], eins geworden, do

se in der horkamer weren. Idt wolde averst em anders nicht wohl bekamen hebben, dat he de gemene Hans Range geheten hedde.

Als nu ein E. R. er vorgevent den borgern gedan, hedden de Rath bynahe de artikel weggekregen, dar se achter na grote moye um hedden; wente copien weren twe geschreven, ein, welck de Rath scholde hebben, dat ander vor de 56 borger. Dat eine hedde de borgermeister all in de hand gekregen, welck Harmen Israell wedder ut sinen henden halede, do de borger unnstunicht weren und na dem vorhuse drengeden. De ander copie, welck de borger hebben scholden, hadde Borchert Wrede, de ankerschmidt: tho dussen sede de borgermeister, do dat volck utdrengeden, dat he de artikel scholde in den rathstoel leggen, averst Borchert berep siß up der borger ruggesprake.

Als nu de meiste hupe der borger van dem rathstoele weren gegan in groten drengede, stund Her Nicolaus Brömse, Burgermeister, up und reep ut dem rathstoele an de, de noch by dem rathstoele weren und of de den andern spildereren [einzeln] volgeden: wohl [wer] by einem E. R. bliven wolde, scholde stan bliven. Up dusse des borgermeisters worde blef ein heel hupe stan, etlike deden idt gerne, etlike ungerne und dorften siß nicht merken laten.

Als nu de gemene vornam [vernahm], dat erer ein deel were nedden gebleven, schickeden se tho den dar nedden twe borger, als Harmen Israell und Borchert Wreden und leten en ansiegen, dat se up quemen und maken nene splitteringe. Se dorften idt averst nicht wagen, sondern bleven, dem Rade tho willen, nedden.

Als nu ein E. R. vernamm, dat de borger, so baven up dem huse weren, dachten by dem ersten beslate

tho bliven, als: de artikel nicht lesen to laten of nicht einen tho holden, se fregen denn Evangelische predican-ten; senden se twe radesheren, als Her Jochim Ger-ken und Her Hinrich Kerfrink und leten der gemene anseggen: ein E. R. leet de gemene bidden, by den ge-lovten [Gelubden] und eden, de se dem E. R. gedan hedden, dat se dale giengen tho den andern borgern und leten de artikel lesen.

Do nu de Heren dit der gemene hedde angesecht, ward sodan ein rumor und gerummel mank dem volke, dat men den enen vor den anderen nicht horen konde, men wuste of nicht, wo men idt angripen scholde; thom latesten steg Borchert Wrede up de bank und klop-pede, dat he gehor frech und sprach: „wat seggen gy, leven borger, wille gy dale gahn, de artikel horen lesen und by den gottlosen predicanten bliven?“ Do repen de bor-ger: Nen, nen, nen! Under dusse geschrei giengen de Heren na der lovinge, wente se merckeden wohl, dat van dem vorgevende nichts werden wolde. Idt ward of up dem huse under den hupen geropen: de by Gades worde bliven, by Gades Wort leven und sterven wolde, de scholde baven bliven. Idt hedde sik of ein grot hupen volkes up dat markt gesammelt, wente jederman verlan-gede, dat men Gades Wort mochte kriegen, leet of jeder-mann den dag sine arbeit liggen und was sorgfoldich, wat darut werden wolde. Da nu sodanes geschrey up dem rathhuse ward, ruckede jedermann tho und stunden und hedden de angesichte na dem rathuse, dar de borger so grummelden. Etlike van den borgeren, de up dem rathuse weren, indem dat se segen, dat ein E. R. nicht vullborden wolde in Gades Wort, repen se ut dem Fin-ster tho den up dem markede: „wohl by Gades Wort le-ven und sterven will, de holde de hant up!“ Do helt de

hup des volkes de hand up. Idt ward of tho en gero-  
pen, se scholden by en bliven, averst de hand stille holden  
und nemand gewalt dohn.

Dit alles seggen und horenden duffe beiden Heren vor-  
genomet, derohalven se siß eines uprohrs vermoden, gien-  
gen um des willen mit der hast hendale und seden dem  
Rade, wat se gehort unde gesehen hedden. Do bode  
[gebot] de Rath alsobald den borgeren, de nedden we-  
ren, dat se tho den andern upgingen.

Also nu de ganze gemene thohope quam, geven se  
den 56 borgeren de vollmacht, dat se up duffem artikel  
einen vorschlag makeden, dat se mogten gude predicanten  
frieggen. Des giengen de 56 up dat nye gebüde und  
makeden enen vorschlag, welk denn etlike stunden warede.

De vorschlag was duffe: „So Meister Andreas  
Wilms und Her Johan Wahlhoff hier wedder bin-  
nen, vor predicareyn verschreven, wurden angenamen  
und upgestellt, wer [ob] denn of ene ganze gemene mit  
duffen sulvigen wolde thofreden wesen?“

„Item: so dit ein E. R. don und nageven wolde,  
wer denn of de ganze gemene liden fonde, dat alle cere-  
monien na pawestlicher insettinge, in den kerken verord-  
net, item domheren, papen, monneke, nunnan in erem  
wesende bliven, bet tho dem ende des thokumpstigen con-  
cilii, welk in twe jahren solde gehalten werden?“

„Thom drudden: wenn denn duffe predicanten hier  
sind und geprediget hebben, wer alsdenn of de gemeinheit  
de artikel will lesen laten und by dem E. R. beide lief  
und gut upsetten?“

Als duffe vorschlag der gemene was vorgedragen, be-  
willigeden se en duffen artikel by sodanen beschede, se  
wulden de artikel nicht eher lesen laten, ehe duffe bey-  
den predicanten verschreven, angenamen und tho predikende

upgestellet weren. Hiermit gieng de ganze gemene vor dem rath und leten dorch Harmen Israël dem rade sodann belevinge der gemene anseghen.

Hierup antworde en Rath noch: Ja, noch: Neen, nehmen of nen bespreekend darup, alse des rades wise ist, sondern Her Harmen Walke gaff alldus thor antwort: wenn denn dusse nicht kamen wolden, moeste man jo andere verschrieven in ere stede. Worwohl so lose idt van dem borgermeister geantwortet, namm idt doch de gemene an, dewile se wol wusten, dat ein Rath dar ovel tho gesinnet, jodoch nu dar nicht wedder gespraken, nehmen se idt von ein vullbordent an und gieng ein jeder mit Freuden tho huse. De seyer [der Zeiger] was 5 up dem avende, do de gemene van dem rathhuse gieng, so lange hedden beyde Rath und gemene dar gewesen van des morgens tho achten.

Na twee effte dreien dagen [den 13. December 1529], alse de gemene was tho hope gewesen, leten dusse Heren als Her Harmen Plönnies, Borgermeister, Her Jochim Werken, Her Hinrik Kerkring, Radmann, und Meester Berend Heinemann, Secretarius, ut bevelh des Rades de 48 borger vor sik in de horkamer vorbaden und geven en vor, wo ein E. R. vor nutte anseghen, dat man de artikel lesen leet, up dat man mit trouwen na der gemene besten trachtete, dat man tho gelde queme, denn de predicanten konde man so drade [so schnell] nicht kriegen. Manck andern worden fede he, wo en van Rostock geschreven were, dat Meester Andreas seltsame Dinge geprediget hedde, effte he nicht wohl by sinnen was. Item Walhoff ward nicht kamen, effte de van Kiel werden em nicht verlaten. Summa, alle de reden weren darup gespisset [zugespißt],

dat men de borger wolde averreden, dat men idt mit den predicanten anstan leete.

Darup antworden de borger, dat se sik nicht dorften vordriften de artikel lesen tho laten, ehr de artikel van den predicanten were vullentagen; hedde Meister Andreas wes unbilliges gepredigt, billig, dat he idt vorantworde. Idt ward of gesecht van enem borger, Jochim Sadow, dat idt so grote vare [Gefahr] nicht hadde, de predicanten hertofkriegen, wente, wenn ein E. R. an jene avericheit schreven van wegen des rades und der gemeine, worden se se wohl kriegen; und dewile Jochim Sadow sodane worde redede, vardigeden se dussen sulvigen Jochim mit enem breve und enem dener an den rath tho Kiel umme Hern Johan Walhoff tho vorderden, averst de bres was so slicht, dat he mit vorlust siner teringe leddig quam. Averst dit verbeterde de sache nicht, sondern dat de borger mehr argwanen kregen tho einem E. R. Jodoch wolde ein Rath de gemene stillen, muste ein Rath eren Secretarius na dem Kiel senden, umme Hern Johann Walhoff her to vorderen. Aldus moeste of ein Rath einen borger na Rostock senden, umme Meister Andreas Willms her to halen.

An. 1530 d. 7. Januar. Des andern Dages na Epiphanie wurden de twe nye predicanten vor de deputeren Hern, als Her Nicolaus Brömse, Hr. Harmen Plönnies, Doctor Pachebusch Borgermeister und Hr. Jochim Gerken und Hr. Hinrik Kerkring, kimmerheren, und de 48 borger in de horkamer vervordert und alse en ere esklinge [Berufung] van dem borgermeister vortellet was, worden se angenommen und van dem borgermeister en anbevalen, dat se scholden Gades Wort predigen lutter und rein, alse



Christus sinen aposteln anbevalen hedde und dat se na vrede und endracht lehren.

Item: ein E. R. sede of dussen predicanten, dat twischen der gemeine und dem rade besloten were, dat alle Ceremonien der kerken beth tom utgange des concilii scholden bestan bliven.

Item: dat ein E. R. schall macht hebben de predicanten samt den 48 borgeren affthosetten, de dar wat predigen, welf se mit Gades Wort nicht bewisen konden.

Item: dat idt sik of wedderumme begheve, dat de andern, so vorhen hier binnen geprediget, etwas predigen und van den nyen alse de irren beslagen werden (dar se denn ein Rath will vor warnen laten) und se de tho synde bewislik; alsdenn schalen de nyen predicanten den verordneten borgern solkes ansiegen laten, so willen de darto trachten, dat desulvige sake vor dem Rade und den borgern moge uthgerichtet werden, up dat also dorch enicheit (der predication) vrede und enicheit moge erholden werden.

Fründlike, leve, leser! merke dussen artikel wohl; wente, wenn de artikel were geholden, dat men de papen dartho gehadt hedde, dat se Gades Wort geprediget, hedde vele navolgende moye nene noth gedan, wente hierut orsakede sik alle moye und twist, dat ein E. R. sodanes versede [versprach] und doch de volge nicht en schach.

Idt begehreden of dusse Heren des Rades, dat de nye predicanten dat volk vormanen scholden, dat se sik des dudiesen [deutschen] losen [ungebundenen, unordentlichen] singendes entholden scholden. Losen nomeden se van spotte de dudiesen psalmen, wente dat volk was nu angeworden, dat se vor dem sermone sich plegen tho sammeln und ein psalm dre effte veer tho singen; dut hedde ein Rath gerne gewehret.

Ik moet averst de orsake schriiven, dat de psalme ersten tho Lubeke werden so apenbar gesungen und angehaven.

Dar was ein arm blind mann, de sang psalmen vor den dören, densulvigen leet ein E. R. des Sunavendes vor Nicolai anno 29 ut der stadt vorwisen. Des andern dages, welk sondach was [den 2. Advent, oder den 5. December 1529] und sunte Nicolaus avent, des Morgens tho Sunte Jakob predigede Herr Hildebrandt Capellan darsulvest. Also der sermon ut was, ehr de prediger darsulvest wat van wusten, hoven twe fleene jungen an den psalm: Ach Gott vam Hemmel seh dar in ic. und dat volk sank vortan esendrechtig [ruhig fort], effte se darup thor schole gegang hedden. Dit singen makede ein grot verschreck aver de ganze statt, averst Gott was meister daraver; wente dat grote kraft und sterke nicht hedde tho wege bringen konnen, dat dede dusse psalm: Ach Gott vam Hemmel ic. Wente von der tidt an, wo ein hucheler up dem predigstol quam, so höreden se en wohl so lange, bet he beghunde minschentand hervor tho bringhen, alsdenn hoven se an: Ach Gott vam Hemmel ic. dat of de papisten so schouw wurden, dat erer nicht ein up dem predigstoel kamen dorste, se weren noch de hoghen, effte siden [niedrige] papen, effte monnise.

De gemene vornam of, dat idt mit dem concilio, dar men up werten schulde, de ceremonien bliven tho laten, man ein tandt were, wente men hedde gelavet, idt scholde binnen twe jahre gescheln. Item ein Rath hedde gelavet; dat de olden mit den nyen predicanten scholden licksförmich predigen, averst dar ward nichts ut; de papen wurden jo halstarriger und vermetener. Darumme hoef de gemene ere psalme, de papen tho ver-

dorven, dewile se seghen, dat de avericheit dar nicht insēhen wolde, of en de gewalt nicht thohōrede, repen se tho Gott, dat he dar wolde insēhen und sif erbarmen laten, welk Gott of gedan, we navolgen ward.

Do nu dusse predicanten weren angenamen, worden se upgestellet tho predigen, M. Andreas tho Sunte Peter, Her Johan Balthoff tho unse leve Frouwen und predigeden erstmals des andern sondages na den hilligen dreē Königen [den 16. Jan. 1530] dat evangelium van der wertschop [Hochzeit] in Canaan. Alle dat volk leep na den kerken und vele, de thovōren meneden, dat idt bōse ketterie were, wente so hedden de mōnnike und pilerpāpen den luden vrot [weiß] gemaket, averst do se hōredē, worden se de aller sūrigesten.

Hier were lang tho schriven, wat grausamer logen und schanden de papen und monnike mit eren verwanten [Anhängern] jegen Gades Wort dichteden und mank de lude sprengeden. De ene pape, ein ungelehrt esel (alse de meiste hupe mank en alle was) dorfte unvorschamet seggen, he . . . . wohl in de bibel, andere grausame worte, welke se wedder dat sacrament, den hilligen Paulum und de predicanten spreken, late if, umme der forte willen, varen.

Anno 1530 d. 12. Mart. am Sunnavend vor Reminiscere let ein E. R. de gemene wedder vorbaden, in meininge, de artifel lesen to laten, averst dewile de papen und monneke nicht affleten, der lehre des evangeliū tho schenden und honen, worden of van der avericheit hierinne gehandhavet, und alles wat men thowege bringen fonde wedder de lehre, dede man gerne. Ein E. R. leet of tho Unser leven Frouwen de kerke thosluten, dar ein van sunte Catharinen predigen scholde. Dusse dinge verdrotē der gemene aver de mate und dachten, wo se

der sake mochten raden, leten derohalven dem rade dorch de 56 anseggen:

„Dem ehrbaren Rade were wohl bewußt, dat se de nyen predicanten hedden angeneamen und en bevalen, dat se predigen scholden, wat se mit gottliker schrift verbidde[n] [beweisen] konden. So ist of einer gemeine nicht unbewußt, wo dusse predicanten van einem E. R. of van den papen und monneken vor fetters und vor lude, de vorvorske lehre lereden, geschulden werden, worut denn syt der tidt vele twist und moye mank den borge[n] entstan. Solken allen vorthokamen, segede ein gemeine vor gut an, dat men ene dissputatie anrichtede, und wesk part sine lehre ut Gades Wort nicht verbidde[n] konde, dat he billig den andern wesk. Idt scholde averst mit gudem beschede thogan, dat idt allene vor dem ehrbaren Rade und den 56 borgeren binnen beslatenen doren.“

„Item: wowohl de papisten 4 Doctores theologie und andere Doctores legum und decretorum, dennoch dar en duchte, dat se nicht stark genug weren, scholden se mehr gelehrden vorschrieven, averst men scholde ut Gades Wort und der bibel sin ding verbidde[n].“

„Were idt of sake, dat de nyen Predicanten verles[n] [verlieren], alsdenn schall ein E. R. se thor statt utwisen. Dar averst de papen underliggen und er ding mit Gades Wort nicht verbidde[n] konen, schall en nichts quades weddervaren, sunder [außer] dat se sik des predigtstoels entholden scholden.“

Hierup antworte ein Rath, dat se wolden mit dem werdigen Capittel tho rugge spreken und wat antwortes ein rath darsulvest erlangede, wolden se den 56 borgeren anseggen und mit en ut und in spreken, wo men der sake ein gut ende gebe und denn de artikel lesen moge.

Dit antwort bröchten de 56 borger der gemene wedder in, darut man wohl merkede, dat de rath mehr den papen, denn eren borgeren gewagen weren und dat ein Rath alletidt de sake up ein vertogernt lede, dat jo Gades Wort neuen vortgang hedde. Darum behest de gemene düsse clausel vor sik, dar en E. R. düsse sake, den papen tho gefallen, by sik dale lede und wolde de gemene nicht vorbaden laten, so will sik eine gemene sulvest vorbaden und of nicht van ander ghan, de sake sy denn dorch eine disputation geschlichtet. Dutsulvige leten se dem Rade dorch de 56 borger anseggen. Hierup antworde de Rath, wenn ein E. R. datsulve mit dem Capittel bespraken hedde, will ein Rath de borgher tho bequemer tidt vorbaden laten. Damit schededen beyde Rath und borgher van einander. \*)

By acht dage (d. 19. Mart. 1530) leet de rath de 56 verordneten borger vorbaden in de herkamer und lete en dar lesen eine schrift de dat Capittel an den Rath gesandt hedde, vull geblomedet worde und was dit vast de meninghe: dat ein werdig Capittel nicht vor gut anseghe sik eres deles in ene disputation tho geven mit dussen predicanten, des hedden se orsake gewiset, de weren wohl einer folden bonen werth.

Darbenevenst leet ein Rath den 56 borgeren einen bref lesen, den de papen van den Hertogen van Brunswik vorvordert, de sik horen leet, dat he ein beschütter des Domes tho Lubeck were, dewile sine voroldern en hedden buwen laten, wowohl de stadt Lubeck dem Hertogen van Brunswik nicht enen sten van dem dome wolde thostan; so sochten de leven papen hulpe, wor se

---

\*) Die Worte: Hierup antworde ic. fehlen in der Handschrift A.

fonden, wente se eres dinges ut Gades Wort neen ver-  
biddent wusten, sochten se hulpe, wor und by weme se  
men fonden. Idt segghen averst de borgher vor got an,  
dat men sodanen bres, wenn de ghemene thohope queme,  
nicht lesen leet. \*)

Als nu ein Rath de gemene nicht wedder vorbade-  
skoppen leet und id mank der gemene ruchtig ward, dat  
de papen an de disputatio nicht an wolden und den-  
noch nicht aflaten wolden, de nyen predicanten tho schen-  
den und tho lasteren und sprengen selsam meren [selt-  
same Märchen] mank dat volk, dat verdrot den borgeren  
in der stadt nicht weinig, dewile dat se segghen, dat de  
papen in alle ere vornemende vom rade handhavet wor-  
den. Des gieng of ein ander ruchte, dat by avend tiden  
up dem Domhaven etlik volk siß sammelden. Noch halp  
velmehr thor sake, dat etlike Radesheren knechte und  
domheren solk siß horen leten, dat men in korten de  
Martiner worde strafen.

Dewile denn fulkes dagelikes [täglich] mehr und  
mehr ruchtig ward, sede de ene borger dem andern tho,  
und quemen tho hope in Sunte Peters kerken, den 31.\*\*) **Mart.**  
jodoch ane alle wehre und wapen und handelnden  
van duffer sake, wo men sodanen quaden mochte vore-  
famen und duchte en geraden, dat men ene wacht stelledede,  
alsdenn were ein jeder desto seker in sinem huse.

Hierumme foren de gemene 8 borger, de den bor-  
germeistern sodanes van der wacht scholden anseggen und

---

\*) Die Worte: Idt segghen — lesen leet fehlen in  
der Handschrift B.

\*\*) Diese Zahl ist in beiden Handschriften sehr unleserlich,  
daß man sie nur nach dem folgenden Datum errathen  
kann.

dat men des andern dages wedder thohope fame tho dem dome.

Hierup antworde de borgermeister, dat ein E. R. van solken anlegen gar allerdings nichts wuste, begehrede, de solkes gesecht hedde, tho sehen; were en nicht leef, sodane sage tho horen.

De borger antworten: idt were nicht hemelik, idt were straten und staven mere. \*)

Antworde Her Nicolawes Brömse, borgermeister: wer denne nene radt were, dat de thohopekunst der borger, so morgen tho dem dome schall syn, mochte nabliwen?

De borger antworten: Ehrsame Hern, wy sehen nicht, dat wy der borger slodt [Beschluss] verändern können; den borgern kann nich noch verwundern, wo dat ein Rath doch so ganz harde an de papen holden und ere hühely so harde verbidden, darvan ein E. R. in grote moye kamen mochte.

Thom latesten bat de borgermeister, dat dusse acht borger wolden vlit vorwenden, dat se mochten de gemene van ander bringen, ein Rath worde morgen tho hope kamen.

Do nu de acht borger dat antwort des borgermeisters der gemene wolden innbringen, was de hupe vele groter worden und was anderes nicht, denn se wolden des andern dages tho dem dome syn.

Des andern dages queme de gemene wedder (den 1. Apr.) tho hope in dem dome, in dem bichthuse, jedoch ane wehre und wapen und was de hupe vele groter, denn des vordages, stunden averst na nemandes quaden [Schaden], men dat se gerne Gades Wort wolden hebben, darumme

\*) Es werde auf den Straßen und in den Staven (Badstuben) davon gesprochen.

was dit datjenne, dat se begehreden: dat ein E. R. als morgen de ganze gemene wolde vorbaden laten, alsdenn wolden se wedder van den disputerenden seggen und van der wacht. Id scholden averst edder de nyen predican-ten, effte de papisten, enerley van beyden des predigstols berovet syn. Des forede de gemene 12 borger, de dem Rade sodaneß ut supra mosten andragen.

Hierup gaff ein Rath thor antwort: Ein E. R. were von duffen borgeren begehreden, dat se den hupen dut andregen wolden:

„Thom ersten: idt wurde up duffem negest volgenden Pasken [Ostern] tho Augßburg ein Rikeßdag angande, dat Kais. Majestet mit allen stenden des rykes wolde eine ordeninghe maken und duffe sake also stellenden, alse se stan scholde.“

„Thom andern: dat ein E. R. vor ganz nutt anseghe, de wacht, dar men van gesecht hebbe, dale tho flande, umme quade sage tho vermidende, wo in andern landen und steden hiervan ruchtbar mochte werden. Ein Rath wuste nichtes, denn leves und gudes mit eren borgeren.“

Do de 12 den hupen dit wedder seden, sloten se, dat de 12 borger dem Rade scholden anseggen, dat ein E. R. wolde des andern dages de gemene vorbaden laten tho Rathhuse, edder se wolden sulven kamen. Darup ein Rath antworde: alse idt nicht anders syn mag, will ein Rath jegen morgen de gemene vorbaden laten. Hierup gieng de hupe ein jeder tho hufß.

Des dages darnegeß, den 2. April, leet ein E. R. de ganze gemene vorbaden up dat Rathuß und wurden den Dach twißken dem rade und der gemene duffe navolgende artikel belevet und ingande:

De erste: Dewile de ganze gestlicheit thor disputa-tion up Mirtfasten, also belevet, nicht erschienen, wodorch



se sif sulvest, na lude des artikels, so van der ganzen gemenheit geslaten, des predigens berovet hebben, demna ward hüdiges dages geslaten, dat allene de vyff predikanten, (Johann Balhoff \*), Andreas Wilms, H. Johan Binder, H. Andreas, H. Hildebrant) so nu nyet sind angenamen, in den veer Caspel kerken Gades Wordt, alse idt Christus sinen Aposteln bevalen hefft, prediken sollen. Idt schall of nemand tho dem predigamte thogelaten werden, idt were denn dorch de predicanten und einen Rath und verordneten borgeren darvor erkannt und thogestattet worden. Hierentbaven schall sif nemand vordrissen noch in kerken edder klosteren, binnen effte buten, so wit eines E. R. gebede ist, up dem predigstole tho kamen, idt sy denn, dat he vam E. R., den predikanten und verordneten borgeren sy angenamen, dit sulvige leet of ein Rath vam predigstole verkündigen.

Dat ander: Idt ward of des dages nagegeven, dat men sunder Strafe eines E. R. allene in Sunte Tillien kerke dat Sacrament in beyder gestalt, weme des gelevet, entsangen möge.

Dusse artikel, worwohl lude beslaten und vorlaten, dennoch, dewile dat volk ungelehrt und noch nicht underwiset und dat paskefest vorhanden, (Pasken fill dit Jahr in up den 17. April) up dat de lude nicht . . . . ununterwiset thom Sacramente uth wahnheit rugeden, ward idt ubgeschaven bet um den sonndag Misericordias Domini, ut sequitur [wie folgt].\*\*)

\*) Die Namen der 5 Predicanten stehen in der Handschrift A. nur am Rande, in der Handschrift B. im Text.

\*\*) Dieser ganze Absatz fehlt in der Handschrift B. An der mit . . . bezeichneten Stelle stehen in der Handschrift A. die wahrscheinlich verschriebenen Worte: uth mehrren beth, vielleicht s. v. a. größten Theils.

Dat drüdde: Alle ceremonien in kerken und flosteren sollen beth thom ende des Augsborgesken Rykesdages bestande bliven, wenn averst de rykesdag affginge ungeendigter sake, wes denne de andern stede des rykes: Ulm, Norenberge ic. dohn, datfulvige willn wy of dohn und by Gades Wort bliven gelick unse nabers.

Dat veerde: Idt ward of beslaten, wenn de predicanten upstegen, so mochten se enen psalm anheven; dar aver ein ander sik vordristete, in der kerke psalme anthoheven, wolde ein Rath strafen laten. Dit scholde of stan bet tho dem affgange des rykesdages.

Dat voffte: Idt ward of dusses dages twisken dem E. R. und der gemene vorlaten, dat alles wat twisken dem E. R. und der gemene des Evangelii halver mochte entstan syn, schall vorgeven und vorgeten syn.

Und wenn idt nicht so spade gewesen, wolden de borger de geltartikel lesen laten hebben, so frolik was dat volk, dat ein E. R. in Gades wort bewilligde, dat se alle schattinge mit freuden undergan wolden. Alsdus schededen sik de rath und gemene des dages.

Anno 1530 des Donnerdages vor Palm, den 7. im April leet ein Rath de gemene vorbaden und desulvigen quemen of by groten hupen, umme de artikel tho lesen, de de 48 gemaket hedden, dewile dar vele seggendes mank den gemenen mann was.

Ehe danne dat de gemene dale gieng vor dem Rade, leten se dem Rade ansseggen: were idt sake, dat ein E. R. der gemene vorgunnen wolde, dat se de borger, de dat geld by der kisten entfangen und utgeven scholden, mochte lesen, alsdenne wolden se dale kamen und laten de artikel lesen.

Do dat ein E. R. verlove, foren de gemene twolf borger ut dem hupen, densulvigen bevohl de gemene, dat

se scholden so vele tho sif nehmen und kesen, dat de 64 voll wurde. Dusse uneven tall vororsakede sif van wegen der quarter, dat 8 und echters 8 by der fisten sitten mosten, by manten lang [einen Monat hindurch].

Dit sind de Namen der 64, welke 1530 den 7. April gefaren: \*)

van Junkhern, Cremeren und Copluden. \*\*)

|                        |                        |
|------------------------|------------------------|
| Goslik Lunte.          | Gerdt Oldenborg.       |
| Hinrik van Calven.     | Jacob Carstens.        |
| Marcus Lode.           | Harm Israel.           |
| Gerdt Stötebrügge.     | Hans Sengestacke.      |
| Hans Henninges.        | Jochim Schinkel.       |
| Godeke Engelsede.      | Hans Busf.             |
| Johann Bone.           | Jacob Crappe.          |
| Ludewich Taschenmaker. | Jürgen Bullenwever.    |
| Hans Stippesolf.       | Hinrich Cleisen.       |
| Hinrich Carstens.      | Hans Sunneschien.      |
| Berner Bresensten.     | Albert Gewerdink. ***) |
| Peter Kröger.          | Hans van Elpen.        |
| Harmen Huntenberg.     | Hans Kullichhusen.     |

\*) Diese Namen, welche in beiden Handschriften auf dem Titel-Blatte stehen (in der auf dem Stadt-Archiv befindlichen Handschrift fehlen sie ganz) glaubte der Herausgeber am bequemsten hier einzuschalten.

\*\*) Diese Ueberschrit steht nur in der Handschrift A. Statt Cremeren ist wahrscheinlich „Rentenerern“ zu lesen. Die Krämer wurden damals zu den Aemtern gezählt, wie auch aus der unten vorkommenden Angabe erhellt.

\*\*\*) Die Handschrift B. schreibt: Leverdink.

Lile Tegetmeier.            Jacob Boste. \*\*)  
 Johann van Achelen. \*) M. Johann Busmann.  
 Helmeke Dannemann. Jürgen Sengstacke.

van den Amten.

|                                     |   |            |
|-------------------------------------|---|------------|
| Hans Mewes,                         | } | Goldsmede. |
| Hans Brolif,                        |   |            |
| Borchert Brede,                     | } | Smede.     |
| Jochim Wolden,                      |   |            |
| Jochim Gottschalk,                  |   |            |
| Harm Barchmann,                     | } | Becker.    |
| Hans Siverdes,                      |   |            |
| Berend Schulte,                     | } | Kremer.    |
| Harm Schirholt,                     |   |            |
| Michael Leverdes,                   | } | Schróder.  |
| Hans Eddeler,                       |   |            |
| Hinrich Schiffeperen,               | } | Schomafer. |
| Peter Malenbefe,                    |   |            |
| Andreas Hovener,                    |   |            |
| Hinrich Stein, Buntmafer.           |   |            |
| Jasper Schunemann, Sniddeker.       |   |            |
| Claves Buchstede, ***) Bullenwever. |   |            |
| Hans Bruns, Bernstendreier.         |   |            |
| Hinrich Rüssel, Büdelmafer.         |   |            |
| Claves Schabow, Schwertfeger.       |   |            |
| Hans Frilink, Rotlöfcher.           |   |            |

\*) Die Handschrift B. schreibt: v. Achten.

\*\*) Die Handschrift B. hat: Bolfche.

\*\*\*) Die Handschrift B: Linftede.

Harm Bick, Kannegeter.

Gert Segerot, Barberer.

Hans Weidemann, Boddeker.

Marcus Rutenbarch, ein Platenfleger. \*)

Mathews Rutenbarch, ein Remsnider. \*)

Hinrich Bonsack, ein Pelzer.

Jochim Sandom,

Hans Ratke,

Harm Lipemann,

} Brouwer.

Marten Trappe, ein Glasemaker.

Jochim Bentsnieder, ein Hotmaker. \*\*)

Do dusse borger gekaren weren, worden se up ein sedelen der gemene vorlesen und alsobalde beslot ene gemene, dat men dat sedel mit den namen einem E. R. scholde bringen, dat ein E. R. up eer behoef utnehmen, insetten, na crem gefallen, wem ein E. R. best duchte. Do nu einem E. R. de sedel was verantwoordet und se sik darup bespraken hadden, gaff de borgermeister thor antwort: ein E. R. were mit den gekarenen wohl thofreden, wolden of desulvigen thom meisten delen erwehlet hebben.

\*) Die Handschrift B. hat Marcus Rutenbarch, ein Remsnieder, Mathews Platenfleger, ein Platenfleger.

\*\*) Zu diesem Verzeichniß hat die Handschrift A. folgende merkwürdige Noten:

Anno 1553 d. 10. Aug. hebbe ik frühe bygemalt und hebbe gefunden, dat minschen van dussen vorgnomeden noch leveden.

Anno 1560 d. 24. Febr. leveden nicht mehr denn Harm Schirholt, Gerd Sippenrad [Segerot?], Jochim Bentsnieder.

Alse dat antwort eines E. R. der gemene was an-  
 gefecht, hebben de 64 gekoren borger datsulste moten  
 annehmen, jodoch by sodanen beschede, dat Harmen  
 Israel van wegen de 64 de ganze gemene fragede:  
 "Efte in den artikelen ichtes were, dat jegen duffer gu-  
 den stadt wohlfart were efte reken mochte, wenn de ar-  
 tikel in den bruck kamen, wenn denne of de ganze ge-  
 mene, mit vullenkamenener macht, den 64 wolde nageven,  
 datsulvige mit einem E. R. tho remederen und tho ver-  
 endernde, efte wes gudes, so men noch vinden fonde,  
 dar mank tho setten?" Hierup rep de gemene: "Ja!"

Hierup giengen de 64 mit der ganzen gemene vor  
 den stohl des Rades und worden de 48 artikel gelesen.

Do nu desulvigen gelesen weren, leet ein E. R.  
 dorch Heren Nicolaus Bromse, Borgermeister, de ge-  
 mene fragen, wer of de ganze gemeinheit stendich syn  
 [erkläre], dat se dem E. R. und den 64 vullenkamen  
 macht geven hebben, so was in den artikeln were, dat  
 wedder den genut duffer guden stadt strevede, dar ut tho  
 stellen und tho veranderen. Hierup rep de gemene:  
 "Ja, Ja!"

Alsobalde vragede of Harmen Israel, van wegen  
 der 64, efte ein E. R. samt den 64 noch wes gudes  
 vinden fonden, dat tho nutte des gemenen bestes were,  
 se des of dem E. R. und 64 wolden macht geven noch  
 in tho setten, antworten se alle: "Ja!"

Idt was averst niemand, de dusses dages wedder de  
 artikel fede, sundern se bleven stande, als se gemaket we-  
 ren, bet dat men sach, dat etliker güder toll tho hoch  
 lep, ward alle tollse und zise up de helffte gestellet.

Des Sonnavendes vor Palm, den 9. April,  
 worden van einem E. R. deputert twe Radesheren, als Her  
 Cort Wibbeking und Her Hinrik Castorp, Rath-

lude, und Lambertus Becker, Secretarius, und van den 64 Goslif Lunthe, Hinrik van Calven x. twölß im talle. Düsse giengen in alle wedemen [Pfarr-Häuser] und seden den kerkheren an, van wegen eines E. R. und der ganzen gemene, dat se und ere capellanen sik der predikstole entholden scholden. Datsulvige deden se in alle closter of, allene tho Sunte Catharinen, do se alle moneken dat predigen forboden hadden, bevolen se enen in demsulvigen dat predigen mit namen Reimer Kock, dat he im clostor, of buten closters, wor me finer tho donde hedde und wor de andern predican-ten enne worden hen vorderen; bevolen darneven mit den aversten, dat se düssen broder nenen averlast deden, schol- den en of nicht mehr mit kloster gesette tho dwingen hebben, sundern gahn und stahn laten, wor idt em be- levede. Alldus absolvereden düsse beyde Heren und bor-ger den broder van allen sinen closter gelofften, des he en grot danket, womohl de beyden Heren so gut idt nicht meneden, also se idt up dat mal seggen mosten und bevelen.

Anno 1530 den 29. April, up enem frydage morgen, leten etlike deputerde des Rades de 64 forboden up dat nye geboude, de Heren weren Her Nicolaus Brömse, D. Pakebusch, Her Harmen Plön- nieß, Borgermeister, Her Friße Grawert, Her Jochim Werke, Her Hinrik Kerkring, Rathlude. Ere vorgevent was dut, wo ein E. R. van Lüneborch eren Secretarium hier hedden gesandt in der stillen we-ken, welke angedragen hedden, dat ein Rath von Lü- neborch in forter tidt 10 dusent gulden thor veide geghe- ven hedden, up dat men nene besweringe up er solt setten scholde, so hedde men up jeder schipp soltes an. 1528. 3  $\text{fl}$  toll gesettet und nu up dat nye

2  $\frac{1}{2}$  4  $\beta$ , were derohalven eines E. R. begehrt, dat men den tolln wolde affsetten, up dat gude leve und ein-dracht twiſſen den ſteden bliven mochte. Idt vortelde of de borgermeiſter, wo eines E. R. van Hamborch Secretarius M. Harmen Koner were hier geweſen in den paſſen [Diſtern] und geklaget umme de beſweringe, up de laſen geſettet; item: dat men enen gulden up de tunne Hamborger beeres geſettet hedde, wor mede men de ſtadt Hamborch affkerich maken mocht und dat derohalven ein E. R. de 64 hedde verbaden laten, dat men mochte voge und middel vinden, dat men de ſtede tho frunde helede und doch voge ſochte, dat men tho gelde mochte kamen.

Hierup antworten de 64: idt fonde noch thor tidt fene remedication werden vorgenommen, dewile de artikel noch nicht in den ſwanck gekamen were, darbeneven, brecke men nu vort im anſange weß aff, ſo wurde men mit andern nation averſlodigen tho donde kriegen. Dut antwordt nehmen de Herren an, wor mede of de beyden Secretarien worden affgerichtet.

Deß beden de 64, dat ein E. R. etlike litmate [Glieder] des Rades vorgunnen wolde, dar wollen denn de 64 etlike by ſeſen, de mit den litmaten des rades de quarter vororden ſcholden, als men by der fiſten ſitten ſcholde, und dat deſulvigen Herren de beerspunder, wagenladers, wegers, dregers ſcholden verbaden laten und en anthoſeggen, wo men idt mit des kopmanns gudern holden ſcholde, duſſer artikel halver. Begereden of de 64, dewile alſe ſe umme gemenen beſten willen tho vorvorden ghekaren weren und der artikel vaſt velen weren, de en van der gemene upgelecht uththorichten, dat ein E. R. — up dat ere thohopekumpft nicht vor uprorſſ mochte angeſehen werden — en van den huſdenern vorgunnen wolde, de ſe mochte verbaden, wenn idt den



8 deputerten noth duchte syn; darbenevenst, dewile de 64, gelehrt ut veler ervarenheit, dat idt vele vortogeringe innbrochte, wenn se allene mit etliken deputerden uth dem Rade handelen scholden, derohalven beden se dusse heren, dat wenn ein E. R. mit en wes handelen wolde, dat men se alsdenne vor den stolz des Rades und nicht vor etliken deputerden vorbaden laten wolde.

Dewile averst van den papen und eren verwanten [Anhängern] mennige lögen und laster daglikes up de 64 borger gedichtet worde, beden de 8 borger van dussen heren, van wegen der 64, nademale idt sehr wichtige sake weren, dar de artikel up vormelden, de den 64 uththorichten bevalen weren, dar of denne velicht moye ut entstan mochte und de 64 ere neringe und ampte scholden liggen laten und helpen, mit erem groten schaden und moye, enem E. R. ut der schuld, de doch ane er weten und willen, ghemaket weren und scholden hier alle vor nicht denn lögen und schanden tho lone hebben: derohalven were ere bede, nademe ein E. R. jo wohl wuste, dat de 64 sik sulvest nicht gefaren, effte sik sulvest dartho gedrenget, sundern mit weten und willen eines E. R. van der ganzen gemene dartho gefaren, dat ein E. R. den 64 eine vorschrijvinge wolde geven erer ankumpft und dar ut dussen artikeln was entstunde, dat ein E. R. samtlif mit den 64 sodanes wolde utdragen und dat ein E. R. strafen wolde, welke ein unnutte mund up de 64 hedden und dat ein E. R. de gegenwardigen predicanten hefft angenamen und enen Gades Wort tho predigen bevalen und dar jemand gegen der predicanten lehre redede, welk he mit Gottliker schrift nicht konde bewisen, dat ein E. R. densulvigen nicht will ungestraft laten. Sodane vorschrijvinge weren se biddende unde begehrende van einem E. R.

Darbenevenst drogen de borger dussen heren of an, wo de beyden predicanten, als M. Andreas und Hr. Johan Wallhoff vor den 64 siß hedden beklaget, dat, nademe de gemene beslaten und ein E. R. gebaden, dat niemand predigen scholde in der stadt Lübeck gebede, denn de van den predicanten und van den verordneten borgeren weren angenamen und vor gut erkannt, so wurde idt den beiden alltho vele in sodaner groten statt, drogen derohalven an, dat men H. Peter tho Oldeßlo vorschriyen wolde tho einem prediger, wente Heren Ladewich wolden de Luneborger nicht mißsen noch vorlaten.

Up dusse artikel antworden de Heren: se wolden dusse stücke in den Rath bringen und wann ein E. R. tho hope gewesen hedden, alsdenne scholden se beschet friegen. — De 64 koren 8 ut siß, de up dut antwort wachten scholden.

Am middeweken na Misericordias den 4. im Mai leet de rath de 64 vorbaden und geven thor antwort:

van dem hufsdener: dat ein E. R. geve den 64 enen hufsdener, dorch welken se siß mochten vorbaden laten.

van der vorschrijvinge: dat ein E. R. van den borgern nicht vormodet hedde, dat se eren borgeren scholden segel und breve geven. Ein E. R. merkede wohl, wor idt henne seghe, men menede de artikel nicht, men [nur] de predicanten und de nyen setten; wes dar ut entstan wolde, darvor fonden se nene vorschrijvinghe gheven.

van den predicanten: dat de nyen predicanten so vort andere und mehr by siß nehmen scholden, sege ein E. R. nicht vor gut an. Idt hedde siß ein E. R. nicht vormodet, dat men so vort anders wen scholde predigen laten und vort tho Sunte Tillien dusesche mißsen

holden; dartho hedde H. Peter tho Oldeßlo wyff und kinder; wenn so de meninge were, alsdenn were idt nutter, dat men de artikel thom ende des rikeßdages liggen lete.

Hierup antworten de 64 dem rade und thom ersten van den predicanten also: dat tho C. Tillien ein nyer geprediget scholde hebben, were einem E. R. valßklik angebracht. Item: se wolden einem E. R. nicht bargaen, dat M. Andreas und Her Johan Walhoff den 64 gesecht hedden, wo se de vorbenomeden twe nicht tho sik fregen, alsdenne wolden se dat predigampt wedder up seggen. Wes dar ut entstan wolde, wolden se einem E. R. tho bedenken geven. Item: dat Her Peter ene echte frouwe hedde, were jo beter thom ehren, als tho den unehren, alse de gestliken sik behelpen.

Van der vorschrijvinghe: Idt hedde nicht de meninghe mit der vorschrijvinge, dat de borger allene umme Gades wordeß willen sodaneß vorvorderen, sundern der artikel halven, wente, wenn desulvigen in den gebruck und vorvolch quemen, willen se binnen und buten, ostwart, westwart, sudwart, nortwart, gestlik und weltlik, eddel und uneddel wat beswert syn, wenn men geld werde esken und wennehr der stadt Lübeck also ein schaden mochte thogewendet werden, alsdenne wolden de 64 nicht gerne tho sulken saken allene antworten. Will men uns berede [bereits] tho methen, dat wy na der stadt vordarve stan, nu de artikel noch nicht vorgenamen syn, wat wolde denn men dohn, wenn de artikel vorgenamen syn und denne was unfoges des geltutgevens halven entstunde und worumme de borger sodane ungemaek up sik laden scholden, dewile se jo sodane schult nicht gemaket, of sodaneß geld nicht upgenamen hedden. Hierumme, will ein E. R. sodane ein vorsegelinghe nicht inneghan,

alsdenne merke men wohl, wo me se menede. Averst se hedden alldus gestaten, dar de 64 tho sulker vorsege-  
linghe nicht kamen konden, dar se ein benoge [Genüge]  
anne hebben, alsdenne mach ein E. R. de gemene vor-  
badeu laten, darvor willen de 64 wedder affdanken; ko-  
nen se tho gelde kamen, se moghen idt gerne liden, wil-  
len of vor er dehl den E. R. wohl raden laten. Averst  
dar ein E. R. de gemene nicht vorbadeu laten wolde,  
alsdenne segen se apenbar, dat se idt nicht sweigen wil-  
len, wo se gevaren syn, kummt denn de gemene daraver  
by en, konen und willen se sik eres dondes wohl vor-  
antworten, entstunde of wes ungenogtes darut, darvan  
willen se entschuldigt syn.

Hierup antworde de rath: wennehr ein E. R. dusse  
vorgeven antwort beth betrachtet hadde, alsdenn wolden  
se de 64 vorbadeu laten und tho bequemer tidt beantworten.

Also nu ein E. R. alldus dat schrivent vortoch, le-  
ten de 64 dat of geschehn und nehmen den artikel  
van den tweeen predicanten vor und drogen dem E. R.  
an, dat ein E. R. wohl gedenken konde, dat na velheit  
der karken und des volkes den 2 predicanten idt tho  
vele wolde waren, derohalven moeste men dartho trachten,  
dat men en hulpe schaffede; so weren nu thor tidt 2 ge-  
schickede menner hier tho stede, als Her Petrus, welke  
tho Husen vorschreven were und Her Ladewich, na  
welken de van Lüneborch beideden; dat men de beyden  
annehme gelik den anderen, segen dusse borger wohl vor  
gut an.

Hierup antworde Her Harmen Plönnick, ane  
rüggesprake des rades, dat Her Ladewich umme fines  
schendendes willen van Lüneborch were affgeserdigt und  
hedde dartho wyff und kind, welk her tho nene wise  
were gewesen by en der prediger.

De borger geven wedder thor antwort: idt begeve sik mit Her Ladewich anders, wente de van Lüneborch hedden en gerne. Were of, dat men de nicht lieden konde, de frouwen tho echte hebben; so hedde men jo of de lange noch geleden, de in apenbarer Horery leveden, alse de papen alle by dem dome. Und beden de 64, dat ein E. R. des namiddages wedder wolde tho hope kamen, alsdenne mochte men vorder darvan handelen.

Hierup gaff ein E. R. thor antwort: ein Rath wolde tho namiddage up der schriverie syn, dat darhen de predicanten mit den 8 uth den 64 wolden erschienen.

Up den namiddag quemen de borgermeister up de schriverie und de beiden predicanten, M. Andreas und H. Johann Walhoff und de 8 borger erschienen und worven [warben] umme de twe anthonehmen. Dat-sulvige wiseden de Heren glatt aff und nicht ane smehworde, wente Her Harmen Plönnies, Borgermeister, welker vor allen anderen binnen rades dem evangelio viend was, manß andern spitesken worden, sede he tho M. Andreas, da he nicht mehr anrichten scholde, alse he uthdregen konde.

Do nu de predicanten segen und horeden des Rades meninghe, dankeden se vor dussen heren aff. Idt vordrot averst den borgeren, dat Her Harmen Plönnies also jederman affrichtede, effte he wor einen buren ut Westfalen vor hedde. Darumme ward en van den borgeren gesecht: dat Sr. Ehrb. haben alle anderen Heren jederman averbulderen [überpoltern] wolde, darvor hedde he de borger und der Stadt noch nicht vele tho gude gedan, dar men en sehr vor bedanken konde, denn allene vor den schaden, den he unse koplude in Sweden gedan, sines profites halven, mit den klippenpenningen, do de Holm was upgegeven. He were of nene sunder-

like avermacht werth, dat he im rechten anfanghe der veyde mit wyff und kindt na Münstet toch, dat he nene schattinge wolde geven.

Up dussen dag up der kemmerie villen [fielen] vele harde und bitter worde up beyden siden van den heren und borgeren und sunderlik van Her Harmen Plönnies, welk mit papen und nunnen beseten was und allen vlit anlede [anlegte], vor tho weren, dat Gades Wort tho Lübeck nicht schulde geprediget werden noch innekamen. Derohalven he alle sine klofheit anlede mit drouven und doven (Toben), dat he de borger mochte affschrecken, dat se scholden afflaten, predicanten tho vorderen. Darumme mank andern worden he tho Borchert Brede, dem Smede, welk he vor anderen unruhig sach, sprach: Borchert! wete gy ok wohl, wo idt tho danske [Danzig] hergieng? Hierup Borchert endigen [schnell] antworde: Her Burgermeister wete gy ok, wo idt tho Colne thogieng? Dut antwort nehmen de Heren deper inne, alse idt Borchert menede, jodoch verschaffede Gott, dat dusse borgermeister Plönnies vorwilligede, dat men de predicanten annahm, welk he suß nenerlei wise vullborden wolde.

Item: do wy begunden dudeske missen tho holden, wolde Her Hildebrandt nicht mehr predigen. \*)

Do dut also up de schrieverie verhandelt was, drogen de 8 borger den 64 wedder an, wo idt gahn und schen was. Des leten de 64 ringswise umme her fragen ere stemmen, dat ein jeder sede by siner seelen salicheit, tom ersten: wer he by der lehre des evangeliü bliuen und nicht afftreden? idt were denn, dat unsere geistliken de lehre der predicanten mit gottliker hilliger schrift

---

\*) Dieser Satz fehlt in der Handschrift B.

verlegget [widerlegt] hadden; thom andern: so jemand were mank de 64, de up Gades Wort sede, dat he nicht bewisen konde, scholde vor einen unehrlichen mann gehalten werden.

Alse nu des donnerdages na *Misericordias Domini* de 64 wedder vor dem Rath quemen, gaff ein rath den 64 up de vorgeschreven stücke thor antwort:

thom ersten, van den predicanten: „Wenn de ceremonien mochten bestande bliven beth tho dem utgange des rikesdages, alsdenne konde Ein Rath liden, dat de twe nyen predicanten noch malc einen tho siß nehmen, averst dat se wohl betrachteden, wenn hier weß uth entstunde, dar moeste nicht allene ein Rath, of nicht allene de 64, sundern de ganze stadt tho antworten.“

van der vorschrivinge: „Dewile idt noch binnen, noch buten duffer stadt ist wantlich gewesen und ane mercklike vorkleininge eines E. R. nicht schen kan, dat ein Rath eren egenen borgeren ene vorsegelinge geven scholden, so were ein Rath wohl begehrende, dat sodane vorschrivent verbliven mochte.“

„Idt hadde ein Rath etlike Heren verordnet, de de quarter verordnen scholden und den dregeren, wagenladern, beerspundern vorbaden und scholden also de artikel in den swank bringen. Wenn denne weß ut den artikelen entstunde, moeste denn jo ein E. R. sowohl alse de borger darto antworten.“

„Item: ein Rath were of mit dem fare der 64 thovreden, queme of ein erbar Rath weß by, dat jemant wat up de 64 sede, scholde ungestraft nicht bliven. Besden darbenevenst, dat de artikel mochten in den swank kamen, dat men tho gelde queme.“

Do de 8 borger dit den 64 wedder anbrochten, verwunderde en sodane smidige antwort, welkes se nicht

gewant weren, jedoch geven se em nenen groten geloven, wente se wusten wohl, ut wat grunde dat idt quam, dat men geld hebben moeste. Wenn men dat tho wege hedde gebracht, hedde men den 64 wohl alle ulf gegunnet. Darum geven se dem Rade thor antwort: „Wenn dusse twe predicanten, Her Peter und Her Ladewich tor prove geprediget und in der lehre lifförmich gefunden weren, dat ein E. R. se liff den anderen hedde angenamen; und ein E. R. den 64 in ein artikel bock dorch eren Secretarium ere ankumpt schripen und underschripen leten, dewile se doch seggen, dat ein Rath mit strafe wedder de, de up de 64 schenden und honeden nicht wolde vortvaren, wo in dem maler Sprengel apenbar, alsdenn wolden de 64 mit den artikeln vortfahren.“

Hierup antworde ein Rath: „Dat he sif tor anninge der predicanten schwerlich gemaket, wer vor den schaden der 64 und der ganzen gemene betrachtet, so darut entstan mochte. Wolde men de ceremonien bliven laten beth tho dem ende des rikeßdages, alsdenn will denn ein E. R. vorgunnen, dat Her Peter van Oldeslo und Her Ladewich prediken und dat M. Andreas enen to sif vorschripen mochte, averst dat se jo de Roschelen [Chor-Röcke] anne beholden. — Averst van der verschrivinge, dar de 64 van vorgegeven hedden, gaff ein Rath nene antwort, sundern van dem vortgange der artikel leet ein Rath seggen, dat alse morgen ein Rath twe littmate [Glieder] des Rades den 64 byvogen wolde, um de quarter tho maken, up dat de artikel in den schwank mochten kamen.“

Up dusse nagevinge des E. R. worden dusse beyden, Her Peter und Her Ladewich, tho prove upgestellet den 8. May, welf was Dominica Jubilate, und worden darna vam Rade angenamen. In dersulvigen tidt was



of tho dem dome nene predigt, dewile de papen dem predikstoel vervallen weren, do se tho der disputatio nichten wolden; so weren doch etlike in des Domes Caspel, als Claves Sprengel und sine medegenaten, de allen vlit vorwenden; dat se gerne einen huchelpapen up den predikstoel gehadt hedden; deme vorthofamen, worven de 64 by dem rade vor enen mit namen Steffen Platen, dat men den mochte in dem dome upstellen; averst de rath wolde den vramen domheren, eren guden frunden, so vele nicht tho wedder don.

Anno 1530 des frydages na Jubilate, den 13. Mai quemen de 64 wedder tho hope und leten einem E. R. ansiegen: „einem E. R. were wohl bewußt, wes se sik in den artikeln versetzt van strafe aver de, de wedder Gades wort und dejenen, de idt predigen, wes redede, welf he mit der wahrheit nicht fonde gut don. So weren de 64 biddende und begehrende, dat ein E. R. einmal densulvigen wolde nakamen, up dat de gemenheit einmal sehen mochte, dat idt dem Rade ernst were, Gades wort tho handhaven; dadorch wurde de gemene desto williger geld ut tho geven, of worde jederman schuen, wedder Gades Wort tho spreken und handeln; alsdenne mocht vrucht und thoversicht wedder mank de menheit [Gemeinheit, Bürgerschaft] kamen tho einem E. R. Dewile denn apenbar, dat Hinrik van dem Busk ein apenbar logen gelagen jegen Hern Nicolawes Bromse, nemliken dat Her Ladewich scholde gepredigt hebben, tom ersten: dat alle dejennen des duvels weren, welke kerken und altare gebuwet hedden; tom andern: dar de avericheit desulvigen nicht lete dalbreken, so scholden de undersaten se mit dem swerde darto bringen. Dat dut gelagen was, boden sik tho tügen, de doch dem Evangelio up dat paß [so recht] noch nicht geneget weren.

(4\*)

Gulf und noch grewliker [gräulichere] logen weren neen ende, de de papisten dagelikē erdachten wedder dat Evangelium. Konden se averst so groff und grovlik nicht maken, de avericheit lovede se alle und horden se vele lever, alse dat helle Gades Wort, derohalven worden de 64 vororsaket up de strafe so sehr tho drengen, dewile en van der gemene was upgelegt, dat se Gades wort scholten handhaven."

Of klagen<sup>de</sup> de 64 dem Rade: "dat twe wan den groten Hansen [von den großen Herren], de so wohl, alse se, van der gemene weren mank den 64 gefaren, bleven in dem Huse, wenn men se vorbadede; dusse weren Hans Henninges und Gert Stötebrügge, und dar idt de meninghe hebben scholde, so wolden se ehr geverve wedder hennebringen, dar se idt empfangen hedden. Item: dat ein E. R. wolde Heren vorvogen, um de quarter tho maken."

Antwort des Rades: thom ersten van Hinrik van dem Busf, dat se wolden Hinrich van dem Busf vorbaden laten und datfulvige wohl mit em vinden. Item: als morgen scholden Her Hinrik Kerkring und Her Hinrik Castorp, de quarter to maken by de acht borger kamen und scholden of van der anneminge der predicanten des rades antwort seggen. Van Gert Stötebrügge und Hans Henninges gaff de borgermeister thor antwort, dat dusse beiden gesecht hedden, mank den 64 wurde allene van predigende gesecht, wenn men dar van gelde wurde seggen, alsdenn wolden se wohl kamen.

Anno 1530 des Sonnavendes na Cantate den 21. Mai worden de 64 dorch de acht vorordneten vorbodesfoppet und helden en ver, wo de beiden Heren

vorbenomet de quarter vorordnet, dat alle mante 8 schol-  
den by der kisten sitten. Do dusse quarter gelesen, ge-  
villen se den 64 wohl.

Alldus seten alle mante veer borger by ider kisten.  
De kisten stunden twissen deme langen Huse und dem  
nien buete. In de ene ward gesammelt van des kop-  
mans goderen und zise van Lubesken beere und van allen  
vromden beere, in der andern kisten van molte, roggen  
und weten und wat in de mole geit und by jeder kisten  
hedde men enen schriver und wenn dat mante umme  
was, deden de 8, de affgiengen, rekeninge van dem, dat  
se upgeboret hadden und uthgegeven.

Dusses morgens wurden de 64 eins, dewile se se-  
gen, dat etlike van en sif affdrengheden und wenn dar  
was gehandelt ward, dat dem rade nicht mede was, so  
wolden desulvigen de leven finder syn und dat ungenogte  
up etlike bringen, — derohalven wurden se eins, dussen  
willefare [diese Ordnung] tho donde, dat wenn van den  
64, wenn se samtliek vorbadet, wat gesluten werde und  
vor gut erkannt, dat desulvigen, de nicht gegenwardich,  
alse de gegenwardigen wolden helpen dragen. Datsulvige  
laveden Hans Henninges und Gert Stötebrügge  
of. Se sloten of des dages, dewile ein E. R. nu de  
predicanten vorgunnt, welk Gades wort rein predigen, dat  
se wedderumme tho beschuttende den E. R., so dar je-  
mand na rekenschop fragede, alsdenne scholde men tor  
antwort geven, dat de 48, den sodan van der gemene  
was up gelecht, dar wohl besched van geven werden. —  
Dusses dages weren den de rothbrouwers vor den 64  
und beghreden, dat men de zise van dem roden beere,  
welk ut dem home geit, worwohl dat se idt mede bewil-  
liget hadden, do de artikel gelesen weren, wolde nehmen.  
Averst dusse handel ward vorschaven bet up bequemer tidt.

Umme dusse tidt begaff idt sik, dat Her Johan Walhoff in unser leven frouwen kerken ein kind doffte up dudiesk [deutsch], wels alse den borgermeistern ward angesecht, wurden se aver de maten tornich und leten de veer predicanten vor sik vorbaden, und seden, wo en sondanes were vorgefamen; nun wusten se wohl, wo idt twissen dem E. R. und der gemeinheit vorlaten [beschlossen] were, dat de ceremonien scholden stan bliven bet tho dem uthgange des rikessdages; Hierumme befremde idt aver de mate dem E. R. sull ein vornehmment; se hedden sik of solkes tho den predicanten nicht vorsehn. Alse nun M. Andreas de sake verantworde und van insettinge der dope sede, ward Her Harmen Plönnies, borgermeister, böse und gaff vele scheltworde, hete Her M. Andreas twemal legen, schult se vor fettere, vor uprorfske boven, de de schrift na erem koppe dudedden und dat volk vorleidedden. Her Nicolaus Brömse ward of tornich, gaff vele scheltworde und mank anderen sede he, darumme wolden se ersten enen vall umme wagen.

Hierup antworde Mester Andreas: „Mine Heren, wy find nicht dejenen, de na upror stan; wete gy und und juwe gelerden, dat unse lehre nicht recht sy, wy bidden noch, dat wy tho hope vor einen E. R. binnen beslatener dore disputeren mogen, gy schelden unse lehre und willen se doch nicht hören, sundern lopen darvor, als vor den bösen Geist.“

Do nu thom latesten de predicanten seggen, dat dusse Heren der bittereit so vull weren und der lesterworde jegen Gades Wort neen ende hadde, geven se den borgermeistern thor antwort: Dewile se ein E. R. vor solke lude helede, alse se geschulden, so wolden se sik des predigstoels so lange entholden, dat en mit hilliger schrift

averbracht worde, dat en ein E. R. aversecht hedde. Hierup antworde de borgermeister: dat mochten se don.

Ein Rath let vorbaden 4 borger und dede en dusse sake, wo mit den predicanten verhandelt, in bevel, den 64 anthodregen, jedoch in ungeliker form, wo idt geschehen. Derohalven do de 64 dusse 4 borger gehort, leten se de predicanten of vorbaden, umme de of tho hören.

Alse de predicanten vortellen, wo idt gahn und schen were, stotte sunderliken de 64 up dat herte [Herz] de rede Hern Nicolawes Brömsen van "dem valle tho wagen;" derohalven do se de predicanten uthgewiset und darumme gespraken und de predicanten wedder ingeesset [hineingerufen], beghreden se noch einmal van M. Andreas desulvigen worde tho hören.

Do antworde M. Andreas: "dewile gy idt jo hören willen und idt ick jo seggen schall, so seh ick jun vor solke lude an, de jo nicht na upror und wrake [Streit] stan, sundern na vrede und eindracht. Ick will idt of nicht tho dem ende gesecht hebben, dat darumme scholde upror angerichtet werden, sondern dat men upror und blotvergetinge mochte vorkamen und wisliken tho sehen." Und darna vortellede he, wo idt gahn und geschehn were. Darna seden of de predicanten, dat se nerley wise wolden up den predigstoel, idt wurde den ersten de disputation, de lange beghert were, vollbracht, up dat men ut Gades Worte sehen mochte, welk recht noch unrecht hedde.

Anno 1530 am Dingtage morgen na Exaudi d. 31. Mai giengen de 64 samtlich vor den Rath und leten updecken, wes ene van den 4 borgeren, de ein E. R. vor sich gehadt, darbeneven wes en of van den predicanten were bygekamen und leten fragen: "wo de borger vorstan scholden, dat Her Nicolawes Brömsen

gesecht hadde, se wolden enen vall daromme wagen? wer desulvige vall mit den 64, effte mit den predicanten gheschehen und wo de vall thogahn scholde? und wenn idt de meninge were, wo de worde luden, so wurde men de 64 vor vele moye und arbeides ovel lonen."

Thom andern: "dewile Her Harmen Plönnies gesecht, dat de predicanten de schrift na erem koppe dūdeden und vervörden so dat volk, so scholde he of dat-sulvige got dohn; men wolde en vor den man so lange holden, dat he sinen man makede."

Thom drüdden vrageden se dusse borgermeister: "wer se sulck worde ut bevel des Rades, effte sik sulvest gesecht hedden?"

Darbenevenst klageden de 64 aver einen plumpen, graven, unbehourwen mit namen Her Johan Wineken, welck sik dunken let, dat he mit siner unverschemen mund dat evangelium ganzlikhen vordelgen wolde. Dusse heillose pape konde idt so groff und smeliken nicht maken, he vordenede alle tidd by den Heren dank darmede; derohalven begehreden de 64, dat dusse Wineken tho disputation scholde kamen, edder he scholde by schinen der sunne de statt rumen.

Up alle dit vorgevent antworde Her Nicolawes Brömse van dem valle alldus: ick bestah, dat ick van dem valle gesecht hebbe und also, "leve Heren, gy predicanten, wille gy so fortvaren, alsdenne wille wy de 64 anspreken und wagen ein vall daromme." Und vort seide he wider: was Her Harmen thogemeten, ward Er. Ehrbaren sulvest wohl vorantworten.. Averst Her Harmen Plönnies sin antwort lude, alse hedde he de predicanten gestrafet eres vornehmendes halven, wente se weren also angenamen, dat se allene predigen scholden und laten de papen mit erem donde betemen. Nu hedde

Her Johann Walhoff gedost up duseß, welk nicht wantlich tho Lubese were. Idt scholde of nemand en averbringen, dat he se ketterß geschulden hedde. Dut was idt alle, dat se up der 64 andregent antworten up dat mal. De 64 averst beghreden, dat de 4 predican-ten mochte binnen beslatener dore vor den Rath tho fa-men vergunnet syn, welk ein E. R. dede; und se leten se bynnen Rathstoels up de bank sitten gan, wo men de gestliken plecht tho donde und de 64 stunden achter en alse kleger und antworder lude.

Do hoff an M. Andreas van wegen der andern predican-ten van den reden und handelen, so in dem foretwissen den 2 borgermeistern und den predican-ten geschehen, eine ganz geschickte relation, wo Gott up dat mal, sinen worde tho ehren, sundergen gnade gaff. Up dat M. Andreas Relation bestund Her Nicolawes Brömse, dat he van einen Fall geseht, ut supra. Worup de predican-ten den borgermeister vrageden: wer Er. Ehrb. Wißheit „van den 64 anthospreken“ hedde darby geseht? Hierup seide van wegen der predican-ten vordan M. Andreas: dat ik van wegen duffer Heren und vrunde gefragt hebbe, is nicht der meininge geschehn, dat wy Iuw in Iuwe ehre willen vallen, sundern wo dat Iuwer Ehrbaren Wißheit gemenet, late wy wohl geschehen und geven idt Iuw tho bedenken; wy averst hebben idt, na innholte und lude der worde, den 64 ange-seht, nicht tho der meninge, dat de borger gegen einen Ehrbaren Rath upror scholden anrichten, sondern dat men upror mochte vorkamen, wente men wohl acht hebben mocht, wen men sulke merklike worde van den horet, de of de macht hebben, tho donde, wat se seggen. Ein E. R. schall sik of nicht befruchten [befürchten], dat unser predike und dondes halven upror entstan schall wedder

einen E. R. Dat dorve wy uns wohl vorsegen. Darna entlede M. Andreas, wat en avergelagen was, wo he van dem sacramento scholde geprediget hebben, dat idt schlicht brodt were und sede mit langen worden und goden bewise van dem misbruke, den de papisten by dem Sacramente in eren winkelmiffen und pilermiffen gedreven hedden. He sede of, dat idt kleglik dink were, dat sik so floke lude, alse ein Rath, van solken losen anbringers, alse papen, monneken und eren vorwandten sulke lose logen annehmen und mochten desulven wohl thohören und denne beurdehlen und richten. — Averst dat wolden se nicht dohn, lepen ut dem wege vor Gades Wort alse vor dem duvel. — Item: idt antworde of M. Andreas up Her Harmen Plönnies sage, worinnen he Hern Johan Walhoff des dopens halven gestrafet, alse were he angenamen, dat he mit den ceremonien nicht scholde tho donde hebben, alldus: Wahr ist et, do wy angenamen wurden, hebben wy uns dat beholden und bedinget, dat wy mit der papen dinge, wo se dat holden in den kerken, nicht wolden vorstrifen edder besweren laten, dewile idt gegen Gades Wort was und wy mit goder conscienete desulvigen nicht konden vullenbringen. Dat wy uns aver der sacramento, de Christus ingesettet und Gades Wort leret, uns entholden scholden und weigern, de se van uns begehren, kone und mote wy nicht don; wente de sacramento syn also an unse amt und lehre gewöget, dat dat ene ane dat andere nichtes gelt, effte wesen kann. Darbenevenst hof he an und sede van der insettinge der dope und wo idt de papisten mißbruket hedden. — Idt vorede [führte] M. Andreas de worde Her Harmen Plönnies in, dar he sede, se duden de schrift na erem egenen koppe und vorvoreden dat volk also. Also Her Peter duth bekräf-



tiget, voren beyde Borgermeister, Her Nicolawes und Her Harmen mit worden tho den predicanten inne und seden: wer se gesecht hedde dat se ketteres weren? und so vak en de predikanten idt vorantworden wolden, bolderden beyde borgermeister tho en inn: effte he gesecht hedde, dat se ketteres weren? Anders ward da neen antwort geven.

Alse nu dusse beredinge also geschehn, stund ein E. R. up und de predicanten und giengen ein jeder tho hues. Averst de predicanten wolden nicht eher predigen, ere wedderpart [ihre Widersacher] scholde ersten thor disputation kamen und bewisen, dat se en aver gesecht hadden.

Worwohl dat idt unbeantwortet bleef, wat dit vor ein vall wesen scholde, leten doch de 64 umme des besten willen idt so henne gan, vrageden of nicht wider, up dat ein E. R. nicht vorunglunpset wurde, bevolen Gade de sake, de sulker ansege und bofer meninge vele tho schanden gemaket, wo men noch horen wart; dusse wurde duffer of wohl vornichten.

Am Pingten avende, den 4. Juny, leten de 64 dorch de acht dem E. R. anseggen, wolde ein E. R. in der 64 pergamenen boek dorch eren Secretarius uth bevelh des Rades ere ankumpst und erwelinge nicht schri-  
ven laten in form und wise, wo baven beghert, darbene-  
ven dat of ein E. R. nicht will schripen laten, dat de  
predicanten van einen E. R. sind angenamen, item: dat  
ein E. R. mit weten und willen strafen willen, welke  
sodane dinge seggen wedder de Sacramente und lehre,  
de se mit hilliger schrift nicht konden gut dohn, se syn  
gestlich edder weltlich; — dar ein E. R. sulkes nicht  
will schripen laten und so idt nicht geschreven ist, wenn  
se wedder by en kamen, so willen de 64 der gemene de  
artikel wedder averleverden, und wenn denn de artikel

rede dalgelecht sind, worde sik de gemene Gades Wort nicht nehmen laten. Effte denn de gemeinheit vortsfahren wolden und leggen de ceremonien in kerken dal und den ende des rikesdages nicht afbeiden [abwarten], dat mosten de 64 scheen laten, welk se doch bet in dussen dag, dem rade tho gefallen, hebben weren helpen.

Hierup gaff ein E. R. thor antwort: wenn de hilligen dage vorby weren, wolde ein E. R. mit den 64 darumme spreken, wo dusse schrift luden scholde.

Up dit antwort weren de 64 thovreden und giengen tho den predicanten und handelnden mit en, dat se wedder predigeden und laveden en, na den hilligen dagen ene strafe tho stellen wedder de lasterer. Also predigeden de predicanten aver de hilligen dage, up dat erenthalven kene moye effte upror mank der gemene entfunde.

Anno 1530, des frydages in den pingten, den 10. Juny, weren de 64 wedder by en und des dages gaff ein Rath na, dat Lambertus Becker de vorschrijvinge in der 64 boek dede, dar de 64 lange umme arbeitet hedden, kostede of dusses dages moye und arbeit, ehr ein E. R. darto wolde. Dut was averst de innholt; dat de 64 mit weten und willen eines E. R. van der ganzen gemene gefaren; item: dat ein E. R. will uthdregen helpen, wat uth den artikeln entstan mag; item: dat ein E. R. de predicanten hebben angenamen und enen Gades Wort tho predigen bevalen; item: dat ein E. R. strafen will alle dejenen, so wedder de lehre reden, welk se nicht ut Gades Wort bewisen konden. De subscriptio [die Unterschrift] ludet also: Subscriptum per me Lambertum Becker, Secretarium, die Veneris decima Junii. Anno Domini 1530.

Idt vergunde of ein E. R. dat men des Sondages negeft volgende in allen kerken verkundigen scholde all-

Duß: Nademmale de predicanten van dem E. R. und den verordneten borgeren weren angenamen, dat se Gades wort lutter und rein predigen scholen, alse Christus sinen aposteln bevalen hefft, so ist ein E. R. mit den 64 averen gekamen, effte siß einer vordriste up de lehre tho spreken, he sy gestlik effte weltlik, hoch effte sîde [vornehm oder gering], dat he mit gottliker schrift nicht kann bewisen, den will ein E. R. strafen laten.

Idt vergunde of dusses dages ein E. R., dat men in Sunte Tillian kerken mochte, weme idt gelevede, sine kinder dudedt dopen laten bet tho dem ende des rykesdages. Dut vorgunde averst in dusse mate de Rath, up dat de ceremonien in den andern kerken unverseriget [unversehrt] mochten bliven, wente se weren in ganzer vertrostinge, dat in den rykesdagen de luthersche lehre genßliken vorvunnen [besiegt] und vordelget scholde werden, hedden of Doctor Brömsen, des Borgermeisters broder darhenne gesandt in meninghe, dat he grote dinge dar scholde utrichten, averst do he darhenne wolde, dorsten se idt nicht bekannt wesen und leten ein rucht [Gerucht] maken, dat he na Brunswick wolde tho sinen vrunden; averst de weg was na dem rykesdage tho Augsborch, dar he 17 hundert *m* vorterede ummesuß, van der stadt gut, so darnamals in der kemmerie boke gefunden ward.

Idt hedde siß of begeben, dat in fort vorschenen dagen etlike papistische prediger siß hemliken up den predigstol gemaket, alse tho S. Jürgen buten dem dore, tho S. Clement, thom hilligen Geste, alles in goder hopeninge, dat se mochten anhang friegen. Solke trohige lude weren de papisten, wowohl se thor disputation nicht kamen dorsten, steken se doch na dem predigstole, alse wulwe na dem schapstalle. Derohalven mosten de 64

up dat nye vorderen by dem Rade, dat se ein nye decret leten utgan. So moſte men idt dem Rade affdringen, wat tho Gadeſ ehre dene. De Papen konden idt of ſo groff nicht maken, dat ſe by dem Rade undank verdenen konden.

An. 1530 deß Sonnavendeß na Trinitatiß den 18. Juny, als ein E. R. de vorigen dinge, Gadeß Wort bedrapende, allduß hedde nagegeven, wodorch nu jederman geſtillet waß und thovreden, dat de artifel vor ſi in den ſchwank giengen; darumme berameden [verfaßten] de 64 enen zedel, den men ut gehete deß Radeß van allen predigtſtolen leſen ſholde, und wowohl dat ein Rath vor dat erſte nicht vullborden, ſondern verändern wolde duße zeddel, leten ſe idt dennoch geſchehn, dat men idt ſo affkündigede, alſe hier volget. „Ein E. R. und de verordneten 64. borger ſind endrechtlichſen averengefaſſen, dat de artifel, welke vor der ganzen gemene ſind affgeleſen und ingerumet, am mandage negeſt folgende ſcholen alle unverändert und in neuen dinghe affgebraſen anghan, idt were den etwas in denſulvigen artikeln, dat jegen dußer gemene beſteß were, worin tho ſehende, eine ganze gemene dem E. R. und den verordneten borgeren macht gegeben hefft.“

„Wieder will ein E. R. und de verordneten borger enen jeden van junkheren, rentnerern und kopluden und den ehrlichen amten vormanet hebben, dat ſi ein jeder, na innholt der artifel, alſe einem getruwen borger thohoret, ſchicken will.“

„Idt ſchall of, na innholt der artifel, alle ſonn-dage fromd fleiß, alle mandage fromd brod hier inkamen tho kope.“

„Idt let of ein E. R. einem jederen vorſtendigen, na innholt der artifel, dat wat he van huſe, boden,

kelleren upbringt, dat schall he dem rentenerer wedder korten, up dat idt dem armode nicht tho schwer werde. "

"Of will ein E. R. einem jedenen vermanet hebben, dat de noch upbringen schall van oldinges [von früher] by der kisten, dat se datfulvige bringen vor Jacoby, by dubbelder pene, he sy gestlik effte weltlik. "

"Up dat sik ein jeder na gelegenheit und vormoghe der artikel wete tho holden, schall men darvan tafeln finden by der kisten, up dem molendamme und tollhuse. "

"Dat of ein jeder der zise vorstendiget sy, schall idt dusse meninghe hebben, wenn alle unplicht van des kopmanns gudern affkamen, so schall de zise of aff syn. "

Do dusse artikel weren affgekündiget, was de gemene wohl thofreden und giengen sodane schwere schattinge inne. Dit zedel ward gelesen des ersten Sondages na Trinitatis.

Up dusssem sondage plach men eine processie tho holden tho Lubeke, welke hedde fundiret [gestiftet]. Her Jordan Pleßkow, ein borgermeister, welcher de oldeste borgermeister was van denjennen, de An. 1408 uth de Stadt lepen; und thoch dusse Pleßkow in dat concilium tho Costnik, dar he gesehen hedde, wo de Pawest mit den sinen dar mit dem Sacramente dwalde umme de statt. Derohalven do dusse Pleßkow an. 1416 wedder in sinen stand und ehre quam, stiftete he de processie tho Lubeke up dussen sonndag tho holden, dat alle papen und monneke mosten des morgens tho 5 in dem dome mit eren ornatien und sulversmede wesen, alsdenn slepeden se mit grottem prale umme de statt her, dat warede beth de floke tein slogh, giengen se van der enen farke tho der anderen.

Des Sondages na Trinitatis slep Hr. Johann van St. Eilien by und was de erste pape, de tho lu-

befe ein wyff namm, dit makede avermals den papisten binnen und buten der avericheit böse und quat.

Wowohl men dusses dages in allen kerken Gades Wort predigen dede, weren de heillosen papen doch so trohig mit den eren, dat se vor Gades Wort endlik nicht striken wolden, sundern bleven jummer stiff by eren dingen. Derohalven, wowohl se geschen hedden an des hilligen Richnams dage [den 16. Juni], dat van den amptern nicht en was, de tho ehrer processio noch licht edder lichter dregen wolde, so leten se nicht aff, sondern voren likewohl vort und wolden jo de processio holden. Ein E. R. helden jo stife an, alse de papen und leten dorch de olderlude in enem jewellen amte beden, dat jedermann, de lichte effte lictere tho dregen behorede, nenerley wyse datfulvige underwegen late, by broke [bei Strafe]; darup den olderluden wart geantwortet: effte se dar jo lust tho hedden, dat se se sulvest drogen? se dachten dem duwel de kerse [Kerze] nicht lenger vorthodregen.

Do nu de papisten so stive mit erer processio (welk wohl ein vastelavend effte larvenspill heten mochte) vortvaren wolden, mosten de predicanten sodanes lyden, jedoch deden se erem ampte genoch und bevorderen, dat men tho St. Catharinen und St Peter to sossen, tho St. Jakob, Marien und Lillien tho 7 predigen scholde. Darumme vogede si dat volk in de kerke und leten de papen flug dwalen.

De papen averst, wowohl se wusten, dat men in der kerken predigen wolde und dat volk erem tante nicht gut was, wolden se dennoch nicht wiken und gienghen mit erem trecke van dem dome na St. Peters kerken tho. Do dat volk dussen vastelavend sach, ludeden se thogelike an mit allen den flocken, so by enem ideren

altare hengede und was sulc ein ludend, averst ider-  
mann helt de hand, deden nemanden nichtes.

Idt weren ok de vorwelen tho Lubeke gewesen de  
Hensfestede und wowohl se ere sake alle geendigt, wor-  
den se doch dorch bede eines E. R. getövet, dat se dem  
Rade tho ehren und dem duvel thom denste de processie  
wolden sterken helpen. Nu weren de meisten ut den  
steden, dar Gades Wort geprediget und sodane vastel-  
avends spill alle dalgelecht. Dennoch up dat idt kund  
wurde, wat se im herten hebben, effte se idt alle rede  
gut seden, hulpen erer ein deel den reihen sterken und  
sunderliken de van Bremen mochten sik do wohl schemen,  
dewile se de ersten weren gewesen, de Gades Wort hed-  
den in der Stadt gehadt. Desgeliken de Hamburger  
deden den Heren van Lubeke dat tho willen, dat se mede  
umme de stadt slepeden. De van Brunswik und Meide-  
borch [Magdeburg] averst deden als menner und wolden idt  
nicht don, wowohl se darumme begrötet wurden van  
dem Rade van Lubeke und eren vorwanten. De van  
Sunde [Stralsund] hedden wohl mede gedwalet, averst  
se dorsten idt nicht wagen umme erer borger willen.  
Solc ein elendig ding ist et umme ein minschlik herte,  
dat idt lever Gott in dem hogen himmel vortornen darf,  
alse einen sterfliken madensack.

Alldus ward dusse processie vollbracht, averst nicht  
mit wonne, sondern mit smerte, wente veler wegen mosten  
se umme de kerken hengahn, dar se suß plegen dorch tho  
gahn, ok heten se se willkamen mit einem Gesange: Ach  
Gott van Hemmel seh darin und lat di des erbarmen ic.  
Dussen sank horenden se nicht gerne. Alldus brachte de  
ganze Hense de hillige processie tho Lubeke tho grave,  
wente na duffem dage schall se noch wedder geschehn und

in disse processie kreg de misse sodane eine süke, dat se balde darna of sterven moeste, wo folgen wart.

Alse nu de artikel, wo vore berort, in den swank weren gekamen und ein Rath vergunnet, dat Evangelium tho predigende und in der enen kerken de Sacramente to verreckende, mene idermann, de duvel were nu gestüret und were gut dink. Overst alsobald wart den 64 angebracht dorch loffwerdige tügen, dat twe borger ein unhövesche mund hedden up dem kare und amte der 64 alse mit namen Harmen Schepeler, der Heren Barberer, de apenbar utgesecht: de 64 hedden sif subvest upgeworpen und schregede [scherze] darmede, dat erer 64 weren und dewile dar ein klein mann, ein budelmafer, mit namen Hinrik Küssel mede was, dussen rekende he vor enen halven mann und nomede also de 64 „verdehalven mann und ein schock.“ Item, he sede of! „wo se eren eden genoch deden, dat wusten se wohl.“ Dit tugeden twe borger, dat se sodanes van Harmen Schepeler ghehoret hedden.

Deegeliken wart en of angesecht, dat Harmen Tilemann up dem kare der 64 aver de maten spiß und apenbar utgesecht: de ganze gemene hedde de 64 nicht gefaren, wente he wuste noch (van Doctor Brömse\*), tom rykesdage getagen, und van dem rade gesandt, dat he grote dinge scholde utrichten, we [wie] he of nadem was schaffede; dit ward of ruchtig mank der gemene), de se nicht gefaren.

Idt ward of den 64 angesecht dorch enen borger, Lorenz Crauß, dat he idt vor einem E. R. wohl bestan wolde, dat ein Matthias Grouwe, ein boddefer, mit sinen kumpanen, werwitliket, dat etlike siner

\*) Die in Parenthese stehenden Worte fehlen in der Handschrift B.



amtsbroder mit etliken knakenhouweren, bekeren, schroderren, schomakeren, perdekoperen gestaten hedden, by dem E. R. tho bliven und mit den 64 nichts tho donde tho hebben. Dit sach wahrlich na enem upror und twe=dracht ut, wowohl de 64 nichts anders begereden, sunder of by enem E. R. tho bliven.

An. 1530 am Mandage morgen na Johannis [den 27. Juni], do de 64 by en weren vorbadet van den 12, umme disse sage tho rathschlagen, dewile dieses dages de artikel scholden angahn, hedden de 64 uth solker sage ein grot gewach [Bedenken], wenn idt de meninge hedde, we de tugen bestunden, do se verhoeret worden, dat men en so natrachten scholde und wenn denn de artikel in den swant quemen und jedermann gelt utgeben scholde, mochten dusse lude mennighe up de 64 hissen, de des nu noch nenen willen hedde; wente dit alles schach den 64 nargen umme van den vorberorden borgeren, sundern allene darumme, dat se mit vlite vorvorderden umme Gades Wort; wenn denn ein E. R. de 64 nicht vorbitten wolde, alsdenne were dat ovel gelonet vor so vele arbeides und vorsumenisse, de de 64 gedan hedden. Derohalven seghen de 64 vor gut an, dat de artikel stille legen, bet so lange disse sache gesslichtet were. — Dewile se denne nu redelike orsake jegen dusse beiden hedden, wolden de 64 sehn, wo ein E. R. aver erer vorschrippinge holden wolde van der strafe. Derohalven senden de 64 vor den Rath und begereden, dat ein E. R. wolde Harmen Schepeler vor dem Rade binnen beslatenen doren vorbadeschoppen laten. Averst Harmen Schepeler wolde allene nicht kamen sunder bracht enen helen hupen mede sineß volkes, welches ein E. R. alle schen leten. Dennoch togen de 8 borger de sache van Harmen Schepeler up, wo baven geschreven und hangeden

darmede an, dat ein E. R. Harmen Schepeler so lange den ersten band [Verband] vorbeden und sine beken heten innehen, bet he sich mit den 64 in vrundschop effte im rechte vordragen hedde.

Hierup gaff ein E. R. thor antwort dussen 8 borgeren, wo ein E. Rath enen also strafen scholde, he moeste jo ersten syn im rechte avergewunnen. Dusse affsprake, dewile se in jegenwardicheit Schepeler's und der sinen geschach, gaff he Schepeler und sinen vorwandten enen mot, dat se horenden, dar were by enem E. R. nenen undank vordenet, indeme dat men up de 64 ene fule mund gehadt hedde.

Hierup antworten de 8 borger dorch eren wortföhrer: "wolde, effte behorde sich nicht einem E. R., enen tho strafen, he werde denn im rechte averwunnen, worumme denn ein E. R. den 2 goldsmiden Jacob Tsermann und Hieronymus Sander de boden thoslaten, do se tho Aldeslo thor predigt gewesen hedden an. 1529, so doch dit thor tidt nicht rechtlich erkennt, dat de predigers fetter gewesen? Item: worumme ein E. R. van Hans Schulten 20 gulden gheschattet, dat he dudesse psalmen in sinem huse gesungen hedde, so de psalm nicht fetterisch bewiset syn? Item: warumme ein Rath Jasper Bomhower unaverwunnen im rechte in den thorne setten leet, so doch de sake mit gelde ok in dem rechte hedde konen tho wedden stan?"

Averst do der borger antwort nicht gehöret waß, geven se dem rade tho affschede, se wolden des Rades antwort vor de borger bringen. Hierumme sende ein Rath twe ledemate [Glieder] des Rades, alse Her Cord Wibbeking und Her Hinrik Castorp den 8 borgeren na up. Dusse geven den borgern vor, dat de 64 ut sich 8 welden kesen, dar wolde Schepeler 8 tho=

nehmen, umme de sake tho verdragen. Welkes, alse idt den 64 nicht anstunt, leten se dem rade dorch duffe Heren ansseggen, de 64 wolden idt sammtlich vor dem Rade beantwortenden.

Darna, alse sich de 64 bespraken und up des Rades averseprake alldus beslaten, dat ein E. R., na vormoge erer vorschrivinge, Schepeler nicht strafen wolden und se alse sulvest upgeworpen gheschulden, und erer erwelinghe also ungewis scholden syn und nicht van der gemene, sunder alse de man van etlichen gefaren geachtet worden; hierumme dachten se sich by de kisten nicht tho setten, idt were denne de ganze gemene mit dem volke avereinghefamen, were se duffe, effte andere 64 hebben willen. Hierna giengen de 64 sammtlich vor den Rath und leten dem Rade noch einmal vorholden, dat se en dorch de acht hedden erstmalß andregen laten und darbeneven, wes de 64 nu under sich enß geworden syn.

Hierup wisede ein rath de 64 in de hörkamer, beth sich ein Rath bespraken hedde. Ein Rath averst schickede de vorbenomeden twe Radesheren tho den 64 in de hörkamer, umme einen frundliken handel mit Schepeler vortonehmen und hangeden sodaneß daran; dat doch de 64 de sake so ernstlich nicht annehmen und nenen unwillen anrichten wolden. Do dit de 64 horeden, verdrot en noch mehr, dat men en tho mat [daß man ihnen zumessen wolte], dat se na unwillen stunden und dewile scholden se liden, dat Schepeler und ein idermann eine rume munt [ein großes Maul] up se hebben mochten. Darumme geven se den heren thor antwort: se begehreden dat Schepeler gestrafet wurde.

Hierup leet ein Rath wedder dorch duffe heren de 64 fragen, wer se denne nu vort mit der klage [Klage]

wedder Schepeler wolden vertvaren. Darup antwor-  
den de 64 bürger: Ja!

Also nu de 64 vor dem Rade wedder geesket, of  
Schepeler mit sinen vorwanten, vorhorede ein Rath  
de tügen, de of mit upgerichteten vingern schweren mosten,  
wat se gehört van Schepeler, begereden de 64, de tuch-  
nisse tho boke tho schriuen. Darna gaff Her Nicola wes  
Brömse alsodane sententie. "Nademale de 4 tügen  
dit beswaren hebben, hefft ein E. R. darumme gespraken:  
Harmen Schepeler mag idt ane broeke nicht gedan  
hebben; he schall by de wedde gan und wedden dat  
aff."

Also ein Rath dusse sententie gesecht hedde, sobalde  
stunden borgermeister und rathmanne up und wolden  
ilendes tho huse ghan. Idt konden de 64 der sententie  
nicht noch vorwunderen, dewile men wohl wuste, dat de  
weddeheren, de sulvest den 64 vient weren, Schepeler  
nichts quades den wurden. Also nu de heren ileden  
wegthogande, klageden of de 64, dewile ein Rath noch  
stund, aver Tilemann, de apenbar gesecht hedde: he  
wuste wohl vele, de de 64 nicht gefaren hedden. Dusse  
sulvigen wolde men van ein namekundig gemaket hebben  
und als ein Rath dar den borgern nicht inne bypflichten  
wolde, alsdenne stah idt den 64, by der listen tho sitten,  
nicht an, up dat men der unlust, de de vele anrichten  
mochten, konde vorgefamen werden.

Also diß Harmen Israel gesecht hedde, antworde  
ein Rath nicht ein wort darup, sondern giengen hen tho  
huß und leten de borger dar so stan.

Do dit nu ruchtig wart, dat ein E. R., Schepe-  
lern in sinen unrichten saken so bypflichtede, item, dat  
sich de gottlose hupe so stark up dat Rathuß gesammelt,  
dem Schepeler bythoplichten und dat de 64, de de gemene

dartho gekaren, dat se scholden Gades Wort handhaven, idt nargen by einem Rade bringen konde, dede idt mennigen mann wehe und sunderliken, dat men sach und sporede, dat ein Rath van den artikeln nixtes en helt, de se gelavet, nemliken, dat de papisten van dem predigstole bliven und er hönent und schendent nalaten scholden, sunder leten den papisten allen eren willen, derohalven de ene mit dem andern sprach, wo men idt wolde maken.

Baven dit begaff sich, dat up Sunte Peter und Pauli dach, welcher was up einem middeweken, d. 29 Juny des Morgens was ene rode egge wohl enes halben vaders lang und ene hand bret, baven an dem flockentou, de baven der wage hanget, in dem gewel gebunden. Also men der egge nu enwar [gewahr] wart und solkes nie gesehen, makede idt wunderlike danken [Gedanken], wente nemand wuste, wotho men idt duden scholde. De gottlosen spreken, men scholde nu wohl sehn, wo idt den Martinern gahn scholde. Dit schlog mennig en vor den kop und de ene sprach dem andern tho. Do nu de sermone ut were, als de flock 10 slog vormiddages, sammelden sich de borger up dat markt und makeden enen fret [Kreis], jedoch was nemand, de were hedde, sondern allene mit Worten tho handeln, quemen se tho hope, dat ein Rath sehen scholde, dat idt en ein ernst were, Gades Wort tho handhaven und de 64 by macht tho holden. Also nu ruchtig ward, dat de gemene tho hope was, na leden sich darhen de 64, up dat se den hupen inhelden, dat se sich nergen inne vorgrepen.

Als nu de 64 midden in den rink quemen, so de hupe ghemaket hedden, tratt ein schipper, Hinrik Möller, up eine vullhökerbank, de sake der thohopekumpft tho vertellen, so vorn beroret ist, dat ein Rath den Schepler und Tilemann in vorbidde ghenamen hedde.

Darna wolde de gemene, dat men de slotel tho doren und porten scholde halen, averst datsulvige rade Hinrik Möller neen rath tho wesen und stürede of de gemene, dat se idt naleten.

Darna fragede Hinrik Möller de gemene: wer se of de 64, so se mit weten und willen eines E. R. gefaren, of by kraft und macht wolden gehalten hebben? Hierup reep de gemene: "Ja!" — Thom anderen: Wer se of Tilemann und Schepeler wolden gestrafet hebben? Hierup antworde de gemene: "men scholde se stracks in den thorne setten, bet dat de sake vordragen worden." Item: wer ein E. R. des negesten dages de ganze gemene vorbadeschoppen scholde, wider mit dem E. R. van etliken saken tho handeln? Item: dat men wolde ene wacht stellen, up dat de Rath sich nicht vor de borger und de borger nicht vor dem Rade wes quades befuchten [befürchten] dorve.

Do dusse artikel geslaten, beschickede de gemene den Rath und sunderliken de borgermeister, welk nu noch in der kerken tho unser lewen frouwen, dewile idt hillige dach was, dat se sich nicht besweren wolden; in den fret tho kamen. Des quemen Her Nicolawes Brömse und Doctor Packebusch und etlike radesheren. Van dussen wart begehrt, dat se, alse borgermeister, van stund an den Rath vorbaden laten wolden; dusse gemene hedde wes mit en tho handelen, daran gelegen were.

Alse nu ein Rath thohope quam, sende de gemene dorch de 64 dusse vorige artikel dem Rade anthodregen. Alse nu ein Rath bespraken hedden, sede Her Nicolawes Brömse: he hedde mank deu hupen nicht denn vele dagelikes volkes gesehen und wenn\*) he geweten

\*) Die folgenden Worte bis Seite 74. Zeile 9. "of weren nene orsake" sind in der Handschrift B. ausgelassen.

hedde, dat dar anders neen volk gewesen were, men scholde en dar nicht henne bracht hebben, men hedde en denn by stücken henne gebracht, und weß he mehr thor antwort gaff up de vorige artikel, waß men up idel spott gerichtet.

Hierumme leten de 64 na erer ruggesprake dem Rade anseggen, sulck ene antwort des Rades dorsten se der gemene nicht andregen, se wolden den Rath mit der gemene tho hope geven; doch hangeden se dit daran: worumme de Rath sich doch so tho besoken makeden [sich doch so viel bitten ließ], de beiden verklageden tho strafen mit rechte? dewile men jo noch wohl wuste, wat rechtes Her Johann Osenbrügge und Jasper Bomhower geschehen.

Dusse rede begunde ein Rath tho betrachten und geven beter besched denn vorher und vorgunnen, weß de gemene in den vorigen artikeln begehret hedden; averst Schepeler waß all thom dore uth. Tilemann averst vergunde ein Rath in den thorne tho setten, averst nicht lange darna quam he wedder uth und darnah umme ehebroß ley he ut der stadt. — Item up den artikel van der gemene tho vorbaden und de wacht tho stellen, gaff ein Rath na, alse de gemene begehret hedde.

Alse nu de 64 dusse antwort ane 2 litmaten des Rades der gemene nicht dorsten effte wolden anbringen, up dat den 64 van einem E. R. nicht thogemeteten worde, als were idt ere vorvorderent allene, of, wenn de radespersonen segen und horenden der gemene willen, ein E. R. desto bet den heren alse den borgeren lohnen mochte; derohalven sende ein E. R. Hern Tönnies van Striten und Hern Cort van Riden mit den 64 an de gemene und Her Tönnies droch der gemene des Rades antwort an, wowohl mit velen vordeckeden worden.

Derohalven, do de gemene de sache nicht recht verstund, vorderde de not, den hupen van ander tho bringen, dat ener, de wohl gehört was, mit Namen Jochim Sandom van den 64 upstech und des Rades antwort up dat hogeste [sehr laut] affreep.

Also nu averst up dem namiddag de hupe groter ward und noch so grot, als do de borgermeister in dem ringe weren, derohalven idt vorlet was, den hupen lenger by en tho laten, of weren nene orsake, se van ander tho bringen, dewile ein Rath nergen willigen tho wolde und de rode egge an dem floctouwe jedermann orsake gaff, quat tho denken; derohalven, dat men dem quaden mochte vorkamen und den hupen van en kriegen, vandt Jochim Sandom dussen rath, dat he vorgaff, dewile dusse gemene umme sekerheit in beyden parten ene wache tho stellen und ein E. R. datsulvige nagegeben hedde, seghe he vor gut an, dat alle, de borger und huzgeseten weren, up dat vorhuß giengen, dar wolde men ene wacht stellen, so idt der sache wolde up thosögiste syn, wohl averst nene borger weren, dat ein jeder tho huß gienge.

Alldus hedde idt siß des dages mit der thohopekumpft der gemene und giengen also fredsam van einander.

An. 1530 up den Donnerdach, well was de 30. Junii effte commemorationis St. Pauli, also ein Rath hedde vorbadeskoppen laten, well en belevede und idt doch vorlaten was, dat men de ganze gemene vorbaden schelde; derohalven, do de gemene sach, dat de hupe vast geringe was, leten se dem Rath ansagen, wo ein Rath nicht huß by huß vorbaden leet, alsdenn wolden se of daven gahn. Do sende ein Rath alle ere dener van huß tho huß und quam des volkes gruwliken vele und weren etlike van den borgeren, de



artikel by sich hedden van etliken gebreken, und als desulvigen, ut bevel der gemene, darup etlike darby vöget, up ein sedel gesettet, begehrede se de gemene tho hören und weren duffe:

„Vort erste will duffe gemene, dewile de ganze vorfamelinge der gestliken, monnike, papen, domheren tho der beropenen disputation, umme er dink tho vorbidden wedder unsere predicanten, nicht erschienen, so scholden sich alle gestliken aller erer ceremonien, singen unde klingen, missen und vigilien genöliken entholden bet so lange se vor dem Rath er dink ut hilliger schrift vorbeden hebben.“

„Item: dat ein Rath der 48 artikel noch einmal will lesen laten der gemene.“

„Item: dat ein E. R. der stadt privilegia will lesen laten der gemene.“

„Noch begehrt duffe gemene, dat ein Rath will beschedt geven van dem gelde, dat de Hensfeste hebben hergeschicket tho der veide wedder Koning Christiern. an. 21, 22, 23; of van Gottlandt und Bornholm, van der Zise an. 24, dar Her Cort Wibbeking here allene by der kisten aver was, de de borger quelede und plagede und van dem recessen tho Beghebarge an. 1525.“

„Of will duffe gemene, dat men tho jeder kerke veer kerckwaren setten schole, twe ut den 64 und twe ut der gemene.“

„Of will duffe gemene, dat de vorstender van dem hilligen geste und Sanct Jurgen rekenschop don scholen, den 64 und einem E. R. dartho vorordnet.“

„Item: dat dat kloster thor Borch tho einem frantenhuse, dar men arme borger inleggen mag.“

„Item: dat Sante Catharinen closter tho einer schole verordnet moge werden.“

„Item: dat ein Rath etlike radespersonen vorordnen willen, welke mit etliken uth den 64 in alle kloster und kerken ghan und dat sulver in bewaringe nehmen, up dat papen und monnike nicht datsulvige van affhengen bringen, also anderwegen geschehen ys.“

Dusse und etlike andere artikel mehr, do se der gemene weren vorgelesen, repen se alle: „Ja“ dartho. Und darna mit upholdinge der hende vorwilligeden se, desulven einem Rade anthobringen und so der sake tho volgen und sunderliken, dat de papen ehr regiment mochten nalaten in den kerken.

Do dusse artikel van der gemene dorch 8, darto deputert, den 64 up dat nye bûte ghesandt, seggen se se dor und wowohl se wohl seggen und wusten, dat dusse artikel dem Rade nicht wohl gefallen wolden, dorften se doch nichts hierinnen vorenderen, dewile de ganze gemene se hedde bewilliget und se doch seggen, dat men doch mit der gude nergendt von einem E. R. was erlangen konde, dat se den papen in jenigen dingen wolden worinne affallen. De gemene beghrede of van den 64, dat se dusse artikel dem rade wolden vordregen. Welck also se deden und darbenevenst dem Rade seden, wo de gemene dorch upholdent der hende dusse artikel confirmeret, schloch idt ein E. R. mächtigen vor den kopp, dat de gemene sodan artikel vergenamen hedden, welck siß ein Rath nicht vormodet hadde, derohalven nehmen se ere byspröke.

Do nu de 64 wedder vor dem Rade vorbadet, was dit dat antwort: „dar men solke artikel inrumen wolde, solde idt thom ewigen vordarve disser stadt gereken.“ Na besprekend beghreden de 64, dat ein E. R. den 64 twe litmaten des Rades mede up don wolde, up dat desulvigen dem hupen hulpen stiren und stillen, alsdenne wolden se siß gerne tho des E. R. ghevallen dartho

gebruken laten und wes men denae in den artikeln tho remederen don konde, wolden se vlitich vorwenden.

Hierup gaff ein E. R. twe radesheren, alse Her Tönnies van Stiten und Her Eort van Riden den 64 mede up dat huß; und dusse beiden heren weren mank der gemene sunderliken geleden, derohalven sende se of ein Rath hennup. Dusse beiden heren deden allen eren vlit und sundergen Her Tönnies, wesk dat word hedde, stech up de weddebank, vormanede und bat, dat men van den artikeln scholde affstan, helt of vor, dat de gemene vormals also vorlaten, dat de ceremonien scholden bliven bet tho dem uthgange des rykesdages, drengeden also mit vlite, dat se den ersten artikel scholden vallen laten. Darup geven etlike thor antwort ut der gemene: Ein E. R. hedde of gelavet dosulvest, dat se beschaffen wolden, dat nemand van den vorvorisken papen predigen scholde. Wo dat gehalten were bet an dem dage und wat men van den rykesdagen sede und anhelede, schege allene den papen tho gode; derohalven wolde men vortvaren.

Alse nu de Heren seggen, dat de gemene so stief heleden up den ersten artikel und dat se nicht beschaffen konden, giengen se wedder hen in den radesstoel. Darna vorvorderde of de gemene, dat men ene ordinantie mochte maken, de godtlich were, dar men sich in den kerken na richten mochte. Darup gaff ein E. R. thor antwort: Dewile also idt nichten anders syn mochte, seghe ein E. R. vor gut an, dat de predicanten enen gelehrten mann vorschriuen, de sodane ordeninge makede. Wo nu dat ein Rath menede, ist Gade bekannt.

Alse nu de 64 des Rades antwort anbrochten, was idt der gemene ene gode tidinghe und gieng ein jeder mit freuden tho huse und ein E. R. of; idt was de seger

6 up dem avende. Idt were of lange tho schriben, welck ein hupen volckes up dem rathhuse was und wat moye se leden, wente idt so en heet weder was, alse den sommer nicht was, derohalven dat volck grote not van dorste leet und wowohl vele vlassken und korne mit touwen worden in den vinsten getragen, fonde doch de hundertste dar nicht van friegen.

Wowohl dat idt spade was, wurden dennoch van dem Rade twe heren verordnet, alse Her Cort Wibbe-king und Her Cort Castorp, dusse giengen mit etliken ut den 64 in alle kerspel und kloster und brochten ene nye tindinghe, wente se boden en, van wegen eines E. R., dat se alle er singent und klingent scholden anstan laten, beth so lange, dat ein E. R. sodanes tho don wedder gebode, und were idt sake, dat se idt nicht anstan laten wolden, weddervore en denne van der gemene weß, dar wolde se ein E. R. nicht inne vorbidden. Alldus starf dusses dages de hillige papißke misse tho Lübeck in allen kerken und ward begraven in der affgrund der hellen, wente in dem vege-vure hedde se gerne, alse in erem vaderlande, gebleven. Averst dat was nu vor etliken Jahren uth . . . . . derohalven wanet se nu mit allen eren lißhebberinnen in der helle.

Alse nu ein E. R. samt den 64 van wegen der ganzen gemene alldus de ceremonien der kerken hedden heten stille liggen, weren se in allen kerken und klosteren stille und ghehorsam, allene in dem dom heleden se missen na alse vorn, wente ein Rath wolde endliken de domheren nicht vertornen. In sodanes anschndes weren de leven domheren by einem E. R., dat se lever Gott sulvest, alse de ungelehrden papen vertornen wolden. Idt darf ne-

mand gedenken, dat idt so frame effte gelehrde lude weren, dewile idt ungelehrde, horenjäger unde cortisanen weren. Awerst se hedden domproven und vele lene tho vergeven, der of etlike borgermeister und rathlude kinder allrede vorlenet weren und vele ere kinder und vrunde leveden in den haven, wo of de ervarenheit betüget, wente so vroh ein Rath na affgange der 64 wedder in ere vullkamene regiment gekamen, geven se den papen alle ere herelichkeit wedder und alsobalde de papen Her Jochim Gerken broder und sinem steffohne, welker tho Lubecke enen schendlichen dodtschlag gedan hefft, jewelken ein domprove vorleneden, worut und velen andern stücken men wohl merken kann, worumme de Rath so harde mit den papen geholden hefft. Todoch wat de lude nicht don wolden, dat dede Gott, welk in duffer stadt des duwels kram nicht liden wolde, wie volget.

Also, wo haven geseht, helden de papen in dem dome missen na alse vor. Idt begaff sik averst des sonnavendes nechstfolgende, welk was de dach visitationis Mariae, d. 2. Juli, dat de papen sik sunderlik frolik makeden in dem dome mit singen und klingen. In allen andern kerken ward geprediget Gades wort, averst dar ward nergend dat sacrament gereket, denn allene tho St. Tillien.

Also nu de predike ut weren in den kerspellerken unde suß nichtes mehr dar tho donde was, gieng dat volk spasseren, ein deel na dem markede, ein deel na dem dome. Ut der orsake, so idt so drade in den anderen kerken uth quam, befruchtete [befürchtete] sick des rades hovetmann, Frederik van dem Berder, dat wor etlike tho dem dome mochten ein rumor anrichten, derohalven he na dem dome gieng, der sake acht tho heben. Also he averst in dem dome quam und sach, dat

vor allen altaren misse waß und de papen siß in dem fore frohlich makeden, mehr denn se suß plegen, frech de hovetmann ein misdünkent, dat vel'hte, wenn de borge na quemen ut den andern kerken, mochten se dorch sodane ropent wor tho vororsaket werden, dat den papen nicht wohl bekamen mochte. Deme vorthokamen tratt de hovetmann in dat chor und sede hemliken dem succentori an, dat he dat ropent wolde ein wenig minner maken. Dewile also de hovetmann mit dem succentori redede, sach siß de domhere umme, de de misse hadde und wart des hovetmanns en war, wuste averst nicht, wat he handelde. Bort kumpt em ene frucht [Furcht] in und lopt van dem altare, de diafen und Subdiafen em na. Do de succentor sach, dat de domhere van dem altare leep, wuste he nicht, wat tidinghe he gefregen hedde, darumme he idt vorlep, frech of enen vruchten und schweg glatt stille und leep mit sinen jungen na der schole. De domheren und andere papen, de in den stolen stunden, segen dat de pape en van dem altare leep, item den hovetmann und dat de succentor so plöghlich stille schweg, wusten nicht, wat dar tho donde waß, vorschreckeden siß so sehre, dat er ein part beswimeden und ein jeder socht ein gatt.

Also nu de succentor so endigen [plöghlich] stille schweg und de papen so begunden tho lopen, rugede dat volk up in der kerken, welk da weren, um misse tho horen; dewile nergen misse ward gehalten und jedermann quam eine frucht an. De papen averst, de vor den altaren stunden und misse heleden, do se seghen und horeden, dat dat volk so rugeden, wusten se of nicht wat dar tho donde waß und quam aver se Gades plage, dar he drouwet den gottlosen, dat he siß schole vruchten vor einem ruffende blatt. (3. Mos. 26, 36.)

So gieng idt den heillosen papen. Wente wowohl etlike de missen ersten angehaven, etlike half ut, etlike schier heel ut hedden, was dar doch anders nichts, alse lopen, de beste rath, dat etlike, de dat erste part des sacraments gheconsecreret und upgeholden, so lange nicht beiden [warten] dorsten, dat se den feldch consecrereden, sunder sopen idt so ut und gelopen van dem altar, dat erer nicht en was, de sine misse thom ende dorste utmaken, noch was nemand, de se jagede. Se konden of dussen ludigen dach nicht bewisen, dat en jemant wat sede effte dede, sondern dat de weldige [gewaltige] hand Gades aver se quam und se mit vruchten schlog.

Ut dussen stücke kann ein jeder wohl merken, dat wenn de papen in erer consciencie [in ihrer Ueberzeugung] gewis weren, dat de misse so ein herrlik und gottlik dink were, we se den luden frot maken, dar wer jo en gefunden, de idt darup gewaget hedde und de misse uthgemaket, scholde idt em of dat levent gekostet hebben.

Alldus vorlepen de papen in dem dome sulvest up dussen dag de missen uth Gades verhengnisse und mosten of davor stille holden. Alse nu alldus der papen fram gestortet und se er dink mit godeliker schrift nicht vorbidden konden, nehmen se eres vaders des duvels sin harnisck an, logen und schande tho erdichten wedder dat evangelium und de idt lereden, welke, wo grouwlick und vele se des makeden, alle tho schriben, wolde vele tho lang werden; jedoch konden se idt so groff nicht maken und so vele nicht erdenken, — de in dem rade seten, horden idt gerne und loveden idt alle. Etlike van den papen und domheren thogen uth der stadt na Uthyn [Eutin] tho dem Bisschoppe und leten sich horen, dat

se den holsten wolden des kapittels goder tho handen bringen.

Derohalven de 64 d. 15. Julii dorch de 8 leten einem E. R. ansseggen, dat ein Rath dartho trachtete: „dat des bisschoppes landgut samt dem slate lthhin nicht in der Holsten hende quemen, nicht dat men den bisschopp verjagen scholde. Item: dat ein E. R. der papen memorien boke, segel und breve wolde an sich bringen, up de mede de papen sodaneß nicht van affhenden brochten. Item: vorsehn, dat de papen den hovetstoel nicht uthlofeden, effte de guder vorkofften, we etlike allrede den Holsten ere dorper vorkofft hedden. Item: dat ein E. R. wolde doch rath vinden, dat me wat geldes mochte thor hand kriegen, dat men den predicanten geve, de suß hende und vote nicht eten konden. Vorhenne hedde men in ider kerke wohl 5 effte 6 papen konnen voden, nu kann men nicht 6 effte 7 voden.

Hierup leet de Rath dorch Hern Cort Wibbeking und Hern Hinrik Castorp den borgeren ein sehr spottiß antwort geven, darinne men nicht merken konde, denn dat ein Rath up de borger vorbittert unde den papen by dem dome van ganzen herten vorwant weren und wohl liden konden, dat alle predicanten, de Gades wort predigen, an enem bome hangeden. Her Cort Wibbeking was gebaren ut Westfalen, den ein Rath plach tho bruken, wenn se knechte besolden scholden. \*) Manß andern worden leten siß duffe beyden Heren horen, dat se Jürgen Bullenwever, enen van den 64, de borgerschop nicht vergunden wolden, angesehen dat ener, Jürgen Belth, ene schulden hadde. Duffe heren leten siß of horen, dat Jürgen Bullenwever in des Rades strafe gefallen were, wente he hedde borger

\*) Dieser Satz fehlt in der Handschrift B.



neringe [Nahrung] gedan; so wohl als Andreas Swarte, derohalven scholde he of liff em böten vor dem rade.

Vele andere worde, de des dages duffe beiden Herren und de borger under ander messelden, vorbitterden de sake nicht wenig in beyden parten, wente, manß andern worten, leten siß de Herren of horen, als heßden de 64 erer ede und geloffte vergeten. Thom latesten geven de borger duffen twe heren thor antwort, dat als morgen ein ganz rath by en wolde syn, alsdenne wolden de 64 eine antwort geven.

Do de borger alldus dorch vele unbescheidenheit duffer heren so vorgrellet weren, sloten se under siß, dat se einmal der gemene artikel wolden vornehmen unde mit ernste vorvorderen, se seghen doch wohl, dat wo se gelimplicher voren mit dem rade, je unglimplicher men en natrachtede. Darum foren se 12 ut siß, de der gemene artikel up dat ordentlikste vorvaten scholden und sind duffe:

„Thom ersten: dewile eine ganze gemene heßßt gestaten und ein E. R. belevet, dat men alle sulversmede in kerken und klosteren soll beschriuen und bewahren, darup hebben de 64 van wegen der gemene beslaten, dat men erstes dages dat sulversmede, welk in kerken und klosteren beschreven und vorhanden ist, schall in ener ideren garvekamer der 4 kaspelkerken in einer kisten bewaret werden und daraff einem E. R. enen slotel handreken, de ander schall den 64 bliven. Wes averst in den klosteren und anderen kerken ist, schal men in Marien kerken in der garvekamer bewaren.“

„Item: wat van sulversmede, dat in Gades ehre gegeben ist, idt sy by Bergesfahrer, effte ander nacie, gestlick effte weltlick inhebbender wer ist, darmede mag

(6\*)

idt widervaren, wo des ein E. R. mit den 64 effte der gemente kann aver en famen. "

"Item: so of ein E. R. dorch Hern Cort Wibeking und Hern Hinrik Carstorp den 64 hefft ansetzen laten, dat ein E. R. nichts ein weet, womit men de predicanthen vorsorgen mochte, also wohl billig egede [sich zeige], darup de 64 van wegen der gemene hebben belevet, dat men na nothdroft dusses handels deme artikel nakame, also de gemene ersten dem Rade avergeben hefft und den 64 uththorichten bevalen, dat men vorstender effte karlswaren tho allen klosteren, kerken, S. Jürgen und dem hilligen Geste setten und vorordnen scholde, umme ene Gadeskisten in den kerken vor de armot und den kerkendeners upthorichten und desulvigen tho vorsorgen. "

"Vorder hebben de 64 uth vorderinghe der gemene beflaten, dat men erstes dages twe borger na Wittenberge, effte wor men enen rechten gelehrden man averfamen kann, henne schicken schall, umme densulvigen hierher tho Lubeke tho vorderende, up dat desulvige hier eine christlike ordeninge moge anrichten, damede wy vor Gade und iderman bestan konen. — Der andern artikel halven, so uns van der gemene bevalen, dersulvigen holde wy uns tho bequemer tidt unvorsümet. "

"Item: nademe Her Cort den 64 van etliken, de nicht borger sind, horen laten hefft, densulvigen ist angesetzt, dat se ersten dages schölen borger werden; hefft denn ein E. R. effte jemand wes up se tho seggen binnen effte buten, den schölen se antworten und dohn en, wat recht ist. "

Als nu dusse artikel dem rade schriftlich averantwortet, vullborde ein E. R. in dem ersten artikel van dem sulversmede, averst in den andern maken se sich tho sofen. Do treden de 64 vor den Rath und leten dem

Rade ansetzen: „de 64 wolden enem E. R. vor ere Heren gerne bekennen, wolden se se men vor ere Knechte bekennen, averst indeme ein Rath alle tidt den dingen de Gades wort belangen und in den dinghen de doch ehrlik weren, ja in den ummeliggeden steden lange in dem gebruke weren, stedes tho sofen makede, und de borger jo lenger jo mehr van erem arbeide helden, dat se vaken [oft] tho rathhuse kamen mosten und doch nichtes beschaffen konden by einem E. R.; so begehreden dusse 64 nu eins vor alle, hier van effte hier tho. Wente nademmale de gemene en artikel hedde upgelecht tho vorvorderen, so ein E. R. wohl weet, derohalven wolde ein E. R. de vorschrevenen artikel der gemene samtllich mit vruntshoop inrumen, dar wolden dusse borgher umme ghebeden hebben, wolden se idt averst nicht inrumen, alsdenn mochten se de gemene vorbaden laten, wolden de dar wat inne nageven, konden de 64 wohl liden.“

Na velen reden und wedderreden gaff de borgermeister thor antwort: „ein E. R. hedde dre litmate des Rades dartho gekaren, de scholden mit den deputerden der 64 darup handelen.“ Dussen dach protestereden of de 64 vor dem Rade, idt gienge mit dem rykesdage uth, wo idt fonde, se wolden by Gades Wort bliven und dar lief und leven darby upsetten, of ere predicanten nicht eher tho vorlaten, de papen hedden se ersten mit Gades Worte avergewunnen.

Den 18. im Julio handelden de dre radesheren mit den deputerden van dem artikel, vorstender tho lesen by allen kerken und klosteren, und wowohl dusse heren vele darinne bewogen [erinnerten], nehmlif, dat sulck eine vornyeringhe wolde reken thor merklifor vorfkeninge eines E. R. wente, wenn idt in anderen steden ruchtig wurde, so wolde iderman denken, effte ein Rath nicht uprichtig

gehandelt hedde, jedoch vullborden de heren, dat men in allen kerken vorstender lesen scholde.

Dusse heren geven of fragesweise mank andern handelen vor: „wo idt doch keme, dat de borger doch einem E. R. so enen kleinen geloven geven?“

Darup ward geantwortet: de schult were by einem E. R. Wente men seghe idt apenbar, dat men idt mit nenem wege darhen bringen konde, dat de Rath de sake des Evangelii mit ernste menen wolde, sunder alle tidt darwedder handelden und deden, wat se konden; woll of dem Evangelio ghewandt were, den vorvolgeden se, wor se men konden; woll averst legen, schenden und hōnen konde, dat weren de leven kinder. Dit hedde ein Rath van anbeginn so geholden und men sporede noch hüdiges dages of nictes anders, wente, wenn ein E. R. de 48, de da gefaren weren geldartifel tho maken, nicht mit quade gemenet und se umme ere, lief und gut tho bringen nicht gesinnet gewesen, so hedden se Hans Henninges quarter nicht vorbaden laten, ut supra. Item: dat ein E. R. den 48 sede, wo se van der ketterie enen artifel makeden, so dar wat ut entstunde :c. Item: hedde do ein E. R. den 48 geloven geven und dem artifel ene mate gestellt, we de 48 gerne gesehen hedden, so were idt tho duffer velvoldiger möye nicht gefamen.“

„Thom anderen: wenn ein E. R. enen guden grunt tho den verordneten borgern gedragen hedden, so hedden se de worde Hern Johan Stoltervotes so harde nicht angenamen, ut supra. Wente, wat do ein E. R. den vorordneten gerne gegunnet, were am dage.“

„Thom drudden: wat grundes ein E. R. tho den 64 hefft, lett sik wohl sehen in dem Handel Tilemanns und Schepeler,“ supra.

"Thom veerden: Her Eort Wibbeking, wo de sik gestellet hebde up der wedekamer jegen Marten Trappe."

"Thom vöfsten: so hefft de markvaget of nicht enerley wordt ghehad, of nicht, da he na der roden eggen gefraget ward up den dach Petri und Pauli," *supra*.

"Thom soften: der negesten nacht Petri, do de gemene den ganzen dach up dem rathhuse gewesen was, worden up beiden thornen tho unser leven frouwen baven under den tinnappeln ene bluse [Fackel] uthgestecken in middernacht und lenger alse eine stunde lang dar gewesen; wor schall men dat henne duden?"

"Thom sövenden: ist mehr alse einmal dat slott vor dem borchdore apengevunden van der Wacht."

"Thom achten: hefft sich ein edelmann horen laten jegen unser borger enen, wo he mit 400 Perden van dem Rade sy angenamen."

"Thom negeden: begiff idt sich in der wahrheit, dat Johann Krevet tho Mollen alle Mollnsche borger und der stadt Lubecke buren sich up dat nye hefft sweren laten und se vormanet, dat se de lutthersche lehre nicht annehmen und mit erer wehre bereit tho syn, wenn me ene thosecht."

"Ut düssen allen kann juwe ersamheit wohl merken, dat sulc ein ungelove, alse dem E. R. thogemeten ward, nicht ut den borgeren, sonderu ut einem E. R. herkampt."

Hierup wart geantwordet: men scholde de dinge nu varen laten, samtlük in ener fulen begraven; wat geschehen were, dat scholde vorgeven unde vorgeten syn. Item: idt gingen of den dach düsse heren in, ut bevelh des Rades, dat men 2 borger na enem gelehrden mann schicken scholde, wor men den averkamen konde. — We-

wohl de rath und de 64 des artikels einß weren, dat men van borgeren farkswaren kessen scholde, konden se doch so balde des kares halven sich nicht verdregen; wente de rath wolde se kessen, of wolden de 64 sich den fark nicht nehmen laten. Thom latesten ward idt so geslaten, dat ein E. R. 16 und de 64 of 16 scholden kessen; all-  
duß wurden van junkern, kopluden und amten de farkswaren ghefaren up behag des E. R.

Als dusse nu gefaren weren, ward en ein edt vor-  
gestellt van einem E. R. und den 64; welken also se gedan hedden, leten se wedderumme ene schrift lesen vor dem Rade, welk se beramet und was de meninge, wat er amt wesen scholde, item: dat se alle jahr rekenschop wolden don einem E. R. Dusse schrift vorgunde ein E. R., dat se in dat stadboeck mochte geschreven werden und men vindt se in an. 30 up Jacobi und geit so an in dem stadthofe: Tho weten ic.

Up desulvige tidt weren of gefaren 2 borger, koplude, mit namen Jacob Crappe und Johann van Achelen, dat se scholden reisen na Außborch, effte na Wittenberg, wo se Hertich Hans van Nissen konden vinden, umme enen gelehrden mann tho halen und were idt möglich, dat se Martinum Lutter konden bringen, dat segen se up dem levesten, hier tho Lubeke eine christlike ordeninge tho maken.

Dit sind fast de Acta der verordneten borgher van der tidt an, dat de 48 ghefaren weren, welk ic umme des willen so vlitich geschreven, dat dorch dusse lude Gott, als dorch middel, sin wort in dusse stadt ghegheven und vortghesettet hefft.

Wat averst nu in dageliken handeln merckliche dinge, de of vaken nicht sehr wichtig sind, belanghet, werde ick so nouwe [so genau] nicht antefenen; allene de stücke, de wichtig und namals nodig to weten, will ick antögen.

Des Sondages vor Assumptionis Mariae, welf was de 14. im August (1530), wart eine versamelinge etliker borger tho Lubeke up dem markede und handelnden under einander, wo men mochte vorkamen, wente men sege, dat ein Rath nergen tho wolde, sunder alle de wichtigsten artikel, de de 64 van wegen der gemene dem Rade androgen, worden up vorthogerunge gelecht und men spande alle tidt achter an, so lange men fonde und mochte. Wente, wowohl ein Rath de erwelinge der vorstender hedde belevet und confirmert, leten se idt doch so stan und niemand vorede se in, niemand averantwortet en wat, de olden bleven allikewohl in dem regimente und hedden eren spott damit. Item vele papen hedden ere felfe by de Radespersonen ghebracht, desulvigen wolden se nicht van sik don. Item im dome wurden missen hemeliken, item tho Venien, tho Megedebeke, \*) in dem convente by St. Tillien &c. Sunderliken halp hier sehr tho, dat dorch vorvorderinge der 64 ein E. R. tho Travemunde geschreven, dat de monneke, welf dar de kerken inne hadden, sich van dar maken scholden und den predicanten, de darhen verschaffet was, den scholde de vaget inföhren, dat he Gades Wort scholde predigen. Als dit de Rath na Travemunde schreef, quam des avendes ein breef tho Lubeke, darin D. Brömse schreef, dat Kais. Maj. hedde gebaden,

\*) Eine Kapelle zu Rothebeck.

dat alle ding scholde up dat olde gehalten werden. Up düssen breef schreeff ylende ein Rath na Trave-  
munde an den vaget, dat he nenerley wyse den nyen  
predicanten thostan scholde ꝛ. Ut düssen stücken was  
schynbarlich, dat ein Rath nichts leverē, denn vordelginge  
des Evangelii ghesehen hedde und allent, wat se deden, schwach  
ane eren dank. Ut duffer orsake was eine gemene sehr  
vorbittert, jedoch enthelden se sich, dat se niemand nichts  
deden, sondern besloten, dat se an dem kumpftigen ding-  
tedage wolden wedder tho hope kamen.

Dit kreg ein Rath tho weten, derohalven senden se  
etliken ut den 64 baden na der vesper in Marien kerken  
und geven en vor van duffer thohopekumpft der borger  
und vrageden na der orsake, begereden of, dat de 64 am  
dingtedage morgen mochten by en syn, weren denn welke  
twistinge saken, darfulvest wolde ein Rath insenhen mit  
den 64, alse idt best syn wolde. Alldus vorblef idt, dat  
de gemene nicht wedder up dat markt by en quam.

Alse nu de 64 dem Rade anteken leten in den ar-  
tikeln de orsake, warum de gemene vorbittert, alse ba-  
ven berort, gieng ein Rath ynne, dat den nyen kerckswa-  
ren scholde rekenshop geschehn. Item vorseden sik of,  
dat de Wisse in dem dome, tho Genin ꝛ. scholden na-  
bliven.

Van dem Mandate. Anno 1530 den 10.  
Octobr. leet de Rath vorbaden etlike van den 64 bin-  
nen beslatenen doren und sede en an, dat se der me-  
ninghe halven vorbadet weren, dat dar van Kaiserliker  
Majestaet weren breve gekamen an de 64 of an de veer  
grote amter, desulvigen scholden se horen lesen. De bor-  
ger antworten: dewile de breve an de 64 und de 4  
ampfte geschreven weren, mochte of dat velichte in sich  
holden, dar der ganzen gemene an gelegen were, so dorf-



ten se sich nicht vordrösten, ane weten und willen der andern borger van den 64 de breve lesen tho laten. Hierup antworde de borgermeister, idt were an behalent und de schriver flug vort hof an tho lesen und de borger konden kuhn wehren, dat de schriver wolde sin lesen laten und giengen duffe borger alldus van dem Rade.

Duffe handelinge makede echters bitter blot und grot vordenkent gegen einem E. R. Wente jedermann dudede idt darhen, dat ein Rath sodanes vorvordert, effte jo ein wohlgefallen daran hedde, dat idt vorvordert were, dewile se so ileden mit dem lesen dorch den schriver, derohalven idt seltsam in der stadt gedudet.

Des andern dages, welcher was de 11. October, giengen de 64 vor dem Rade und leten en dorch Harmen Huttenbarch anseggen, nademmale der Mandate, van Kais. Maj. ghesandt, mehr syn, denn ein, so willen de 64 dat eher nicht lesen hören, idt sy denn de gemene vorbadet, dat de mandate thogelike lesen worden up einen dach. Do sich ein E. R. hierup bespreken wolden, giengen de 64 wedder baven und wolden sich in der hörkamer nicht besluten laten.

Do sende ein E. R. twe Radesheren, Her Godert van Hovelen und Her Tönnies van Stiten, an de 64 mit duffen bevele: "Ein E. R. begehrede, dat de 64 dat mandat lesen laten, dat an se belangende; ein E. R. menede idt nicht quat darmede, hierumme hedden duffe twe heren dat original by sich. Ein E. R. wolde up datfulvige mandat mit den 64 handeln, alse idt wolde nütte syn vor duffe gude stadt." Dewile averst de 64 vele dar anne bewogen, wente dar was nene love [kein Glaube] an beyden parten, geven se den twe heren thor antwort, dat se dat mandat nicht willen lesen hören, ehr de ganze gemene van einem E. R. vorbadet sy;

were idt of, dat de gemene fuß tho hope quemen und wes ungenogtes anrichten, so willen de 64 protestation wyse hiervan entschuldiget syn. Item de 64 beden, dat dusse heren dem E. R. wolden anseggen, de 64 wolden dewile de doren und porten so waren laten, alse idt wolde nutte syn vor dusse gude stadt.

De heren quemen ander werve wedder an de 64 und seden en an van wegen des Rades: „Ehr de gemene scholde by en kamen, so wolden ein Rath lever de Mandate by sich dal leggen und dem artikel volgen, so ein E. R. mit der gemene bewilliget hefft, nemliken, so de rykesdag mit uneinicheit van einander gienge, alsdenn wolden sich de van Lubcke den rykessteden und eren nabern liefförmig holden.“ Also dit de heren gesecht hedden, giengen se wedder hennuth.

Dewile nu de 64 sich hierup bespraken, quemen etlike ut der gemene well den 64 anseden, dat de 64 nicht sich allene scholden dat mandat lesen laten, wolden of de Rath de gemene nicht vorbaden laten, so wolden se doch by en kamen. Derohalven de 64 den heren anseden, se wolden by eren ersten slate bliven, bidden derohalven, dat de rath jegen morgen de gemene will vorbaden laten, wenn wo nicht, worden se doch tho hope kamen. Do nu de heren wedder na dem rathstole giengen, ward densulvigen ut der gemene thor antwort gegeben, van den 64 konde idt syn, dat se so van sich sulvest nicht thohope quemen, wolde effte solde idt syn, dat se denne vor allen dingen ein truwe upsehend up de doren und porten hedden. — Hierut entstund so vele, dat sich etlike borger verordende vor alle dore, well of de nacht aver de dore wareden, bet an den lichten dach.

De beiden heren quemen noch tho dem drudden mal wedder an de 64 und seden: Ein E. R. hefft dusse

sake in alle winkel geleget, kannt nergen finden, nutte tho syn, de gemene tho vorbaden, derohalven bidde ein E. R., dat men dat eine kleine tydt wolde stan laten, of dat doch de 64 wolden mit der vorbadinge sik nicht bekümmern.

Up dut anbringent der heren antworten de 64: de gemene werde morgen thohope kamen, wolde se ein Rath nicht vorbaden laten, so wurden se sich sulvest mit 2 trummen [Trommeln] vorbaden laten; wortho dat gedyen wolde, geven de 64 einem E. R. tho bedenken, wente idt was mit dem Mandat tho ruchtich geworden.

Dusse twe heren quemen noch thom veerden male an de 64 und seden, dat doch de 64 einem E. R. wolden thobeden [benachrichtigen], wo idt de 64 vor gut anseghen und vor nutte erkennen, dat men de gemene vorbadede effte nicht? Hierup antworten de 64: dar idt ein E. R. vor nutte ansege, so sehen idt de 64 mit dem Rade vor gut an. — De heren beden of de 64, dat se also in de sake wolden sehn, dat idt mit einem E. R. simpelich thoginge. De 64 geven thor antwort: dat se allen mogeliken vlit tho handhavinge des E. R. wolden vorwenden.

Dessulvigen dages leet ein E. R. am avende dorch de hufdeners de borger vorbaden, jedoch sehr dunne und de se allene hebben wolden.

Des middewekens, welk was de 12. Decobris, quem de gemene tho rathhuf tho acht slegen, averst do se merkten, dat nicht alle, naber by naber, was vorbadet, moste ein Rath up dat nye ere dener uthsenden und laten naber by naber vorbaden. Do quam des volkes so vele, dat nemand sodanen hupen borger by en gesehen hedde.

Als de gemene vor dem Rath quam, gaff de borgermeister vor, dat van Kais. Maj. Mandate und breve gekamen weren, etlike an den Rath, etlike an de 64 belangende, etlike an de gemene, etlike an sunderge nation, Bergesfahrer, Novogrod'sfahrer, Schonenfahrer, of an de veer grote amten tho Lubcke.

Als nu dat Mandat, welk an den Rath geschreven, gelesen ward, was idt ein monitorium, de andern weren of fast alle dessulven inholdeß. De rechte status, effte princip der meninge aller mandatorum was, dat men de angenamene, schedlike, vervörrerische, lutthersche lehre verlaten scholde — also nomeden se dat hillige evangelium Jesu Christi, unsers seligmakers. Averst ein ides Mandat hedde wat anhanges, wente in des rades was dit daran gehenget: dar de borger nicht wolden gehorsam syn in duffein gevalle einem E. R., de lutthersche lehre wedder tho verlaten, alsdenn scholde ein Rath duffe vorsten [Fürsten] tho hulpe nehmen als schußheren; nemliken den bischopp van Bremen, den bischopp van Lubcke, den Hertoch van Sassen, den Marggraven van Brunswik.

Do dit gelesen was, ward einem E. R. entjegen geropen ut der gemene mit mennigen heten und brennenden [brennenden] worden, wente idt dede der gemene weh, dat dat scholde ehr lohn syn davor, dat se so vaken lyff und gut gewaget, dat duffe stadt by dem Römischen ryke mochte bliven, dat men denne andere vorsten scholde innehalen, de mit den borgeren scholden handeln, wo idt en belevede. De borgermeister averst gaff thor antwort: idt hedde so grot nicht up sich, men konde solchen dingen wohl vorkamen.

In dem anderen mandate, welk an de gemene ludde, was dit mede angehangen under dem principal

statu, wo sîck etliche binnen Lübeck tho hope geswaren hedden, um de Luthersche lehre tho handhaven, wo desulvigen am dage Petri und Pauli hebben geeschet de stotel der dore der stadt, wo sîck de 64 hebben upgeworpen und wo desulvest alle gottlike hillige ampte der Christlichen religion dalgelecht und in de stede Lutthersche dinge wedder angerichtet syn und dat alles ane vullbord des Rades. Item: de 64 sollen binnen dre dagen van erem egen vorgeamen Namen, de 64, und erem officio affstan by pene [bei Strafe] hundert mark lodiges goldes.

Do nu dit mandat gelesen was, misdachte idt dem borgermeister, wente dat mandat was tho plump ghemaekt. Derohalven grep de borgermeister de vorflage, seggedde: „Guden vründe, dar hore gy wohl, dat de dat mandat ghevordert hefft, tho with Kais. Maj. hefft an ghebracht und hefft des dinges neen recht verstand gehatt, hierumme steit dar wohl ein gut mittel in tho vindende.“ Do de borgermeister gefraget wart: wohl dat mandat vorvordert und sodan logen upgebracht hedde? antworde he: „ick weet dar, wet idt Gott, nicht umme!“ Do nu in der gemeine van Doctor Brömse, des borgermeisters broder, geropen wart, wente densulvigen hadde de ganze gemene in tichten, wente he toch na Augsburg in den Riksdag und was idt doch nicht bekannt und do dusse mandate quemen, makede he sîck thor stadt uth; of ward namals up der kemmerie gefunden, dat em den sommer aver weren 17 hundert *m℥* Lüb. gesandt van den heren der kemmerie; — de borgermeister averst entschuldigede sinen broder und sede apenbar, dat sin broder de Mandate nicht vorfordert hedde.

Hierna ward ein breef verlesen van Hartich Henrik van Brunswik, welkes innholt mank andern was dusse: „nademale de dom van Siner Gnaden geblot und

vorvaren gestiftet, stunde nicht up reden, dat de borger van Lubcke solden den Gadesdenst darfulvest, als missen, vigilien, selmissen den gestliken hinderen, wo geschehen; bede, dat men sich hierinne nicht mehr vergrepe." Hier steit nicht tho seggen, welf ein spitsf lachen van der ganzen gemene ward; do de schriver allduß vigilien und seelmissen nomeden vor einen Gadesdenst. Up dat averst ein E. R. de gemene van dem radeßstole quit worde, begerede de borgermeister, dat de gemene sich wolde hierup bespreken.

Alse nu de gemene sich haben mit den 64 bespraken hedden, quemen de 64 wedder vor dem Rade und dankeden aff, in gegenwerdicheit eines notarii, den se of requirereden, dat he disse protestation in ein instrumente stelledede. De notarius empfang arrham und requirerede testes; averst ein E. R. wolde de affdankinge nicht annehmen, sundern wolden, dat de 64 scholden bliven. Des protestereden de 64 averimal und begehreden aff tho syn. Ein E. R. averst begehrede, dat de 64 wolden in de horkamer gahn, up dat sich ein E. R. mochte bespreken.

Dewile alse dit de 64 mit dem Rade handelnden, weren de gemene haben und weren aver de maten vorbittert, makeden of artikel und anslege, de wahrlik dem Rade tho neuen gedyen wolde gerekent hebben, wenn de 64 nicht hedden vorwehret.

Alse nu de 64 in der horkamer weren, sende ein E. R. Hern Cort van Riden tho en in de horkamer, welfer bat, dat se den beiden oldesten borgermeistern, welf ein Rath wolde tho en senden, wolden gehor geven und loven stellen. Alse nu de beiden borgermeister, Her Nicolaus Brömse und Doctor Packebusch tho den 64 in de horkamer quemen, beden se up dat

aller flitigste: „dat doch de 64 by erwehlinge bliven wolden, dar se de ganze gemene, de se gefaren hedde, vor kande, und ein E. R., de se confirmeret hedde, wolde se dar of gerne vor kennen; wente wenn nu de 64 van erem officio treden wolden, datfulvige wurde tho einem ewigen vordarve lopen duffer guden stadt. Derohalven bedede und begehrede ein E. R., dat de 64 als de verständigsten borgher hier wolden mede inne sehen, als idt nutte were vor duffe gude stadt.“\*) Duffe worde horede de Notarius M. Hinrich Koter, of de twe tügen Hinrik Schelkingk und Heyne Muß\*\*) mede an.

Wowohl vele der 64 weren, denen idt welch dede, dat se vor ere vele moye van dem rade so scholden gemenet werden, hier unnode [ungern] inne vullborden wolden und geven of den heren so vele thor antwort, darut se wohl verstan konden, dat se idt beter wußten: dennoch, dewile se wußten, dat de gemene nicht tho stüren stunde, sundern ein grot uplopp entstan mochte, leten se siß dorch duffe beiden heren averreden und geven den heren thor antwort: „So ein E. R. de 64, dar idt stede hadde, vorantworten wolde, dat se de pene, in dem mandate bestimmet, mochten unbemöjet bliven, alsdenn leten idt de 64 gescheln, wolden of eren vlit vorwenden, den hupen tho stillen.“

Do nu dit geschehen, giengen de borgermeister weder tho rade und de 64 wedder haben und seden der gemene an, dat se ein Rath nicht vorlaten wolde.

De gemene hadde nu ein artikel geslaten, dat ein Rath wolde des andern dages froh Hern Tönnies van Stiten und Hern Godert van Hoveln des nege-

\*) Der letzte Satz fehlt in der Handschrift A.

\*\*) Die Namen der beiden Zeugen fehlen in der Handschrift B.

sten morgens, alse se vroest konden, na Mölln schicken, de stadt in tho nehmen und Johan Krevet van der vagedie tho entsetten, wente de gemene vorsach nichts gudeß tho diffen Krevet. Worohl dat ein Rath sich entschuldigede, alse dat Krevete Möllen 10 jahre were versogelt: noch denn versede sich ein E. R. „idt scholde so geschehn.“ Hier mede schedede de gemene dusses dages van dem huse und was de seyger des avendes 5 und en ward angefehcht, dat se scholden des andern dages wedder kamen und jeder scholde sinen naber mede bringen.

Des Donnerdages morgens (den 13. October) quam de gemene noch starker alse des vordages tho Rathhuse und weren alle doren und porten gesluten; do wurden de andern mandate gelesen, so an de nacen und amten geschreven weren.

Do nu de gemene wedder up dat Rathhuß baven quemen, foren se acht ut erem hupen und 8 ut den 64. Diffe 16 scholden etlike artikel, so de gemene by sich hedde, der of vele in dem talle weren und wolde vor etlike in der avericheit nicht gut gewesen syn, wenn se alle scholden gelick gegulden hebben, derohalven duffe 16 ut alle den 26 upsetten, de nödigest und dreschlichest weren und helden de der gemene vor und de gemene repen dar alle: „Ja!“ tho. Darna wurden duffe artikel einem E. R. angedragen, welk se of bevulborden und confirmieren. Allduß gieng ein E. R. und gemene tho huf und gieng de sake bet aff dorch Gades gnade, alse idt gevöget was und worden do alle dore wedder upgedan.

Manß duffen 26 artikeln weren etlike de papen belangende und sunderliken: effte men fonde tho weten friegen, woll de Mandate vervordert hedde? wente de papen worden nicht wenig darinede bedacht, derohalven van der gemene den 64 sunderlicheß ward in bevehl ge-



dan, mit de papen tho handeln. Wo averst dusse handel thogegahn, will ick nicht schreiben, dewile de papen gude worde vorgeven, der se nicht ein meneden, darumme will ick min papier mit der heillosen hüheler logen nicht besmeren.

(Van den hundert borgeren.) Den 22. Octobris ward ein E. R. mit den 64 eins, dewile idt moylick und besorglich ist, de gemene stede by en tho vorbaden, derohalven ist idt geraden, dat men hundert borger kесе, welke men, wenn idt jo van nöden ist, dat wichtige saken vorhanden syn, vorbade im namen der gemene. Do nu dusse dorch de 64 gefaren weren und enem E. R. presentert, confirmerede se en E. R.

Den 26. Octobris quemen wedder tho huse de beyden Legaten, Johann van Achten und Jacob Crappe und brachten mit sich den ehrwerdigen und hochgelehrden Heren Johan Bugenhagen vor einen Ordinator und Reformator, welcher fort des Sondages darna, welke was de 30. Octobris, in unser leven frauen kerken sine erste sermon dede.

De rothbrouwer weren in dussen dagen ovel thofreden mit den wittbrouvern, also makeden de wittbrouwer duren kop in dem korne, thogen of thosick de becker, welke of klageden, dat de wittbrouwer den weiten upkofften, den beckern tho vorsanghe; duffer sake halven hadden se enen hader angerichtet um trent [ungefähr um] Martini und worpen twier wittbrouwer knechte in de Traven. Hier entbaven makeden de rothbrumer ene vorsamelinghe den 14. Novembriß in Marien kerken, hedden of tho sik ghetagen de knaenhower und etliche ampte mehr, de of in eren frogen tho hope weren.

Also nu dusse handel den 64 fundt ward, giengen se mit den 100 vor den Rath und drogen en sodane

(7\*)

mothwillen an und begehreden, dat men de hovellude wolde strafen. Item: dat ein E. R. wolde sedelen maken laten des andern dages in allen kerken affthofkündigen, dat sich nemand na dussen vordriften scholde, rotten effte versamelinghe tho maken, sunder ein jeder schall sine klage einem E. R. und den verordneten borgern vordragen, wente de 64 seggen nu allehand, wenn sulke versamelinghe vaken geschege und jederman, ane strafe, na sinem willen tho hope loyen mochten, wes denn hierut endliken entstan wolde.

Hierup gaff ein E. R. thor antwort: dat, nademale in vortiden of dorch etlike versamelinghe ghemaket und nicht gestrafet syn; dat men idt denn dussen unme der willen vorgeven wolde; averst de sedelen affthofkündigen laten, seghe ein E. R. vor gut an und de 64 vullborden hierinne und schach of so.

Des middewekens vor Catharinen, welches was de 23. Novembris, quam tho Lübecke Her Jürgen Reventlov, ein ridder, geschickt an de 64 und was dut sin warff [Gewerbe]:

„Nademale etlike upror twisken einen E. R. und eren borgeren geweest und so se sulke twist nicht dal leggen konden, so erbode sich Kön. Berde van Dennemarken sich in egener person in de stadt tho vegen und sinen besten fliet vorthowenden, de twist dal tho leggen.“

„Thom andern: nademale Key. Majestaet velichte mochten walt vornehmen jegen de sake des evangelii, were denn de stadt Lubbecke, dewile se nu of dat evangelium in erer stadt hedden, mit Er. Königl. Berde tho jegenwehr tho verbunden geneget weren?“

Hierup ward Her Jürgen geantwortet: dat men Kön. Berde erbedendes hochlick bedanken were; men wuste averst van nener twist, effte upror, sunder men

bekennede einen E. R. vor eine geborliche avericheit. Van der verbundnisse will ein E. R. tho bequemer tidt schriftlich effte mündlick beantwortenden.

Desfulvigen dages fohr ein E. R. Her Gödert van Hovelen und Her Hinrik Eastorp und M. Berend Heinemann, den Protonotarium, dat se mit dem Doct. Poméranio [Johann Bugenhagen] schelden anfangen de ordinatie tho maken; dartho lesen de 64 veer ut sich darby, als: Harm Huttenbarch, Hans Meves, Jürgen Sengstacke, und Borchert Brede; dusse fohren noch veer tho sich, als Godeke Engelstede, Gert Oldenborch, Hans Sengstacke, Hinrik Steen. Dusse else hoven den hantdel an am dage Catharinen [den 25. November].

Anno 1531 am 14. Januarii bewilligede ein Rath tho Lubcke mit den 64, dat men ener junkfrouwen, welke wedder ut dem kloster gieng, wenn se sich in enen ehrliken ehstand begeve, thom Brutschatte scholde geven 200 *mß* van des klostere rente.

Am 17. Januari 1531 foren de koplude mank den 64 twe uth den amten, also Jochim Sandom und Borchert Brede; dusse beyde scholden van der ampte wegen vor den 64 dat wort voren. Desgeliken deden de ampte of und foren van den kopluden Harmen Huttenbarch und Jürgen Bullenweyer, de des kopmanns halven dat wort tho voren.

Umme dusse tidt, also nu Doctor Bugenhagen mit den byverordneten heren und borgeren arbeiden, eine ordenantie anthorichten: so was dessulvigen Doctors erste fliet, eine gude schole anthorichten, dar der stadt kinder in guder lehre mochten upgetagen werden, nicht dorch ungelehrde Baganten, wie in dem parvedome, sunder

dat men dartho vorschreue gelehrde menner und gesellen, de nicht in untucht und horerie, sunder in ehrliker ehe leveden; dar wolde averst gelt und of gelegentliche stede tho horen. Derohalven ward thor stede der schole St. Catharinen kloster, welk midden in der stadt gelegen, dartho vorsöget und nademe idt vele buwendes bedarfen wolde; dat men de locos [den Platz] vor de kinder und de habitacien [Wohnungen] vor de paedagogen [Lehrer] thorichtede, darumme geven de Testamentarien des Rappesulvers Testamentes, dat men van dem Testamente de buwete anrichten scholde. Item: nademmahlen datfulvige Testament gelt gemaket hefft, dat jaarlikes etlike gesellen thom studio holden scholen werden, derohalven laveden of de vorstenders dusses Testamentes, dat se veer jahr lang jaarlikes 300 m<sup>z</sup> geven tho erholdinge der scholgesellen. Thom latesten ward of verlaten, dat dat geld der Sengerkapellen scholde by de schole gelecht werden, averst idt kostede moye, eher idt so wit quam.

Anno 1531 den 24. Januarii was tho Lubeke des vorsten van Luneborch Kenzeler und droch an van wegen sineß heren den 64 und 100 borgeren, wo dat sineß geleyeden Heren begehrt wol were, dat de van Lubeke sich wolden mede in dat hillige Evangeliske vordunt geven. Datsulvige wowohl den borgeren dut wohl bevehl, konden se doch nen affscheet em geven, idt hadde ersten ein E. R. darinne vullbordet. Derohalven de 64 dem Rade datsulvige vordragen und wowohl ein E. R. int erste sich horen leet, dat se idt konden schen laten, bewogen se dar doch vele inne, darumme se lever hedden wolt, dat idt vorbleven were, entliken averst ward idt gevullbordet: dat wenn men loffliken schine sege, dat ander rykstede vorsegelt hedden, alsdenn wolde de stadt Lubeke dohn na erem vermogen und gelegenheit.

Umme duffe tidt gientgen de 64 und 100 vor den Rath und geven vor: dewile men seghe und sporede, dat men dagelikeß breve by der kemmerie up gelt utgere und de 64 eren grottesten vlit deden, dat se de breve uthloseden und de stadt uth der schult mochten bringen, averst ein Rath nehme noch dagelikeß mehr geld up; darumme wolde idt van noden syn, dat men de artikel, welk mank andern de gemene beleyet, do se latest tho hope weren, welk of ein E. R. bevulboret hedde, de alldus lude: „of will disse gemene, dat ein E. R. van eren officien und boringe den 64 klare und benoghastige besched dohn schall, dar de 64 mede thovreden syn und dat ein E. R. dartho denke, dat de kemmerie moge entlastet werden.“ — dewile men denne seghe, dat de sake ane bodden were, so wolde idt van noden syn, dat ein E. R. duffen artikel naqueme, up dat men sehen mochte, wor doch de gebreken by weren, dat men nicht uth der schult kamen kann.

Do nu ein E. R. dit anbringent in bedenken eine tidtlang genamen hedde, geven se den borgeren thor antwort (den 15. Febr.) alldus: Do nu ein E. R. na begheer der borger scholde reckenschop van eren officien dohn, dat wolde wide utsehen; wente dat men der stadt vorborgeheit wieder vorsprengen scholde, were jo neen rath; derohalven were ein E. R. begelhen, dat men dar so inseln wolde, als idt nutte wolde syn vor duffe gude stadt.

Hierup antworten de 64: Dewile ein E. R. de breve wedder upnehmen by der kemmerie, de by der fiſten worden uthgeloset; darumme begelhen duffe borger, dat ein E. R. van allen officien wolde reckenschop dohn, als ein E. R. vor der gemene vorantworten will.

Alse averst de 64 dut allduð dem Rade hedden vorgeven, fregen se vele in bedenken, wente se wußten wohl, dat ein E. R. den 64 endlichen kenen loven stelleden. Noch denne, dewile de noth idt vorderde, wente de gemene hadde idt den 64 in artikeln upgelecht, dartho hedden se ock gerne weten, wo vele der schult gewesen, darmede de stadt beladen was, jodoch hedde idt de meninge nicht, dat men sich an einen E. R. vorgripen edder vorunglimpen wolde, averst den loven stelleden men sich in beiden parten nicht. Ock befruchteten sich de 64, dat ein E. R. wickhafftig werden mochte, we an. 1408 schach, do ock de gemene reckenschop van dem Rade vorderden.

Dussen allen vorthofamen, giengen de 64 vor den Rad binnen beslatenen doren des sunnavendes vor groten vastelavende: *Esto mihi*, welk was de 18. Febr. (1531) und dregen einem E. R. an: Dat dusen borgeren im vrisken andechtinge [Gedächtniß] were, dat in fort-vorschenen dagen, do men etlike werve van wegen der gemene an einen E. R. tho dregen hadde, de ehrbar Here Borgermeister Her Nicolawes Brömse gesecht hedde: „wer men middel vorhanden were, wordorch men den ungeloven und bösen wahn byleggen fonde eßte, mochte, so me einem E. R. themete,“ und wowohl dat-sulvige up dat mal vor der hand nicht vorantwortet, so were idt doch van der tidt an in herzhgrundlichen bedenken genamen, nademe men jo nichtes leverdes begehrede. Wenna denn ein E. R. ernstlich mit wohlmeninge in guden grunde also gesinnet were, begehreden dusse borger, ein E. R. wolde apen [eröffnen] eren borgeren, tho wat mid- del ein E. R. gedacht hadde, solk eine enicheit tho averkamen.

Alse sich ein E. R. hierup hedde bespraken, geven se thor antwort, dat ein E. R. vor der hand hierup nicht

gedacht hedde, wolden averst welke personen des Rades vorordenen, welk mit den 64 sulken vorlasten [auf sich nehmen] scholden; wes denne van beyden siden drecklick, dat were ein Rath inthogande gesinnet.

Na besprekinge geven de 64 thor antwort: dat sodanes sich vele tho lange wolde verwilen, idt mochte ock sulc ene vorwilinge thor vrundschop nicht recken [gereichen], wente dar konde vele invallen; der sake averst stunde wohl einen funt thon finden, wenn ein E. R. mit ernste de sake wolde angripen; wente alle twist und mißgelove twisken einen E. R. und eren borgeren quemen nargen so sehr van her, als dat ein E. R. van ansange her bet in dusse stunde, dat men van Gades werde wes upgehaven und vort tho setten hefft vorge namen, dem werde Gades und wes densulvigen belangende, wormede ein Rath jummer funde, entgegen gestrevet hefft und stedes mit domheren, monneken und nunnen und papen gheholden, welk doch ein E. R. wohl weet, dat se jegen dat hillige wort Gades, welk ject geprediget ward, nicht ein wort der hillighen schrift upbringen konen. Wenn denn ein E. R. gerne horsame borger begehrede tho hebben und dat vrede und einicheit mochte wedder angerichtet werden, so were dit ein einig middel, dat ein E. R. de sake des godliken wordes mede antasten helpe, datsulvige mit ernste handhaven und vortsetzen.

Hierup mank anderen wesselworden gaff ein Rath ock dit thor antwort: se wolden idt jo gerne dohn, averst so vor der hand konde men jo nemant thom loven dwingen, bet so lange Gott gnade geve.

Na langer underredinghe leten de 64 dem Rade anseggen: also denn ein E. R. up enen middel gedacht, so hadden de 64 up behag eines E. R. einen vorschlag be- rahmet, wolde densulvigen ein E. R. horen. Also nu

sick ein E. R. bespraken, was ere antwort: ein E. R. sonde solk einen vorschlag, dar he drehlich were, wohl liden, dartho hedde idt of ein E. R. nicht böse gemenet bet her tho, wolde sick by erem ede, de se der stadt gedahn, wat billick were tho holden, wohl vorpflichtigen.

Do leten de 64 dem Rade anseggen dit middel: wenn sick ein E. R. vorseggen wolde by eren eden und ehren, dat se Gades wort und sine ehre willen helpen vortsetzen und handhaven und dat gemene beste helpen vorderen, alsdenne willen de 64 by eren eden, einem E. R. gedan, wedder vorseggen, dat dar by eines E. R. vorvaren effte dejennen, de nu tho rade seten, wes vorsehn effte vorsumet were, effte of, dat schon etlike vorsumenisse in der refenschop bevanden wurde, dewile de 64 van der gemene genodiget wurden — so einen E. R. wohl witlich — de refenschop tho vorderen, so scholen doch dejennen, de nu tho rade sitten, sodane vorsumenisse an lieve effte gude nicht entgelden.

Dusse vorschlag bevell [gefiel] einem E. R. nicht ovel, leten sick of hören, dat se sodanes by eren eden und ehren wohl vorseggen wolden. Aberst, do de borger begehreden tho mehrer tuchnisse der wahrheit und dat de gemene desto beteren thoversicht thom Rade mochte gewinnen, dat sodane eine thosage van beyden parten mit einer handtastinge [mit einem Handschlag] mogte bevestiget werden; darup gaff ein E. R. thor antwort: der handtastinge were jo nicht van noden, solkes wolde wide sehen, schinede, effte de ene den andern nenen loven gebe.

Darup antworten de borger: ja, leve heren, umme den loven is idt tho donde, dat wy sehen mochten, dat ein E. R. de sake eyns nit ernste menen wolde. Na velem underredende gaff ein E. R. thor antwort: alse men dorch sodane handstreckinge den geloven tho bevesten



sochte, alsdenne sodane handstreckinge van beyden siden geschehn mochte, were idt ein E. R. gesinnet.

Hierap foren de 64 ut sich Jürgen Bullenwerwer und Borchert Brede; de hundert foren ut sich Jochim Grammendorp und Hinrick Köhler, beyde Koplude; dusse veer scholden van wegen der hundert und 64 of der ganzen gemene de handtastinghe effte handtgeloffte vullenthehen mit dem E. R.

Alse nu dusse 4 borger tho den borgermeisterten binnen dem Rathstoele giengen, dar de borgermeister in ere stede seten und de borger vor en stunden, gaff de ene na dem anderen de hand mit dussen, worden, welf ein jeder sprach tho dem anderen: dat gy dat willen by juwer ehren und eden holden, alse juw Gott helpen schall, des gevet my juwe hand. De erste, deme de borger de hand geven, was Her Nicolawes Brömse, de twedte Doctor Packebusch, de drudde Her Harmen Plönnies, de verde Her Jochim Gerken. Awer dussen handel ward gehandelt van des morgens tho 7 bet de seiger 2 was up den namiddag und ein jeder gieng mit fremden tho huff.

Des andern dages, welf was de sonndag in dem vastelavende (d. 5. Mart. \*) 1531) wart in allen kerken verkundiget, Gade dank tho seggen vor sodane voreininghe twischen dem E. R. und den borgeren geschehen und ward de ganze stadt vorfrowet, dat sodan vordrag geschehen was.

An. 1531. umme trent Oculi (d. 12. Mart.) worden uthgesendet Her Tönnies van Stiten und Jakob Krappe und Hans van Elpen na Schmalkalden, dar vele vorsten und stede by en weren umme ere

---

\*) Dieses Datum steht in der Handschrift A. am Rande.

Evangeliske forbundnisse tho maken: effte jennig vorste effte stadt umme des Evangelio willen wurden avervalen, dat de anderen densulvigen scholden bystandt don. Dusse forbundnisse mede inthogande, worden dusse vorbenomeden legaten van Lubeke darfulvest of hingeschickt, wowohl ein E. R. sich lange darwedder gesettet hedde.

An. 1531 up Passen avende (den 8. April) froh, reden uth der Stadt Lubek twe der oldesten borgermeister Her Nicolawes Brömse und Her Harmen Plönnies und nehmen mit sich den Hovetmann Frederick van dem Werder und als se tho dem Schonenberge quemen, weren dar Hertich Albrecht van Meklenborch sine geschickeden, welke der beyden Heren thofumpst vormachten weren, mank welken ein was Doctor Kunzen, ein deken [Dekan] tho Ewerin, welke dusse heren nodigde mit em na Gadebusch tho riden tho Hertich Albrecht, de borgermeister averst sich weigerich makeden, do toch Doctor Kunzen ein Keyserlick Mandat uth dem busen, dorch welk de beyden heren requirerde, em na Gadebusch tho volgen. Also averst de hovetmann dut sach, frech he ein misdunkent und vruchrete sich, dat mochte wes anders under schulen und makede sich tho riden wegerich, derohalven de borgermeister em vorloveden, na Lubeke tho riden, und also de hovetmann den borgermeister fragede: effte he of wohl naseggen mochte, wat he gesehen und gehoret hedde, darup Her Nicolawes Brömse antworde: dat mochte he wohl don und sunderlichen van dem Kaiserlichen Mandato.

De hovetmann dorste dem vrede nicht geloven und sende enen borger baden tho sich ut der stadt tho kamen mit namen Meister Matz, ein Platenleger. Dussen vortellede he den handel und begerde, dat he ein geleide wolde warven und sine unschuld an de 64 vortellen.

Dot nu dut ruchtig ward in der stadt, ward jedermann vorschrocken und nemandt hedde sich des vorsehen, dewile eine vrede was upgericht twissen einem E. R. und borgeren, darumme nemandt wuste, wor men idt scholde henne duden. Derohalven de 64 und hundert borger leten sich under einander vorbaden und beschaffen of, dat alle dore gestaten und gewaret worden, sende of an de andern twe borgermeister, dat se van stunde an den Rath vorbaden leten und giengen samtlich vor den Rath und leten Jürgen Bullenwever vragen: effte de beiden borgermeistere mit weten und willen des rades weren uthgereiset?

Darup Doctor Packebusch ane ruggesprake antworde: dat dussen beiden borgermeistern, alse Doctor Packebusch und Her Jochim Gerken, van der andern beyden uthreisende nichts bewust ist, men allene, dat avendes spade hedde Her Nicolawes dussen beyden des Kaisers breve int huf gesendet und darbenevenst se huden in de kerke bescheden, se averst sin sulven uthgebleven, darna fede he: ein Rath wolde sich hierup bespreken.

Na besprekent des Rades gaff Doctor Packebusch thor antwort: dat ein E. R. solke tidinghe van eren borgermeistern nicht gerne horeden, se weren ane wetend und willen des Rades also affhendig geworden, ein Rath hedde en eck nichts uthworichten in bevelh gedan. Item: ein Rath, so noch thor se:ede syn, willen erem geloffte, so se mit hand und mund ghedan, genog don, dat derhalven of dem Rade dorch de borger geschehen mochte. Item: effte de anderen wolden erer ede und plichte vergeten, dat men dussen dat richt wolde geneten laten.

Na veleem underredinghe was dit dat affsched, dat de beyden borgermeister und Her Hinrich Karfring

up dem Rathhuse bliven scholden, bet dat de ganze gemene vorbadet wurde des andern dageß, se mochten averst sich bedde halen laten und was en belevede, wurden of borger thogefaren, de en de nacht aver selschop don scholden. Van den anderen Radesheren ward de hand genamen, dat se ut eren husen nicht ghan scholden, beth so lange se wedder tho rade vorbadet wurden, by vorlust lives und levendes und weren dusse heren, van welfen de hand genamen ward, Her Nicolaes Bardewick, Her Harmen Schütte, Her Gert van Lenten, Her David Divessen, Her Johann Stolttervoth, Her Hinrik Eastorp, Her Johann Lüneborg, Her Cort van Riden, item: Her Cord Wibbeking und Her Friße Gravert; dusse beiden weren krank, dat se doch nicht uthgiengen. Van den Secretarien ward of de hand genamen. Als dut geschehen was, vorschaffeden of de borger ene macht, de de nacht waken scholden.

Am Pasfedage gaff de gemene vullkamen macht den 64, tho handeln mit dem Rade it. wo uth der orsake der vorgeschlagen heren dat wart vorgenamen. \*)

Am Pasfedage (den 9. April) ward van allen predigtstolen vormanet, dat men Godt bidden scholde, dat he gnedich darin sehen wolde, dewile idt so ovel gesecht were und dat ein jeder tho eindracht und vrede, nicht thor upror raden wolde. Und quam also de ganze gemene up passfedach tho hope up dat rathhus, welf sich dar mit losften und handstreckinghe verbunden mit den 64 und 100 borgeren by Gades Wort tho bliven und tho sterven und dewile de 64 meneden der

---

\*) Dieser Satz, welcher in der Handschrift A. verschrieben seyn muß, fehlt in der Handschrift B.

sake beter kundtschop tho friegen, mosten de dre heren dusse andere nacht of noch up dem Rathhuse bliven.

Manck anderen handelinghen der gemene ward of den 64 und 100 up dat nye bevalen, van dem Rade rekenschop tho nehmen. Item: dat men tho Mollen an den vagt schicken scholde, dat he ein flitig upschent hedde tho Mollen.

Am mandage morgen in de Passen leten de 64 den Hovetmann der Stadt Lubeke vorbaden und frageden van em: wo sich de sake begeben hadde und was em darvan bewußt were?

Hierup gaff de hovetmann thor antwort, wo de borgermeister, Her Nicolawes Brömse am stillen frydage des avendes tho 9 den hovetmann van dem bedde hedde halen laten und van em begehret, dat he des andern dages mit em sulf ander wolde riden in swarten klederen, averst de hovetmann were in roden klederen gereden mit twe knechten, und Her Nicola-wes mit 2 knechten, thogekappet, achter ut sinem dorwege by den staven up und alse se buten quemen, volgedede de andere borgermeister, Her Harmen Plönnies mit enem knecht und sinem sohne. Idt reden of twe unbekante na dem Ackerhave, de averst by dusse andere underwegen nicht en quemen. Item: do de hovetmann by sinen eden gefraget ward, effte wes mehr de borgermeister sich hedde horen laten, bekennede he noch dartho, dat Her Nicolawes gesecht hedde secretswise: wo de 64 an de vorordneten borger tho Hamborch geschreven hedden, dat de tho Hamborch eren Rath scholden waren, se wolden tho Lubeke of so don und wolden denn also up bestimmede tidt also ein jeder sinen Rath antasten und datsulvige were datjenne, dat enen will uth Lubek jagen.

Dit lateste stücke vordarf de sake ganz, wente dewile de borger wußten, dat idt nicht wahr was, dat se sodaneß scholden geschreven hedden, konden se ock den ganzen handel thom besten nicht duden, sunder fregen des argwohns noch mehr, also dat idt nicht möglich were, dat de heren, de noch binnen der stadt weren, nicht scholden weten van der andern uththage und ansege.

Dat duffer beyden heren uttoch were nagebleven, were der stadt Lubekē vele dußend gulden werth gewesen, wente dewile de borger dorch de baven geschreven stücke vorbittert weren, ward dat vorgenommen und angegripen in vorniginge des regimentes, dat suß nummermehr were geschehen, wenn duffe heren weren in der stadt und in eren ampten gebleven, wente nademale in dem vastel-avende ein vordrach geschehen was, des sich de ganze stadt vorvrowede und nu Her Nicolawes ut der stadt getagen was, dem doch vor allen heren van den borgen und der gemene ghelove und truwe gestellet ward, konde men nu den anderen nichtes godes tho vertrauwen, wowohl denne iderman sich nicht noch vorwunderen konde, dat Her Nicolawes sodaneß ghedan hedde, dewile am dage, dat he van natur fram und frundlich was, wußte nicht, wat men sich tho den anderen vorsehen scholde. Idt kam of doch hernamals klarlich an dem dage, dat Her Harmen Plönnies en averredet hedde und en dartho gebracht, ut der stadt tho thehende.

Des dingdages in den paschen (den 11. April) quemen de 64 wedder tho hope up dat rathhuß und wowohl men nicht wußte, effte jemand van dußem uttage schuldig effte unschuldig was, dennoch seghen de borger nicht vor gut an, dat men lenger duffe gude stadt

ane rath lete, derohalven se vor gut erkenneneden, dat men de Radesheren, de in eren husen inngelecht weren, weder tho rathhuse vorbadet worden.

Alse nu under middeler tidt duffer vorbadinghe de 64 tho den dre heren, de in der horkamer in vorwarin- ghe seten ghegan weren, worden dar dre breve gelesen, welke van Hertoch Albert tho Mecklenborch und den twe wickhaftigen heren hergesendet weren. De erste bref was Hertich Albrechts, ein bref der vorderinge und of entschuldige, also wo Sine Gnade duffe beyden heren allene derohalven ut Lubeke gevordert ut bevehl Kaiser- liker Majestat, alse dewile duffe beide heren dat wort hedden. Duffe citationsbreef was geschreven in die Pal- marum und don an unse heren gheschicket.

De ander bref was ein apen ingelecht bref und was Hartich Albrechts Geleidebref, nemliken: dat se Sine Gunst thom Schonenberghe up sin geleide van we- gen Kaiserl. Majestaet afgeverdighet, beghrede derohalven, dat se jederman fry und velich [sicher] wolden passeren laten. Datum des Donredages na Palmarum.

De drudde bref was der beyden wickhaftigen heren ere entschuldunge, worumme se so stillschwigendes ut der stadt gethagen, nemliken: Thom ersten, wenn se mit einem E. R. effte mit den 64 citacie halven thorügge gespraken hedden, alsdenn hedde men se nicht reisen la- ten, welk en thom nadele wolde gerekent hebben, dewile se citert werden. Thom andern: wolden se des avendes heb- ben hier wedder binnen ghewesen, wenn se dorch gebot und horsam Kais. Maj. mandates wieder tho reisen nicht ge- vordert weren. Thom drudden: dat se derohalven Kais. Maj. Mandate gehorsam syn gewesen, up dat de stadt nicht in ungnade des Kaisers kame, wolden derohalven vor de nicht geachtet syn, de erer ehre und ede vorgeten

hedden. Thom verden: dat se by Kais. Majestät wolden der stadt privilegia vorvorderen.

Also nu de Rath were tho radhuse gekamen und in dem radstole seten und de 64 vor se quemen, en anthosseggen van den handeln, de nu etlike daghe geschehen, hoff ein E. R. ersten an vorthogeven, biddende: dewile ein Rath nenen loven by den borgeren hefft, wodorch ein Rath tho nenen gehore kamen kann, dat se des Rathstoles mochten enthaven syn und dat men welke andere fore, so geloven by den borgeren hebben.

Also sick de 64 und de 100 borger hierup bespraken hedden, leten se dorch Jürgen Wullenwever den Rath ansseggen, wo de borger nicht vor gut ansagen, dat dusse gude stadt lenger ane rath syn scholde, item: van den gelesenen breven, wat grund de borger darut entfangen, item: nademale de Rath sulven an Passavende bekannt, dat de andern beiden ane weten, gunst und vullbord des rades syn uthgetagen, was denne de borger gode van en holden konden. Hierna wurden dre artikel dem Rade vorgestellet:

De erste: nadem ein artikel van der gemene gemaket were, dat ein E. R. neen gelt upnehmen, effte breve utgeven ane weten und willen der 64 und 100 borgher, so begehreden of dusse borger, dat men huden dat grote segel will den 64 averantworten, dat will men leggen in eine kisten, dar schall de Rath einen slotel tho hebben und de 64 den andern. Item: dat de borger weten willen, effte de privilegia of noch vorhanden syn, effte wer se de beiden heren hebben mede uthgenamen.

De ander artikel: dat de borger van allen officien des Rades willen schriftlick rekenschopp hebben.



Dat drudde: dat ein jeder binnen Rades, ein vor alle und alle vor en, lave, nicht ut der stadt tho theende, eher de rekenschop geschehn sy.

Alse sich ein Rath hierup bespraken hedde, geven se tor antwort: Se willen sich by eren eden und ehren vorseffen, dat se van der andern vorwifinge nicht en weten, se konen of sulven der vorwefen heren entschuldunge nenen loven geven, allene dat men dussen heren nicht witen [Schuld geben] wolde, wes de anderen vorbraffen hedden. Item: dat der stadt privilegia noch alle in Marien kerken baven der heren kapellen syn, dar will ein ganzer Rath vor stan. Item: Her David Divesen schall de segel halen. Item: ein Rath sy der rekenschop averbadig.

Hierup alse sich de 64 sammt den hundert bespraken hedden, geven se thom andern male vor, wolde ein Rath by eren eden vorseffen, dat de privilegia duffer stadt tho trouwer hand by en syn scholden und de van der stadt nicht bringen. Item: dat de rekenschop vor dem sonnavende mochte geschehen. Item: dat sich ein rath mit nenen saken bekümmern wolde, beth so lange de twist were affgehandelt. Item: dat se sich vorseffen wolden, ut der stadt nicht tho wiken, of den vorgewefenen heren nene bypflicht tho donde, noch mit rade, gelde, effte schriften: alsdenne geven de vorordneten borger den heren ere handgeloffte wedder los, dat ein jeder mag gan und stan, wer idt ein belevet.

Hierup gaff D. Pafebusch, Borgermeister, thor antwort: dat ein Rath dusse vorgeschreven artikel by eren eden und ehren vorseffen will, begehren darbenevenst, dat de borger ere gelofft helden wolden, welf einem E. R. up vastelavende geschehen.

Hierup ward dorch Jürgen Bullenwever thor antwort gegeben: self en geloffte were noch betly herto van den borgeren nicht gebraken, men wuste of in dem hupen nemant, de anders begehrede, als dat sodane geloffte mochte gehalten werden.

Hiermit giengen beyde, heren und borger tho huf, ein jeder wor idt en belevede und gieng also de sake thom besten aff, de warlick am Paske avende nicht wohl getoget was, averst de vorordnete borger hedden nenen wohlgefallen in vorkleninge edder vorderve erer avericheit; wo en averst da wohl lonet ward und wo vele gude worte, de en gegeben wurden, gemenet, ward sich hier namals in folgenden historien wohl tögen.

Des frydages in den Pasken (den 14. April) ward den 64 einen bref der wickhaftigen heren averantwordet, darinne se erer utreise orsake antogeden und mit velen spitzen worden de lehre des evangeliu of dat amt der 64 spotteden. Dusse beiden heren hadden of breve an de veer groten amte, averst de olderlude brachten de breve an de borgermeister und darna an de 64, dat also dusse breve nichtes sunderiges uthrichteden.

An. 1531 up Misericordias Domini (den 23. April) worden vorordnet twölfs menner van den 64, de mit dem E. R. scholden handeln van der rekenschop. Item: dewile dat regiment nu vorswectet [geschwächt were], wolde de grote not vorderen, den Rath wedder uth tho ksen; jedoch droch men sorge, wenn ein E. R. de kare wurde don, so wurden se ere vrunde und vorwanten tho sich tho Rade ksen, welke denn lich en dat evangelium wurden vervolgen, edder jo mit vlite nicht vorthsetten; alsdenne wurde de mißgelove und twist jummer henne bliven twischen einem E. R. und eren borgeren. Nu was of nicht wenig rüchsig, daß idt allerdinges mit dem kare, of der tidt, do

ein Rath plach tho sitten, vele anders plag tho thogande, alse nu in dem bruke ist.

Derohalven ward van einem E. R. begehret, dat ein E. R. wolde antoginge don, wat bewiſſe se hedden van dem kare, effte tidt, de men scholde tho Rath setten, de gefaren wurden, wente de borger hedden gefunden eine copie in dem Lübeckischen rechtboeke, dat ein Rath plecht tho brucken, wenn se idt tho donde hebben und lud allduß:

„Hertoch Hinrich, van Gades Gnaden Hertog tho Bayern, tho Brunswik und tho Cassen, kundiget allen denen, de duſſe schrift ansehen und hören lesen, dat se ewig scholde syn und spreken allduß: dat sy wytlif als weme, dat wy andechtig syn tho der ehre und tho vramen unser trouwen borger van Lubeke und der stadt und settet und bedet, dat men dat vaste holde: kset men jemand in den radt, de schall twe jahr besitten den radt, des drüdden jahrs schall he fry syn des Rades, men moge idt denn mit bede van em hebben, dat he söke den rath. Wy setten ok, dat men nemanden thee in den radt, he sye dann echte, van fryer geburt und nemandes egen und neen amt hebbe van heren und sy van guden geruchten und van ener fryen moder geboren, de nemande egen sy und ok nicht sy gestliker lude, edder papen sohne und hebben egen erffatinge binnen der muren und nicht upgedreven in sinem ede und de sine nehringe mit handwerke nicht gewonnen hefft und dat duſſe settinge stedes blive, so hebben wy duſſe schrift bestediget mit unserm inſegel.“

Alt duffer schrift wurden de borger verstendighet, dat vormalß de rath nicht ewig, we izund, men na twe jahren ein jeder affgynk, we denne in dem lubeckischen rechte vaken sodanes affganges gedacht ward, alse cap.

45, cap. 49, cap. 4, cap. 43, welf capitel an. 1247 gemaket yß.

Do nu ein rath thor antwort gaff, dat se neen ander bewies hedden, als dusse baven geschrevene copie hertorch Hinrik des Louwen, sede Her Jochim Gerken: idt were jo, alse men idt betherto mit einem E. R. geholden, ene olde lange hergebrachte wanheit, welf en ein recht geve. Worup ward geantwortet: „wenn de wahrheit hervor queme, so muste de wahrheit wiken.“ — Derohalven ward dem Rath angesecht, dat ein Rath allen vlit vorwenden wolde, effte men noch etwas finden konde van Privilegien, de kare des rades belangende, dat men dat mochte jegen morgen er-togen, wo nicht, dat alsdenne ein Rath den Originalbref wolde togen duffer Schrift.

Des andern dages, welf was de middeweken na Misericordias Domini (den 25. April), sende de Rath eren Protonotarium M. Berend Heinemann und Secretarium M. Andreas (Stolpe) und leten den 64 ansetzen, dat men na velen gedanem vlitte dat Original Hertog Hinrikes des Louwen nicht vinden konde; denn idt mochte by den tiden, alse of einmal de Rath buten gewesen und ein nye rath wedder ingestellet, vortkamen syn; idt mochte of, alse de schriverie vorbrande, mit vorbernet syn.

Dusse Secretarien thogeden of einen vordrach, gemaket twisken dem Rade und den borgeren an. 1416 und was ein pergamenten boef, geschreven mit enem ummeslage und de snore, dar de segel inne hangeden, syn dorch de bleder getagen und yß de datum 1416 Viti matyris und hedden vorsegelt de Wendesken stede: Hamborch, Lüneborch, Wismar, Rostock, Sund, Stettin und Gelbergk. De innholt der artikel was dusse, wo volget

als: Dat sich de olde rath vorsede, nemand van den nyen gestellden Rade edder der gemene wrake tho donde, der orsake, dat se buten geholden. Item: Dat de nye rath were condemnereet in kost und teringe samt der pene, dar se of ynne vorvallen weren: drehundert dusent und soß und vertig dusent gulden, sind up 60,000 gulden gemetiget. Item: to der tydt sind of 60 verordnete borger gewesen, besulvigen scholen eres dondes affstaen und sich nicht wedder upsetten gegen den Rath. Item: des Romischen Koninges sendebaden hebben den Rath gevoret bet tho Sanct Jurgen vor de stadt und dar sind en de nye Rath und gemene entlegen kamen und se up dat statlikeste ingevort und sind by der olden herlichkeit gebleven. Item: de olde Rath schal den Rath vulllesen tho sich. Item: de olde Rath schal den Koning tho dennemark bidden, dat he sich by eren fangen [Gefangenen] gnedichlick bewisen will. Item: de olde Rath schal an den Romeschen Konink schriuen, dat de acht moge affgedan werden x. Der artikel weren noch vele mehr in demsulven boke.

Darna lesen of de Secretarien vor den 64 eine Cofirmacie Sigismundi des Romischen Koninges, worinne alle gnaden, vryheiten, gerechtigeyden, gute gewanze und olde herkamen sind gheconfermeret und vornuyghet, van datum 1418 des dingtedages na Margreten. Darna thogeden de Secretarien of de bulle Caroli des vosten, darynne alle olde wanheide und mennige, so Kaiser Maximilian der stadt gegeben, sind conserveret. Darna togede M. Lambertus ein boek, darin de extractus effte schrift des breues Hertoges Hinrikes des Louwen ut supra vorlenet was, welches bokes titel ist: Liber primus und hefft ein borgermeister schriuen laten, Her Tideman Güstrow an. 1328.

Do sief de 64 und hundert borger hierup bespraeken hadden, sloten se: dat se by dem Stadtboeke bliven wolden und by der constitution Hertog Hinrikes des Louwen. — Als averst de frage was: woll up ditmal den fare don scholde? ward entliken beslaten: dat idt nen Rath were, sodane ene wichtige sake ane weten und vullbort der ganzen gemene tho determineren; wem de gemene den fare gebe, de mochte en denne hebben.

Derohalven giengen de 64 und 100 vor den Rath und begehreden, dat ein Rath dat original des Louwen mochte togen. Darup antworde de borgermeister, de Doctor: „ein Rath hedde den utersten vliet angewendet, dat original tho soeken. Idt weren kisten geopent, de velichte in hundert jahren nicht geopent weren.“ Do nu de borger hierup replicerden, of mit anhangender protestation, gaff de Doctor thor antwort: „ein E. R. hedde sief nicht vorseen, dat men enen noch so ringen loven gebe.“

Darup antworten de borger: Ehrsame, leve heren, dat wy so franken loven stellen, ist ja nicht by uns, idt horede sief ja vam rechte; wy wolden of gerne Juwe Ersamen geloven stellen, averst dewile men uns gut secht, men will Gades wort und dat gemene beste vortsetzen helfen, spore wie doch dagelikes, dat men darna trachtet, wo men kann und mag, dat datsulvige moge vordrucket werden, wente wo ernstlick und vlitigen ein E. R. van der dachvart, de hier scholde gehalten werden, ghevordert, als lege duffer stadt gedye und vordarf daran: so hebben wy doch nu des enckende [zuverlässigen] beschet van Kon. Maj. tho Dennemarken, de idt dorch de Landgraven vorfundschoppet hefft, dat men in des Keisers kenzelie van der dachvart nicht en wort tho seggen weth. Dewile den duffe daghwart ein gewunschet stück ist und Juwe Ersamen

under namen Kais. Maj. allikewohl wolde mede vortvaren und vorsten herinn halen, de gy uns nicht wolde namkundig maken, of nicht wo vele und wo stark se kamen scholden, velichte mit uns tho donde, wat jum belevede, geven wy Jurwen Er. tho bedenken, wes loven und thoversichtes wy tho jum stellen konen.

Hierup antworde de borgermeister: datsulvige befremde einen E. R. of nicht weinig, angesehen, dat ein E. R. an M. Johann Röver, welf jekt westwärts ligt, umme de dachvart tho verkundschoppen, geschreven hedde und hefft ein Rath thor antwort gefregen, dat he dar nene vormeldinghe van bekamen kann, welkes of einem E. R. ein grot bedenkent gemaket hefft. — Thom latesten averst was dat affscheet, dat de Rath jegen morgen froh wolde de gemene tho rathhuse vorbaden laten, alsdenne mochte men wedder handelen, wo idt umme de fare stan scholde.

Am donnerdage morgen quam de gemene thohope ut vorvorderinghe des rades und ward en vorgeven dorch Jürgen Bullenwever van wegen der 64, wes des vordages gehandelt. Darup de gemene slot und antworten: Se wolden by der constitution Hartig Hinrikes des Louwen bliven, nemliken, dat 24 sollen tho rade sitten, darvan scholen acht affgan und de 16 scholen twe jahre besitten bliven. Desulvigen scholen of der gemene ere ede don, dat se Gades Wort und dat gemene beste willen vortsetzen und einem idernen don, wat recht ist. Item ward of van der gemene geslaten: wohl duffem so nicht nakamen wolde, effte wohl gefaren tho Rade nicht sitten wolde, den scholde men vor enen meneder holden und scholde borgen stellen vor alle, dat men up en tho seggen hadde.

Darna ward de gemene gefraget: „nademmale ein Rath nene schrift van dem kare hedde, wohl en don scholde? wolde of tho groten schaden gereken, wenn se ere sweger und vorwanten kesen wurden.“ Darup gaff de gemene thor antwort, dat de kare derjennen, so jecht tho rade gefaren scholden werden, by dem olden Rade und by den 100 borgeren van wegen der ganzen gemene scholde stan.

Dofulvest belevede of de gemene, dat men de vorbuntnisse mit den Evangelischen vorsten und steden nicht scholde utslan, dewile se nicht rekede jegen de ede, Kais. Maj. geschehen.

Alse nu de 64 der gemene beleven dem Rath hedden vorgedragen, nam ein Rath eine bysproke. Na besprekent gaff de borgermeister D. Packebusch tor antwort: als denn de gemende gesinnet sy, by dem boke tho bliven, so hedde dennoch ein Rath nicht allene de gewahnheit, sunder of gegrundet recht vor sich, nemlich ene sententie und belevinge. Tor tidt, alse de olde Rath wedder in quam und de nye affgesettet, ward geslaten, of van den Wendesken steden vorsegelt: alse wennehr de olde rath wedder inqueme, scholden se macht hebben, den Rath wedder vull tho kesen. Dewile men sich denn vormodede, dat de sententie gespraken, nicht wedder gespraken, so geve sodane sententie ein recht, up welke sententie ein Rath baven 100 jahren den kare hedden by sich gehadt und also proscibert per prescriptionem longissimi temporis, mochten und konden derohalven van solkem rechte nicht wyken, were of wedder ere ede und geloffte, wolde of dem Rade van Lubeke in ummeliggenden steden ene grote vorfkeninge syn. Begehreden of de heren, dat men de schrift der gemene dorch M. Lambertum mochte vorlesen laten.



Darup ein van den 64 dem Rade thor antwort gaff: dat ein E. R. wohl bedenken wolde, effte idt nutte were, der gemene de artikel vortholefen, dewile nu de gemene ut stedten gerüchte wuste, dat de wedderinhalinge der heren ut luter noth geschehen were, dewile de heren by dem Koninge van Dennemarken vorschaffet hedden, dat de borger up Schonen wurden angeholden und also gedrungen und genodiget, wolde jedermann sin gut, sine knechte, kinder und vrunde wedder hebben, den utgetagen Heren inthorumen und natogeven, wat se man heben wolden. Wenn denn de gemene duffe artikel lesen horenden, wurden se der sake bet verstendiget und mehr in der sake verbittert, weß denn darut entstan mochte, wolde he einem E. R. in bedenkent geven.

Na velem handel und wedderrede an beiden parten, geven de 64 vor, dat de gemene mochte gestillet werden, dat ein Radt idt mochte up ditmal so scheen laten, wo idt averst mit dem kare vordan stan scholde, darup will men mit dem Rade mit recessen handelen, dat idt ein Rath schal gesrediget syn.

Do siß ein Rath bespraken hedde, waß dat antwort: Dewile de borger dat also vor gut anseghen, moth ein Rath dat geschehen laten, dat de 100 ditmal den Rath lesen, averst dat de affgank des Rades ditmal verbliven mochte, welkes de 64 vorseden, dat de affgank beth tho cathedra Petri verbliven scholde.

Des frydages na Misericordias Domini (den 28. April) des morgens worden gefaren veer uth den 64 und 8 ut den 100. Duffe scholden maken einen vorschlag van dem kare der nyen radesheren und makeden idt also, dat men up 9 sedelen 9 namen setten scholde, van den schold ein E. R. 7 nehmen, de andern twe scholde men van stund an entwey riten, of by sinen eden ne-

mand van den gekarnen tho vormelden. Dusse anslag gefehl den 64 und 100 wohl und leden dussen 12 borgeren up, dat se de heren scholen lesen, also se vor gut wolden bekannt wesen.

Up den namiddag giengen de 64 und hundert vor den Rath, drogen en sodanes an, dat 9 heren namen up sedelen gesettet weren. Averst eher de heren den far deden, gaff Jürgen Bullenweyer vor, dat idt wolde nödich syn, dat men dem Rade de handtastunge wedder los geve und se in ein vullenkamen regimente wedder settede, begehrede derohalven, dat ein E. R. desulvigen nicht mehr wolde gedenken, wente de borgher wolden sich holden an de entschuldunge eines E. R. und en den utoch der andern nicht entgelden laten und ere handgeloffte gegenwardigen genslik vorlaten, so van einem E. R. den borgeren van wegen der ganzen gemene geschehen were. Up dat averst desto groter geloven van beyden parten mochte gestellet werden, ward eine form eines edes den borgeren vorgestellet, welk ein Rath den borgeren und de borger dem Rade don scholden, welches ein Rath aversehen scholde, eßte dar wor weß inne were, dar ein Rath nene benöge an hedde, mochte men verändern.

Also dit geschehen, worden de 9 sedelen vor dem Rath up den bavesten rathstoel up einer listen gelecht, ut welkeren also de borgermeister D. Matthäus Packebusch 7 genamen, leten de borger de andern twe entweyriten und begehreden, dat ein E. R. de 7 wolde jegen morgen tho Rathhuse, na older gewanheit, vorbadden laten. Hier ward of vort mede angehangen: wo idt umme den fare der borgermeister stan scholde, wolde men handeln, wenn dit affgerichtet were. De heren averst weren dusse: Her Godeke Engelsede, Her

Jochim Grammendorp, Her Gerd Odinkberg, Her Goshwin Burepage, Her Johann Busmann, Her Hinrich Cordes, Her Kersten Timmermann. Düsse ene thoch ut der stadt, up dat he nicht in den Rath wesen wolde, quam averst wedder und beklede sine stede.

Des Sunnavendes (den 29. April), alse nu de nyen heren by den olden tho rath seten, deden beyde, olde und nye heren düssen edt in forma: „dat wy Gades ehre und sin hillig wort, welk jehundes allhier binnen Lubeke geprediget ward, willen helpen handhaven und dat gemene beste trouliken helpen vortsetzen und einem jederen rechtes behelpen, na Lubesken rechte, nicht umme gunst effte ungunst willen; na unserem utersten vermögen und verstande, dat uns Gott so helpe.“

Darna sworen of de vorordneten borger dem Rade mit upgereckten vingeren alldus: „Dat wy einem E. R. willen truw, hold und gehorsam wesen, by dem ede, den wy dem Rade und duffer guden stadt hebben gedan in allen dingen, de nicht gegen Gades ehre und dat gemeine beste syn, dat uns Gott so helpe.“

Do dit geschehen, ward den nyen heren angesecht, dat se sich mit neuen eden mehr scholden vorstrifen laten; by dem ede, den se gedan hebben. Darna wurden de heren, na oldem gebruke, tho huse gebracht, allene de scepter ward nicht vorgedragen, welches de borger nicht grot achteden, averst hernamals ward men wohl enwar, worumme idt vorbleven was, do de olden heren düsse menner nicht by sich in dem rade liden wollen.

An. 1531 am Pingstavende (den 27. Mai) ward de ordeninghe, welk de ehrwürdige Her D. Johannes Bugenhagen ghemalet, angenamen und van einem E. R. gheconfirmeret und by vullmacht gelecht.

An. 1531 des Mandages na trinitatis (den 15. Juni) ward tho Lübeck ein grot lang geprentet [gedruckter] breef upgeslagen an de ferkendoren, welken hedden utgan laten de beyden vorgemeldeteten borgermeister und nu in dem lande tho Meßlenborch in allen steden upslan laten und was eine entschuldunghe eres utthages und libellus famosus wedder de 64 und 100 borger, darin se apenbar sicc horen leten, se wolden hier nicht binnen wesen, dewile idt so stunde.

Dussen breef dachten de borger vor der hand tho verantworten [beantworten], welches up dat idt nableve, dede ein Rath den utersten vlit, welches lange tho schri-ven were, ward dennoch thom latesten van den borgeren mit billigen reden verantwortet.

Up desulvige tidt quam tho Lubeke ener, de sicc horen leet, dat he were ein legate, van Kais. Maj. gesandt, thogede of grote breve, averst geslaten, wolde of siner warve kene entdecken, ein Rath van Lubeke hedde dann de Wendesken stede vorschreven und momohl ein Rath em groten gloven stelleden, of neen vlit sparede by den borgeren, dat de stede mochten vorschreven werden und de legate mochte gehoret werden, leten sicc of horen: wenn dusse legate nicht angehoret wurde und dar was ut entstunde thom vordarven duffer stadt, darvan wolde ein Rath protestert hebben; konden doch de borger den legaten nenen groten geloven stellen, dewile in der vasten of sodaner quam mit groten mandaten und commissionen, de of begehrede, hier einen dach tho vorschripen und wolde doch nicht seggen, wat vor vorsten hier binnen kamen scholden, effte wat se handeln<sup>s</sup> scholden und ward apenbar gefunden, dat men in des Kaisers kenzely nichts van dem handel wuste. Derohalven de borger dissen legaten nenen groten loven stellen konden, effte en

was godes tho vortruwen, denn allene dat he twiſt und moye in duffer guden ſtadt anrichten mochte.

Darumme geven de borger dem Rade thor antwort: nademe Konink Frederik van Dennemarken mit der ſtadt Lubek in vorbund ſteit und Sine Koniglike Werde tho dem dage nicht ſchole vorbadet werden, wo men denne mit duffem legaten kone handeln ane Koniglike Werde wetent *ic. item:* dewile ſodane dageleiſtinge vele geldes will koſten, ſo were idt billiker, dat men de im lande des Koninges van Dennemarken helde, welk van der veide land und lude gekregen hedde, de ſtadt Lubek hedde jo van der veide nichts denn groten ſchaden gehadt. Were idt jo ſake, dat de legat ſodane bevel hedde, dar duffen ſteden an gelegen were, dat he den dach thor Wiſmar lede, dar wolden ſe den dach beſchicken. Eſſte, wolde he noch ſine werve einem E. R. updecken vor de vorſchivinge, ſo wolde men noch ſehen, wo men idt makede.

Alſe ſodanes dem legaten van einem E. R. wedder angedrogen, quam diſſe legat in egener perſon vor de 64 am avende Johannis Baptiſte und let ſich horen, dat he up ditmal allene van Konig Chriſtian und ſinen kinderen tho handeln bevel hedde, wolde averſt nichts nawiſen, wo eſſt wat wiſe, ſondern ſede: dar wurde ein ander treſſiker legat herkamen, hangede of dar fort mede an, ſo duſſe dachwart wurde aſſgeſlagen *ic.*

Up dit andregent giengen de 64 vor den Rath und geven vor: nademmalen des legaten werve van Konig Chriſtian, wo men denne mit em handeln kone ane medewetend Konig Frederikes, mit welken de ſtadt in vorbundniſſe were; dat men derohalven den legaten an Sine Konigl. Werde wiſede, dachte den borgeren geraden, dar of einem Rade an duffer antword nen be-

nogen hadde, mochte ein Rath de ganze gemene darup vorbaden laten.

Dar gaff de Rath thor antwort: dat se sich sodanes antwordeß by den verordneten borgeren nicht vormodet hedden, dat men den dach so vor der hand scholde affslan, nademalen Kais. Maj. neven sinen legaten sine breve hedde hier ingeschiekt und schege uns tho gude. Item: hier mochte vele quadeß ut entstan, wenn de dach vorbleve. — Also groten sliet dede de Rath, dat se gerne gesehen hedden, dat dorch orsake dusses legaten de stede hedden vorschreven worden.

Idt begaff sich averst, dat ein Rath van Hamborch hier her schreven, wo de Landgrave se gewarnet hedde, ein upsehent tho hebben, dewile in Frieslandt 14 dusent landesknechte weren. Ut duffer tidinghe ward einem E. R. angesecht: De legat mochte den dag vorschripen, wor he wolde, hier konde men den dach nicht liden, nadem de Hamborger in ere stadt en of nicht hebben wolden. Dit schach des sunnavendes na Petri und Pavel.

An. 1531 an demsulvigen sonnavende (d. 24. Juni) des morgens ward dem Rade angesecht van den 64, dat dar weren gefaren borger, de van allen officien scholden refenschop nehmen und sunderlick van der kemmerie, dewile ein Rath sich horen let, se musten de kemmerie tosluten und Her Cord Wibeking sich hedde horen laten, he wolde de slotel in dat slott stecken laten und gan darvan. Dat men averst sulken vorkamen mochte und enmal weten mochte: wo grot der stadt schult were und wo vele und grot darjegen de boringe der stadt, so wolde idt noth syn, dat men etlike borger ein jahr lang mede by alle officien vervogede, de mit den heren ein upsehent hedden der upkumft und uthghift, dat men also mal mochte ut der schuld kamen.

Wiewohl ein E. R. hier nicht wohl tho wolde, wente se seggen dit vor eine grote vorkleninge des Rades an, moſte idt doch thom lateſten alſo geſchehen, dewile de gemene enen artikel van der reſenſchop beramet hedde, do ſe lateſt van einem E. R. van wegen des Mandates vorbadet weren. Dar halp averſt vele tho, dat ein E. R. ſich ſo harde merken leet und hedden gerne den dach hier binnen gehad, den de legatē vorderde, averſt dewile de legatē nicht wolde updecken ſine werve, ehr de ſtede hier by en quemen, befruchteten men ſich, dar mochte under dem dage van einem E. R. weß geſocht werden, dat tho gedye veler borger in duſſer ſtadt nicht wurde reſen, derohalven waß dat blot vorbittert by den borgern.

Umme deſulvige tidt leten de 64 eren antwordeß bref uthgan jegen de ſchrift der beiden vortgewekenen borgermeiſter, welke ſe erſten einem Ehrbaren Rade und darna den veer amten leſen leten, derohalven of ein E. R. deſulvigen breſe, de in allen den Wendesken of andern Henſeſteden wurden upgeſlagen, mit deß Radeß ſegel verſegelt, confirmert und ratificert.

Alſe idt nu van einem E. R. vullbordet, dat de borger de kemmerie ſcholden annehmen, wolden doch de heren, de nu kemmerer, de ſlotel nicht van ſich don, de gekaren borger ſcholden erſten enen ene quitantie geven, averſt deß volden [fühlten] ſe ſich beſweret, derohalven de 64 ſloten, dat de olden kemmererheren ſcholden ein inventarium van ſich geven, alleß waß de kemmerie hedde in bewaringe gehatt van wegen deß radeß und der ſtadt und alſo ſcholde men ene quitantie geven und dem geſchach alſo. — Do duſſe borger de kemmerie entſungen, vunden ſe alle fiſten und budel vam gelde leddich, derohalven ſe van der fiſten moſten 1700 m<sup>z</sup> lenen.

An. 1531 d. 19. Juli quemen tho Lubeke etlike Radespersonen vam Gunde, Rostock und Wismer und brachten mit den Sindicum van Rostock, D. Johann Oldendorp, welker de sake konde meisterliken staffeeren, wen he man geld darvor freg. Dusse heren drogen einem E. R. und de 64 dorch D. Oldendorp alldus an: dat einer, des sin name Gade bekannt, van Kais. Maj. und Rom. Kön. Werde an de stadt Lubeke schall affgeserdiget syn und dat desulvige van Lubeke na Wismar gereiset und alldar im namen Kais. Maj. de stadt Rostock of de stadt Sund vorschreven hefft, so of darsulvest syn erschenen und alse de geschickeden up dat vorgevent des legaten kene antwort ane rügggesprake erer oldesten vor der hand tho geven sich understan wolden, were de legate in egener person tho Rostock gekamen und alldar vor dem rade ene lange Relation gedan, 2 stunde warende, dusses inholdes: dat Rom. Kais. Maj. und Röm. Königl. Werde under enander gestaten hebben, dat se eren leven swager Kon. Christian nicht tho verlaten dachten und in betrachtunge, veler blotstortinghe und geldspilding vorthokamende, so hier entstan mochte, hedde en Kais. Maj. und Kön. Werde affgeverdiget, dusse stücke noch einmal in frundschoep tho versoken, effte jennig middel mochte gefunden werden, wodorch solk quat vorbliven mochte; so hedde em na velem vorgewandte und vorgesparden arbeide sulkens nicht bejegen mogen, wente he were tho Lubeke upgeholden und thom latesten sonder antwort van hier moten scheiden, were derohalven tho Rostock ghekamen, dewile de stadt Rostock of dem Romesken ryke und Kais. Maj. mediate were undergeworpen, dat se sich derohalven mit Kais. Maj. wolde verbinden, umme Koning Christian wedder in dat ryke tho voren helpen, dat wolde Kais. Maj.



intfundergen umme de van Rostock erkennen, wolde ene nicht allene ere olden privilegia confirmeren, dann of vele andere nige vrigheiten und privilegia geven und vorsekeren. Item: dar sîck jo ene stadt van Rostock beswert tho sulker sâke, dat se allene tho sulker invoringe wolde stille sitten.

Sulk enes in aller mate leet sîck de legate thom Sunde und of thor Wismar vor dem rade horen.

Vorder seide D. Oldendorp: wo de heren van Sunde, Rostock und Wismer den legaten hedden tor antwort geven, dat en nicht anstunde, sodanes anthogande ane ruggesprake und medewetent erer leven naber und vrunde der van Lubeke und derohalven se van erem oldesten hierher gesandt, guten rath tho horen, wat in duffer sâke tho donde nuttest wolde syn vor duffe gude seestâde.

Hierup de borgermeister D. Packebusch van wegen des Rades und der 64 thor antwort gaff: dat de legate tho lanf geredet hedde, wente, wenn he sîck so vele wolde hebben merken laten, scholde em ghehore nicht worden geweigert syn, sundern he were hier ghefamen und begehrt, men mochte de Wendesken stede vorschri-ven, dar wolde he sin werf vor entdecken und da men na olden ghebruke de werve beghrede tho weten, up dat men mit voge de stede vorschreven mochte, gaff he thor antwort: he hedde anderst nenen bevel ic. Darup em thor antwort gegeven: dewile de stadt Lubeke mit Koning Frederik in vorbunt stunde, wolde idt sîck nicht liden, enen dach hier tho leggen, wenn idt de meninghe hedde, dat he wes in bevel hedde, dat wedder Er. Kôn. Werde mochte gerefen, den steden vorthodragen ane weten effte bewisent Er. Kôn. Werde. Derohalven mochte he den dach tho der Wismer leggen und so ein Rath van

Lubekke dar vorschreven wurde, wolden se dar erschienen, averst dat wolde de legate nicht annehmen. De Hamborger weren of van dem Rade van Lubekke besocht, wolden averst den dach in ere stadt nicht geholden hebben. Nademmalen denne eine stadt Lubekke noch jehundes in apenbar veide mit Koning Christiern steit und der veide halven mit Koning Frederich im verbunde noch ist, so were eines E. K. van Lubekke rath, dat men Kon. Werde mit antoginge dusses werves mochte beschicken, umme S. Kön. Werde guten Rath dem legaten wedder thor antwort tho geven, wolden averst de gheschickeden der dryer stede de beschickinge an Kon. W. an sich nehmen, effte mede beschickeden, stelleden men tho eren gevallen.

Hierup geven de geschickeden der dre stede thor antwort, nadem ere oldesten enen nicht in bevelh gedan, tho Kön. Werde tho reisen, dorsten se sich nicht eher understan dartho, alse se mit Kon. Werde scholden handelen; wurden de Hamborger und Lüneborger dar buten syn, dat wolde of nicht denen. Derohalven wolden se na Hamborch reisen, dar se de legate bescheden und geven em thor antwort, dat se tho der verbundnisse up ditmal nicht kamen konden.

Averst dewile men vruchten droch, dat etlike van den steden dorch den legaten mit groten thosagen und ghelofften mochte avergeredet syn, dat se velichte mochten sich des vorsegen, dat vor dusse gude stadt nicht wolde syn, wente men wohl merken konde, dat de legate (up demede he dank vordenen mochte by sinen heren) nen arbeit sparede, dorch grote geloffte und thosage de stede tho splitteren und van ander tho theende, derohalven ward dussen geschickeden der 3 stede up ere antwort gesecht: wolden de geschickeden baven er bevelh thp Hamborch effte Lüneborch twischen Kon. W. tho Dennemarken und Kon.

Christie rn handelen, mochten se don, entstunde averst ut solken handel wes, dartho scholden antworten de den handel begrepen hedden.

Na duffem affschede thogen de geschickeden der dre stede na Hamborch, dar se den legaten bescheden hedden. Under middeler tidt schickede de Rath van Lubeke eren Protonotarium M. Andreas (Stolpe) an Kön. W. tho Dennemarken, welker dem Könige allen handel duffes legaten vorwitlikede. De Koning lede vort dem legaten enen dach tho Begebarge, umme ene tho hören, averst de legat bleef ut. Darna berep de legat enen dach tho Hamborch, dar Kön. Werde van Dennemarken sine legaten sende. De Stadt van Lubeke sende of twe borgermeisters darhen und was doch nicht ener bonen werth, sunder dat he velichte, wenn he den dach tho Lubeke mochte gehalten hebben, wohl anders was in bevelh hedde, alse he sich horen leet, wente groter pergamene breve wiesede he wohl, averst nemand kreg se tho lesen.

An. 1531 d. 19. Juli ward geslaten, dat men ut den kerken de missingsluchter wolde nehmen und laten dar quarterschlangen und falkenetten van gheten thom behof der stadt et factum est ita.

An. 1531 am 9. Septembriß giengen de veer und softiger ut begehre und vorvorderinge der hundert borger van wegen der ganzen gemene vor den rath und leten en dorch Jürgen Bullenwewer ansseggen: nademe ein E. R. sulvest mermal bekannt, dat de beiden vorgeslagenen borgermeister ane weten unde willen eines E. R. uth der stadt getagen syn und men betherto nicht gesporet hefft, dat se etwas gudes van wegen edder thom besten duffer guden stadt utgerichtet hebben, este utthorichten gesinnet sind, so wolde de hoge noth vorvorderen, dat de stede der borgermeister nicht lange mochten leddig

syn, wente duffer stadt handele konden mit 2 borgermeister nicht uthgerichtet werden, wente, alse ein van huß edder frank were, moſte de ganze stadt deß entgelden, nademe D. Päckebusch, borgermeister, sulvest bekannt hefft, dat idt nene wyse were, van enem borgermeister den Rad tho vorbaden, deme na hebben de veer und soſtiger tho twe nygen borgermeiſteren gedacht, wente ein E. R. hedde jo bekannt, dat se van nenen andern privilegien weten, den fare belangend, alse vormalß ghetoget, were idt averſt, dat se ander wuſten, dat se de noch wolden thogen, wente idt were nicht de meninge, dat de borger ſick in kenen dingen gerne jegen einen E. R. wolden vorgripen; effte denn ein E. R. den fare duffer beiden nyen borgermeister van den veer und soſtigen, effte van der gemene wolden annehmen, begehreden de borger van einem E. R. tho hören.

Alse ſick ein Rath beſpraken hedde, geven se den veer und soſtigern thor antwort: Ein Rath leet den fare wohl geſchehen, dewile de gemene lenger nener borgermeister entbehren will. Ein Rath verſut ſick jo, de 64 hebben tho ſulken menneren gedacht, de deme ghemenen beſte nutte ſyn.

Alse de borgermeister alldus den veer und soſtigern den fare vorgünnet, vormaneden vort de 64 dem Rade den artikel der gemene: ſo jemand tho einem officio ghekaren, ſick wegerich makede, de ſcholde der stadt wanninge berovet ſyn.

Darna, alse de 64 begehreden mit den borgermeiſteren alleine ein wört tho handelen, geven se den borgermeister vor, wo se Her Goßlic Lunte und Gódert van Hovelen tho borgermeiſteren ghekaren hedden, averſt dat de borgermeister wolden thom beſten helpen duden, dat idt ut nener quaden meninge geſchehen

were, dat Her Gosslick de oldeste stede vor Her Godert, de doch older in dem Rade were. Dat weren de 64 van den beyden borgermeistern begehrende, wente scholde de gemene loven und thoversicht wedder tho einem E. R. friegen, so moeste idt so geschehen.

De borgermeister antworten: se weren mit den gekarnen heren wohl thosreden, averst dat sodane ene vorweßlinge der stede geschehen scholde, moesten se mit einem E. R. thorügge spreken. Do averst ein heel rath sich bespraken hedden, alse men idt vor gut anseghen, dat Her Gosslick de drüdde stede hedde und Her Godert de veerde, so weren se idt wohl thosreden.

Darna wurden ut der herkamer wedder geeschet de Heren: Her Gosslick Lunte, Her Godert van Hovelen, Her Hinrich Kerkring, Her Cort Wibeking und alse se alle ein jeder in sine stede seten, stunden up Her Matthewis Packebusch Doctor und Jochim Gerken beyde burgermeister und eskede ersten by sich Her Gosslick Lunte und heten en by sich sitten ghan, averst, worwohl sich Her Gosslick hochlick entschuldigede, alse de der stede sich und des swaren amtes unbequem erkennede, moeste he averst thom latesten upstan und ghan by de andern borgermeister und alse he nu by Her Jochim stund, eskeden se ok Her Godert des borgermeisters stede tho bekleiden, Her Godert averst werede sich mit sehr harden worden und leet eine protestacie lesen und begehrede, dat men desulvige in dat stadtboeck wolde schriwen laten, welke protestacie ludede allduß van worde tho worde:

„So denne de vorordnete 64 und 100 borger tho Lubcke des vornehmendes syn, in der beiden Heren borgermeisters stede, so jekt nicht inheimisch, twe andere borgermeisters tho erwahlen und introducieren; dewile denne

nicht weinig tho befruchten, sondern of gewislic tho presumerende, dat darut vā wegen der obgemeldeten beyden heren und of sunst anders nicht wenig mißgevalen irrunghe und moye van entstan und kamen muchte, in vorlophen tidt of electio und erwelinghe dem E. R. allene y8 fry gewesen, of in langen gebruke geschehen, wo nu jekt in andere form geschüt, derohalven sulke electo ward ipso jure nulla syn, hierumme so ic dorch de 64 und 100 borgher tho einem burgermeister erwehlet wurde und dartho gedrenger, vi et metus causa sulken anthonehmen, so schalt doch gegen myne conscienzie geschehen, dann allene umme unwillen tho vormiden, mot annehmen und geschehen laten, worvan of dorch dusse mine schrift apendlic protesteret vor alse na und na alse vore; darumme ic jurv apenbar Notarium will angeropen hebben, my up dusse protestation willen ein edder mehr instrumente offte instrumentum gemaket hebben, so vele thom behoef duffer sake will nodich syn."

Alse dusse protestation gelesen was, averantworde he se M. Berendt dem Stadtschriver, dat he se in dat stadthoef schriben wolde. Darna stund he up und beklede des borgermeisters stede. Darna gieng ein ganzer Rath sitten und de 64 leten dem Rade ansseggen: dat ein E. R. sulke truwe dem gemenen besten bewise, so men ene thotruwede, alsdenne willen de ghemene dem Rade sulken plichtigen gehorsam wedderumme ertogen, dat sic ein Rath erer borger nicht tho beklagende hebben schall. Alldus gieng de fare duffer beiden borghermeister.

Averst der protestacie halven weren vele der borger ovel thofreden, dewile dar vele stekende worde vellen und inne weren, vorschaffede doch Jürgen Bullenwever umb sunderge gunst, den he tho Her Godert droch, dat des dages Her Godert nicht angespraken

werdt, up dat he den dach seiner erwelinge in freuden mochte mit genochte thobringen, averst alse idt ruchtig ward in der stadt, ward jedermann up de protestatie ungedullich, derohalven de 64 vorseket wurden, na etliken dagen de protestacie van Her Gódert to vorderen und en tho vragen: effte sine Erb. gedachte by der protestation, effte by dem ede, dat he gedaen hedde, Gades wort und dat gemene beste tho handhaven, tho bliven.

Hierup gaff he tor antwort: idt sy sine bede und begehrt, dat men eme sulke protestatio als ein stück der böshheit nicht thometen will, hedde he der vorhapeninge mehr konen vorgebracht hebben, up dat men en vorlaten hedde, datsulvige hedde he gerne vorgewendet, hierumme wes he angetagen hedde, were all duffer orsaken halven gheschehen und sege noch lever, dat he sulkes amtes michte vorhaven syn, of seide he datho: he dachte up sine protestacie nicht tho agerende effte appellerende, konde idt wohl liden, dat se van nener werde were, idt dunkede of seiner person nicht unrecht sondern recht tho syn, dat he Gades Wort und dat gemene beste na sinem vermoge helpe handhaven, dat men of so sporen scholde. Befundet men anders, so will he des ein lieber syn, he konde of wohl lieben, dat idt mochte stan, alse idt stunde. Hiermit weren de borger thosreden.

An. 1531 d. 13. September: quam up dat nyge ein Kaiserlik breef an de 64 dusses innholde: wo de 64 und 100 sich der stadt reygeringe underwunden hebben. Item: De Stadt Lubek hebbe Siner Kais. Maj. vorige mandate, alse de ungehorsamen nicht angenommen, also dat men der vordorneden Lutterschen lehre nicht were affgestan, men hedde de gesette der kerken und de olde Religion verachtet, men hedde siet der tiddt de irringe deper ingelaten, den Rath entsettet, de ordeninge

des Rades umme gestott und affgedan, ander darto upgeworpen, sunderge nyge gekaren regimente der kerken und ordeninge upgerichtet, vorlovene monneken und papen tho predicanen gestellet, de kloster umme jederman fry darut tho gande, upgedan, der kerken clenodia gespoliert, etlike gestlike lude und monneke venklich [gefänglich] inne-gesettet. Item: dat men den dach tho Smalkalden umme ene verbundnisse tho maken, beschickede. Item: men hebbe Kais. Maj. schugbref, so thom behof der gestliken uthgelaten, nicht grot geachtet und dar idt anders nicht syn mag, will Kais. Maj. richtlic procederen laten. Item: idt wolde noch K. Maj. avermal begehrt hebben, dat men Sr. K. Maj. supplication annehmen wolde, yß of mit hogeren vlite vormanet, dat wy hier namals anders handeln und van unserem unrichtigen vornehmende affstan; de ordeninge dal slan; de predicanen affsetten; de kloster personen wedder instellen; dat sulversmede, so also idt gewesen yß, wedder vorordnen; kalande und broderschoppen in erer werde laten, missen, vesper wedder uprichten und de van eren ampten vordreven buten syn, wedder inkamen laten; dat men de bundnisse affschryve; dem Rade gehorsam sy, up dat K. Maj. mit billiken eruste nicht wedder uns dorve vortvaren. Sulker und der puncte mehr, de ein deel apenbar jegen Gades Wort weren, ein deel siß vele anders begeben.

Dussen breek senden de 64 an den Rath, tho hören, wo men em best beantworden mochte, wente, dewile de beyden vorgeweken borgermeisters, of Doctor Brömse und D. Kunze in dem breve mede benomet stunden, sonde men anders nene gisinge [Vermuthung] maken, se hedden den breek vorvordert.

Do dusse breek des Kaisers in de stadt gekamen was, steit nicht tho schryven, wo frolick de papen weren



und wat spitisser und honischer worde se dreven gegen Gades wort und de idt predigeden, of gegen de vorordneten borger, wo men nu wohl sehn scholde, wo idt den 64 und den predicanten gahn scholde. Item: dat de lehre were des duvels. Item: dat were nen sacramente, dat de lude entfiengen, men de duvel sulven. x. ut welken men jo sporen kann, dat se des sine kinder syn, den Christus nomet enen dodtsleger und vader der logen.

Ut dussen velvoldigen schendenden und logen vororsake sich, dat dar twe litmate des rades, samt etliken ut den vorordneten borgeren vorordnet wurden, tho ghande an dat capittel, umme se in gegenwardicheit tweer notarien und tügen tho laden tho einer disputation gegen de lehre, de se so lasterten und vordomeden, up dat, dar se mit hiliger schrift bewisen konden, dat idt sich in der wahrheit so begeve mit der lehre, dat se so böse were, alse se und de eren darvan seden, dat men alsdenne de predicanten thor stadt utjagede, geve grote rede, se of mit erem gadesdenste mochten wedder anrichten. Up dit anbringend antworde de deken van wegen der ganzen geistlichkeit: dat se wedder de predicanten scholden disputeren, dar wusten se nicht einen lepel tho tho wasken, alse dat instrumente wohl utwiset, we folget:

„In dem Namen des Heren. Amen! Sy witlich dat im jare na dessulvigen unsers Herrn Christi geburt 1531 in der verden indiction, up enem middeweken, den 20. dach Septembriß, des kaiserdoms des alldurchluchtigsten und hochgebarnen fürsten und heren, Heren Caroli, Romesken Kaisers, des vösten, alletidt mehrer des rykes x. im elften jare, sin in unser herna geschrevener Notarien und tügen, dartho sunderlikes geesket und gebeden, jedewardicheit up der domdekenie bynnen der stadt Lubek personlich tho hope gekamen und allenthalven ersche-

nen de ersamen und namhaftigen Heren Cord Wibbeking und Godert Engelsede, Rathmanne, also gheschieden eines E. R. item: Jürgen Bullenmeyer, Borchert Brede, Johann Bone, Werner Bresensten, Albert Geverdink, samt eren ganzen quarteer van wegen der 64 und 100 vorordenten borger, tho Lubse an de ene und M. Johann Rhode, deken, M. Wilhelm van Calven, Scholaster, Her Hinrik Greve, Her Johann Wulf und Her Berend Klonewinkel, Domheren, in statt, namen und van wegen des ganzen capitels der domkerken darfulvest an der andern side; und nademe men twischen jelt gemeldet ten beyden delen twespalt und widderwerdicheit ut nachfolgender orsake tho besorgen gehabt, so hebben genannte Radesheren und vorordnete borger umme alles besten und gelimpes willen (damit of unlust, moye und uproer mank der gemene vorghekamen und vorhutet mochte bli- ven) den upgemeldeten Deken und Capittelsheren up dat aller schicklichste, so men jummer kande und mochte, dusse meninghe vorgedragen und entdecket, nemliken: wo dat einem E. R. und den borgheren lossafflich bygekamen, dat erlike papen by dem dome up der jehigen predicanten lehre, of up dat hillige, hochwerdige Sacrament des diskes un- seß Heren baven de mate hohn spreken, sunderliches aver Johan Cure ghenannt, welker gesecht hefft, dat duffer jehigen predicantan lehre und de sacramente, so se verrecken, duvelsk weren und nicht ut dem bevelh Christi, fundern (grusam tho horen) ut dem bevelh des duvels erspraten, dewile denn ein artikel derohalven van einem E. R. und der gemeine upgerichtet und bestediget, also dat men solke honspreckers und Gadeslesterer (de sodanes nicht bewisen konnen) ane gnade by sunnen schine ut der stadt scholde verwisen etc. so begehrede ein E. R. und de

vorordneten borger, ein capittel mochte dat also inſehen, dat nene widere unluſt derohalven entſtunde, dewile of de genannten geſtliken aver de ganze ſtadt des jüngſten Kaiſ. Mandates halven meldende, dat duſſe gegenwardigen predicanten binnen 15 dagen erer lehre aſſtan und ut der ſtadt verwiset werden, of dat ſuſ alle dink wedderumme up dat olde gebruct kamen ſholde, hoge ſick vorvroweden, welkes doch dem Rade und den borgheren beſwerlick, ſo were nu allenthalven ere bevehl, dem Capittel endliken enes vor alle anthoſeggende: were et ſake, dar ſe mit eren dartho getagenen hulpern, eſſte hulperſ hulpern konden eren olden Romeſken edder Papiſteſken ghebruct des vegefures, miſſen und andere Ceremonien mit gottliken, hilligen ſchriſten wahr maken, eſſte, dat de vor Gade recht were, bewiſen und derohalven mit duſſen predicanten tho mundliken underredinghe offte diſputation (de vor wenigen dartho gedeputerden perſonen gheſchehen und ene also unbeſwerlick ſyn ſholde) wolden kamen vor utgange des termins alſe binnen den berorten 15 dagen, ſo den borgheren upgeſtellet weren, alsdenne wolde men dem Kaiſerlichen Mandate mit live und gude, wo billick, gerne gehorſam ſyn, alle ding wedderumme upt olde anrichten und deme Capitel volgen, wor averſt of demſulvigen alſe nicht nagekamen wurde, ſo wolde men und gedachte van dem heilſamen und hilligen evangelio Chriſti nicht tho wiſende edder tho tredende, ſondern by angenamen predicanten und erer lehre mit hülpe des allmechtigen ewigen vaders unvorſchrocken tho bliven, gevende nichts tho min Kaiſ. Maj., alſe der weltliker avericheit, alle datjennige, was derſulvigen tho behorede ic. und eſſte ſe namals dar entjegen wes upbringen eſſte ſeggen wolden, datſulvige ſholde alsdenn van kenen werden weſen, van welken allen und iſlick

de oftgemeldeten heren und borger eindrechtlichken vor uns undergeschreven notarien und tügen öffentlich, wo rechtlich protestereden und bedingeden, protesteren und bedingen of noch also gegenwardich in kraft dusses apentliken instrumentis.

Dar entgegen hefft M. Johan Rhode, Deken, gheantwordet und siß erstlich vor sine person of dat ganze capittel hoch entschuldiget, alse dat enen effte den eren van anetagerener honsprake und lesteringe nichts bewust, hedden et of ny ghedan edder ghedacht, wuste desglicken of nemand manß siß, de dar schuldich an were, dan konnen liden und dulden, efte siß jemand van den presteren in sulckem donde vorgrepen hedde, edder siß noch vorgrepe, dat men densulvigen strafede in mate, wo dat de artikel inhouden, alle, were he idt of siner personen sulvest, des he of sinen egenen hufgesinde stede geven wolde in dem ghevalle alle wege aver ene tuchnisse tho geven, mit angehesteten frywilligen erbedende, dat he noch am schirskumpstigen sonnavende de ganze cleresie thosamen kamen und esken laten wolde, umme nochmals jedermaniglick mit der gude tho underrichten und tho warschouwen, dat se siß sodaner und dergeliken lasterworde enthouden und den freden darvor prisen scholden, were et averst saße, dat jo jemand darbaven handelde, desulvige mochte sine oventur stan und lyden, was davor horede, se gedachten nemande darinne henvorder tho verbidden.

Thom andern: dat ein Capittel des berörten mandates halven scholde erfrouwet syn, well der stadt beswerlick, were de meninghe nicht, denn bekenden wohl, wanneher idt der stadt ovel gienge, so scholde se desto bett nicht varen, averst den olden kerkengebruck mit gottlicker schrift tho vorbidden, wo men en uplede, und derohalven mit den predicanten tho disputeren, were en tho donde un-

mögelik, sondern stelleden dat an ere hove de und aversten, de mochten idt vorbidden, dar se konden.

Und also de deken wedder gefraget ward: wes denne ein Capittel van duffer nyen edder der olden lehre heleden und ordelde, effte duffer nyen predicanten, so men se nomede, lehre und predication of recht edder unrecht were, indem se sich doch Gades Wortes beroimeden und de aversten der gestliken alle tidt geweest und noch syn willen? antworde de deken: wat scholde wy, guden vründe, dartho seggen? wy moten wohl bekennen, dat nemand under uns h̄s, de dar enen lepel tho tho wasken weet und dat se thokumpstigen, na duffem dage, jegen Gades Wort effte de predicanten was seggen scholde edder upbringen, noch of tegen den Rath, offte de borger ichtes wes hemelick offte apenbar handelen edder undernehmen scholden, dat were by Kais. Maj. item by Er. Majestaet kamergerichte effte anderswo, dessulven scholde men sich genßliken tho enen nicht vorsehen; denn se wolden of desulvigen alles nu als denn und denn als nu apenbar bekennen verticht, renuntiert und vorlaten hebben, sunder jennigerley arglist, behelp edder quade.

Derohalven na velen menniger handen brederen und lengeren worden, reden und wedderreden, de sonsten der sake nicht vele tho schaffende geven, hefft de deken demodigen begehret und gebeden, dat ein capittel van E. R. also eren gunstigen leven heren unde den vorordneten borgeren, also eren thovorsichtigen guden vrunden samtlick und sunderlick mochten vor gewalt und averval beschüttet und beschermet werden, wo ene alle tidt (des se dankbar) bet hertho noch bejegnet und geschehen were, se wolden sich aller maten gerne wedderumme also schiffen und holden, dat men sich erer nicht hebben scholde tho beklagen, bestunden of nicht (up wider der borger

fragent), dat etlike van enen ut Lubekē vorjaget, effte dat der kerke clenodia unnütlike (wo des Kais. Mandat meldede) vorschwendet syn scholden; dan leten sicc apenbar horen, dat se van demsulsten mandate effte sinem inholde nichtes en wusten, allene so vele en ut ghemenem geruchte were bygekamen und dat idt generalia weren.

Und sind darmede beyde deele vründliken van einander gescheden, jedoch hebben upgemeldete borger underschreven apenbar Notarien geessket und gebeden, ene und der gemene tho Lubekē hieraver ein effte mehr apentlicke instrumente, so vele dar noth und behof wurde synde, tho maken und tho beschriuen. Geschehen binnen Lubekē up der domdekenie darsulvest, am jare, dage, mante, indiction und keiserdome, wo haben berort.

Hier by an und aver sind gewesen de vorsichtigen menner Claweß Sprengel und Blydecker borger und inwaner tho Lubekē, alse tügen, hier sunderliges geessket und gebeden.

|                  |            |
|------------------|------------|
| Johannes Testede | } Notarii. |
| Laurentius Smit  |            |
| Michael Gerkens  |            |



